

# श्री दशाश्रुतस्कंध सूत्र-२

॥ श्री आगम-गुण-मञ्जूषा ॥

॥ श्री आगम-गुण-मंजूषा ॥

॥ Sri Agama Guna Manjusa ॥

(सचित्र)

प्रेरक-संपादक

अचलगच्छाधिपति प.पू.आ.भ.स्व. श्री गुणसागर सूरीश्वरजी म.सा.

## ४५ आगमो का संक्षिप्त परिचय

### ११ अंगसूत्र

- १) **श्री आचारांग सूत्र :-** इस सूत्र में साधु और श्रावक के उत्तम आचारो का सुंदर वर्णन है। इनके दो श्रुतस्कंध और कुल २५ अध्ययन है। द्रव्यानुयोग, गणितानुयोग, धर्मकथानुयोग और चरणकरणानुयोगोमे से मुख्य चौथा अनुयोग है। उपलब्ध श्लोको कि संख्या २५०० एवं दो चुलिका विद्यमान है।
- २) **श्री सूत्रकृतांग सूत्र :-** श्री सुयगडांग नाम से भी प्रसिद्ध इस सूत्र में दो श्रुतस्कंध और २३ अध्ययन के साथ कुलमिला के २००० श्लोक वर्तमान में विद्यमान है। १८० क्रियावादी, ८४ अक्रियावादी, ६७ अज्ञानवादी अपरंच द्रव्यानुयोग इस आगम का मुख्य विषय रहा है।
- ३) **श्री स्थानांग सूत्र :-** इस सूत्र ने मुख्य गणितानुयोग से लेकर चारो अनुयोगो कि बाते आती है। एक अंक से लेकर दस अंको तक में कितनी वस्तुओं है इनका रोचक वर्णन है, ऐसे देखा जाय तो यह आगम की शैली विशिष्ट है और लगभग ७६०० श्लोक है।
- ४) **श्री समवायांग सूत्र :-** यह सूत्र भी ठाणांगसूत्र की भांति कराता है। यह भी संग्रहग्रंथ है। एक से सो तक कौन कौन सी चीजे है उनका उल्लेख है। सो के बाद देढसो, दोसो, तीनसो, चारसो, पांचसो और दोहजार से लेकर कोटाकोटी तक कौनसे कौनसे पदार्थ है उनका वर्णन है। यह आगमग्रंथ लगभग १६०० श्लोक प्रमाण में उपलब्ध है।
- ५) **श्री व्याख्याप्रज्ञप्ति सूत्र (भगवती सूत्र) :-** यह सबसे बड़ा सूत्र है, इसमें ४२ शतक है, इनमें भी उपविभाग है, १९२५ उद्देश है। इस आगमग्रंथ में प्रभु महावीर के प्रथम शिष्य श्री गौतमस्वामी गणधरादि ने पुछे हुए प्रश्नो का प्रभु वीर ने समाधान किया है। प्रश्नोत्तर संकलन से इस ग्रंथ की रचना हुई है। चारो अनुयोगो कि बाते अलग अलग शतको में वर्णित है। अगर संक्षेप में कहना हो तो श्री भगवतीसूत्र रत्नो का खजाना है। यह आगम १५००० से भी अधिक संकलित श्लोको में उपलब्ध है।
- ६) **ज्ञातार्थधर्मकथांग सूत्र :-** यह सूत्र धर्मकथानुयोग से है। पहले इसमें साडेतीन करोड कथाएं थी अब ६००० श्लोको में उन्नीस कथाओं उपलब्ध है।
- ७) **श्री उपासकदशांग सूत्र :-** इसमें बाराह व्रतो का वर्णन आता है और १० महाश्रावको

के जीवन चरित्र है, धर्मकथानुयोग के साथ चरणकरणानुयोग भी इस सूत्र में सामील है। इसमें ८०० से ज्यादा श्लोक है।

- ८) **श्री अन्तकृद्दशांग सूत्र :-** यह मुख्यतः धर्मकथानुयोग में रचित है। इस सूत्र में श्री शत्रुंजयतीर्थ के उपर अनशन की आराधना करके मोक्ष में जानेवाले उत्तम जीवो के छोटे छोटे चरित्र दिए हुए है। फिलाल ८०० श्लोको में ही ग्रंथ की समाप्ति हो जाती है।
- ९) **श्री अनुत्तरोपपातिक दशांग सूत्र :-** अंत समय में चारित्र की आराधना करने अनुत्तर विमानवासी देव बनकर दूसरे भव में फीर से चारित्र लेकर मुक्तिपद को प्राप्त करने वाले महान् श्रावको के जीवनचरित्र है इसलिये मुख्यतया धर्मकथानुयोगवाला यह ग्रंथ २०० श्लोक प्रमाणका है।
- १०) **श्री प्रश्नव्याकरण सूत्र :-** इस सूत्र में मुख्यविषय चरणकरणानुयोग है। इस आगम में देव-विद्याघर-साधु-साध्वी श्रावकादि ने पुछे हुए प्रश्नों का उत्तर प्रभु ने कैसे दिया इसका वर्णन है। जो नंदिसूत्र में आश्रव-संवरद्वार है ठीक उसी तरह का वर्णन इस सूत्र में भी है। कुलमिला के इसके २०० श्लोक है।
- ११) **श्री विपाक सूत्र :-** इस अंग में २ श्रुतस्कंध है पहला दुःखविपाक और दूसरा सुखविपाक, पहले में १० पापीओं के और दूसरे में १० धर्मीओ के द्रष्टांत है मुख्यतया धर्मकथानुयोग रहा है। १२०० श्लोक प्रमाण का यह अंगसूत्र है।

### १२ उपांग सूत्र

- १) **श्री औपपातिक सूत्र :-** यह आगम आचारांग सूत्र का उपांग है। इस में चंपानगरी का वर्णन १२ प्रकार के तपों का विस्तार कोणिक का जुलुस अम्बडपरिव्राजक के ७०० शिष्यो की बाते है। १५०० श्लोक प्रमाण का यह ग्रंथ है।
- २) **श्री राजप्रश्रीय सूत्र :-** यह आगम सुयगडांगसूत्र का उपांग है। इसमें प्रदेशीराजा का अधिकार सूर्याभदेव के जरीए जिनप्रतिमाओं की पूजा का वर्णन है। २००० श्लोको से भी अधिक प्रमाण का ग्रंथ है।

## दश प्रकीर्णक सूत्र

- ३) श्री जीवाजीवाभिगम सूत्र :- यह ठाणांगसूत्र का उपांग है। जीव और अजीव के बारे में अच्छा विश्लेषण किया है। इसके अलावा जम्बुद्वीप की जगती एवं विजयदेव ने कि हुइ पूजा की विधि सविस्तर बताई है। फिलाल जिज्ञासु ४ प्रकरण, क्षेत्रसमासादि जो पढते है वह सभी ग्रंथे जीवाभिगम अपराग्व पत्रवणासूत्र के ही पदार्थ है। यह आगम सूत्र ४७०० श्लोक प्रमाण का है।
- ४) श्री प्रज्ञापना सूत्र- यह आगम समवायांग सूत्र का उपांग है। इसमें ३६ पदो का वर्णन है। प्रायः ८००० श्लोक प्रमाण का यह सूत्र है।
- ५) श्री सुर्यप्रज्ञप्ति सूत्र :-
- ६) श्री चन्द्रप्रज्ञप्ति सूत्र :- इस दो आगमो मे गणितानुयोग मुख्य विषय रहा है। सूर्य, चन्द्र, ग्रहादि की गति, दिनमान ऋतु अयनादि का वर्णन है, दोनो आगमो मे २२००, २२०० श्लोक है।
- ७) श्री जम्बूद्वीप प्रज्ञप्ति सूत्र :- यह आगम भी अगले दो आगमों की तरह गणितानुयोग मे है। यह ग्रंथ नाम के मुताबित जंबूद्वीप का सविस्तर वर्णन है। ६ आरे के स्वरूप बताया है। ४५०० श्लोक प्रमाण का यह ग्रंथ है।
- ८) श्री निरयावली सूत्र :- इन आगम ग्रंथो में हाथी और हारादि के कारण नानाजी का दोहित के साथ जो भयंकर युद्ध हुआ उस मे श्रेणिक राजा के १० पुत्र मरकर नरक मे गये उसका वर्णन है।
- ९) श्री कल्पावतंसक सूत्र :- इसमें पचकुमार और श्रेणिकपुत्र कालकुमार इत्यादि १० भाइओं के १० पुत्रों का जीवन चरित्र है।
- १०) श्री पुष्पिका उपांग सूत्र :- इसमें १० अध्ययन है। चन्द्र, सूर्य, शुक्र, बहुपुत्रिका देवी, पूर्णभद्र, माणिभद्र, दत्त, शील, जल, अणाढ्य श्रावक के अधिकार है।
- ११) श्री पुष्पचुलीका सूत्र :- इसमें श्रीदेवी आदि १० देवीओ का पूर्वभव का वर्णन है।
- १२) श्री वृष्णिदशा सूत्र :- यादववंश के राजा अंधकवृष्णि के समुद्रादि १०पुत्र, १० मे पुत्र वासुदेव के पुत्र बलभद्रजी, निषधकुमार इत्यादि १२ कथाएं है। अंतके पांचो उपांगो को निरियावली पचक भी कहते है।

- १) श्री चतुशरण प्रकीर्णक सूत्र :- इस पयत्रे में अरिहन्त, सिद्ध, साधु और गच्छधर्म के आचार के स्वरूप का वर्णन एवं चारों शरण की स्वीकृति है।
- २) श्री आतुर प्रत्याख्यान प्रकीर्णक सूत्र :- इस आगम का विषय है अंतिम आराधना और मृत्युसुधार
- ३) श्री भक्तपरिज्ञा प्रकीर्णक सूत्र :- इस पयत्रे में पंडित मृत्यु के तीन प्रकार (१) भक्त परिज्ञा मरण (२) इंगिनी मरण (३) पादोपगमन मरण इत्यादि का वर्णन है।
- ६) श्री संस्तारक प्रकीर्णक सूत्र :- नामानुसार इस पयत्रे में संथारा की महिमा का वर्णन है। इन चारों पयन्ने पठन के अधिकारी श्रावक भी है।
- ७) श्री तंदुल वैचारिक प्रकीर्णक सूत्र :- इस पयत्रे को पूर्वाचार्यगण वैराग्य रस के समुद्र के नाम से चीन्हित करते है। १०० वर्षों में जीवात्मा कितना खानपान करे इसकी विस्तृत जानकारी दी गई है। धर्म की आराधना ही मानव मन की सफलता है। ऐसी बातों से गुंफित यह वैराग्यमय कृति है।
- ८) श्री चन्दाविजय प्रकीर्णक सूत्र :- मृत्यु सुधार हेतु कैसी आराधना हो इसे इस पयत्रे में समजाया गया है।
- ९) श्री देवेन्द्र-स्तव प्रकीर्णक सूत्र :- इन्द्र द्वारा परमात्मा की स्तुति एवं इन्द्र संबधित अन्य बातों का वर्णन है।
- १०A) श्री मरणसमाधि प्रकीर्णक सूत्र :- मृत्यु संबधित आठ प्रकरणों के सार एवं अंतिम आराधना का विस्तृत वर्णन इस पयत्रे में है।
- १०B) श्री महाप्रत्याख्यान प्रकीर्णक सूत्र :- इस पयत्रे में साधु के अंतिम समय में किए जाने योग्य पयन्ना एवं विविध आत्महितकारी उपयोगी बातों का विस्तृत वर्णन है।

१०C) श्री गणिविद्या प्रकीर्णक सूत्र :- इस पत्र में ज्योतिष संबन्धित बड़े ग्रंथों का सार है।

उपरोक्त दसों पत्रों का परिमाण लगभग २५०० श्लोकों में बध्य है। इसके अलावा २२ अन्य पत्र भी उपलब्ध हैं। और दस पत्रों में चंदाविजय पत्रों के स्थान पर गच्छाचार पत्र को गिनते हैं।

## छह छेद सूत्र

(१) निशिथ सूत्र (२) महानिशिथ सूत्र (३) व्यवहार सूत्र (४) जीतकल्प सूत्र  
(५) पंचकल्प सूत्र (६) दशा श्रुतस्कंध सूत्र

इन छेद सूत्र ग्रंथों में उत्सर्ग, अपवाद और आलोचना की गंभीर चर्चा है। अति गंभीर केवल आत्मार्थ, भवभीरू, संयम में परिणत, जयणावंत, सूक्ष्म दृष्टि से द्रव्यक्षेत्रादिक विचार धर्मदृष्टि से करने वाले, प्रतिपल छहकाया के जीवों की रक्षा हेतु चिंतन करने वाले, गीतार्थ, परंपरागत उत्तम साधु, समाचारी पालक, सर्वजीवों के सच्चे हित की चिंता करने वाले ऐसे उत्तम मुनिवर जिन्होंने गुरु महाराज की निश्रा में योगद्वहन इत्यादि करके विशेष योग्यता अर्जित की हो ऐसे मुनिवरों को ही इन ग्रंथों के अध्ययन पठन का अधिकार है।

## चार मूल सूत्र

१) श्री दशवैकालिक सूत्र :- पंचम काल के साधु साध्वीओं के लिए यह आगमग्रन्थ अमृत सरोवर सरीखा है। इसमें दश अध्ययन हैं तथा अन्त में दो चूलिकाएँ रतिवाक्या व, विवित्त चरिया नाम से दी हैं। इन चूलिकाओं के बारे में कहा जाता है कि श्री स्थूलभद्रस्वामी की बहन यक्षासाध्वीजी महाविदेहक्षेत्र में से श्री सीमंधर स्वामी से चार चूलिकाएँ लाई थी। उनमें से दो चूलिकाएँ इस ग्रंथ में दी हैं। यह आगम ७०० श्लोक प्रमाण का है।

२) श्री उत्तराध्ययन सूत्र :- परम कृपालु श्री महावीरभगवान के अंतिम समय के उपदेश इस सूत्र में हैं। वैराग्य की बातें और मुनिवरों के उच्च आचारों का वर्णन इस आगम ग्रंथ में ३६ अध्ययनों में लगभग २००० श्लोकों द्वारा प्रस्तुत हैं।

३) श्री निर्युक्ति सूत्र :- चरण सत्तरी-करण सत्तरी इत्यादि का वर्णन इस आगम ग्रन्थ में है। पिंडनिर्युक्ति भी कई लोग ओघ निर्युक्ति के साथ मानते हैं अन्य कई लोग इसे अलग आगम की मान्यता देते हैं। पिंडनिर्युक्ति में आहार प्राप्ति की रीत बताई है। ४२ दोष कैसे दूर हों और आहार करने के छह कारण और आहार न करने के छह कारण इत्यादि बातें हैं।

४) श्री आवश्यक सूत्र :- छह अध्ययन के इस सूत्र का उपयोग चतुर्विध संघ में छोट बड़े सभी को है। प्रत्येक साधु साध्वी, श्रावक-श्राविका के द्वारा अवश्य प्रतिदिन प्रातः एवं सायं करने योग्य क्रिया (प्रतिक्रमण आवश्यक) इस प्रकार हैं :-

(१) सामायिक (२) चतुर्विंशति (३) वंदन (४) प्रतिक्रमण  
(५) कार्यात्सर्ग (६) पच्चक्खाण

## दो चूलिकाएँ

१) श्री नंदी सूत्र :- ७०० श्लोक के इस आगम ग्रन्थ में परमात्मा महावीर की स्तुति, संघ की अनेक उपमाएँ, २४ तीर्थकरों के नाम ग्यारह गणधरों के नाम, स्थविरावली और पांच ज्ञान का विस्तृत वर्णन है।

२) श्री अनुयोगद्वार सूत्र :- २००० श्लोकों के इस ग्रन्थ में निश्चय एवं व्यवहार के आलंबन द्वारा आराधना के मार्ग पर चलने की शिक्षा दी गई है। अनुयोग-याने शास्त्र की व्याख्या जिसके चार द्वार हैं (१) उत्क्रम (२) निक्षेप (३) अनुगम (४) नय

यह आगम सब आगमों की चावी है। आगम पढ़ने वाले को प्रथम इस आगम से शुरुआत करनी पडती है। यह आगम मुखपाठ करने जैसा है।

॥ इति शम् ॥

## Introduction

45 Āgamas, a short sketch

### I Eleven Āngas :

- (1) **Ācārāṅga-sūtra** : It deals with the religious conduct of the monks and the Jain householders. It consists of 02 Parts of learning, 25 lessons and among the four teachings on entity, calculation, religious discourse and the ways of conduct, the teaching of the ways of conduct is the main topic here. The Āgama is of the size of 2500 *Ślokas*.
- (2) **Sūyagaḍāṅga-sūtra** : It is also known as Sūtra-Kṛtāṅga. It's two parts of learning consist of 23 lessons. It discusses at length views of 363 doctrine-holders. Among them are 180 ritualists, 84 non-ritualists, 67 agnostics and 32 restraint-propounders, though it's main area of discussion is the teaching of entity. It is available in the size of 2000 *Ślokas*.
- (3) **Ṭhāṅga-sūtra** : It begins with the teaching of calculation mainly and discusses other three teachings subordinately. It introduces the topic of one dealing with the single objects and ends with the topic of eight objects. It is of the size of 7600 *Ślokas*.
- (4) **Samavāyāṅga-sūtra** : This is an encompendium, introducing 01 to 100 objects, then 150, 200 to 500 and 2000 to crores and crores of objects. It contains the text of size of 1600 *Ślokas*.
- (5) **Vyākhyā-prajñapti-sūtra** : It is also known as Bhagavati-sūtra. It is the largest of all the Āngas. It contains 41 centuries with subsections. It consists of 1925 topics. It depicts the questions of Gautama *Gapadhara* and answers of Lord Mahāvira. It discusses the four teachings in the centuries. This Āgama is really a treasure of gems. It is of the size of more than 15000 *Ślokas*.
- (6) **Jñātādharma-Kathāṅga-sūtra** : It is of the form of the teaching of the religious discourses. Previously it contained three and a half crores of discourses, but at present there are 19 religious discourses. It is of the size of 6000 *Ślokas*.
- (7) **Upāsaka-daśāṅga-sūtra** : It deals with 12 vows, life-sketches of 10 great Jain householders and of Lord Mahāvira, too. This deals with the teaching of the religious discourses and the ways of conduct.

It is of the size of around 800 *Ślokas*.

- (8) **Antagaḍa-daśāṅga-sūtra** : It deals mainly with the teaching of the religious discourses. It contains brief life-sketches of the highly spiritual souls who are born to liberate and those who are liberating ones : they are Andhaka Vṛṣṇi, Gautama and other 9 sons of queen Dhārīnī, 8 princes like Akṣobhakumāra, 6 sons of Devaki, Gajasukumāra, Yādava princes like Jāli, Mayālī, Vasudeva Kṛṣṇa, 8 queens like Rukmiṇī. It is available of the size of 800 *Ślokas*.
- (9) **Anuttarovavāyi-daśāṅga-sūtra** : It deals with the teaching of the religious discourses. It contains the life-sketches of those who practise the path of religious conduct, reach the *Anuttara Vimāna*, from there they drop in this world and attain Liberation in the next birth. Such souls are Abhayakumāra and other 9 princes of king Śrenika, Dirghasena and other 11 sons, Dhannā *Aṅgāra*, etc. It is of the size of 200 *Ślokas*.
- (10) **Praśna-vyākaraṇa-sūtra** : It deals mainly with the teaching of the ways of conduct. As per the remark of the Nandī-sūtra, it contained previously Lord Mahāvira's answers to the questions put by gods, Vidyādhara, monks, nuns and the Jain householders. At present it contains the description of the ways leading to transgression and the self-control. It is of the size of 200 *Ślokas*.
- (11) **Vipāka-sūtrāṅga-sūtra** : It consists of 2 parts of learning. The first part is called the Fruition of miseries and depicts the life of 10 sinful souls, while the second part called the Fruition of happiness narrates illustrations of 10 meritorious souls. It is available of the size of 1200 *Ślokas*.

### II Twelve Upāṅgas

- (1) **Uvavāyi-sūtra** : It is a subservient text to the *Ācārāṅga-sūtra*. It deals with the description of Campā city, 12 types of austerity, procession-arrival of Koṛīka's marriage, 700 disciples of the monk Ambaḍa. It is of the size of 1000 *Ślokas*.
- (2) **Rāyapaseṇī-sūtra** : It is a subservient text to *Sūyagaḍāṅga-sūtra*. It depicts king Pradesī's jurisdiction, god Sūryabha worshipping the Jina idols, etc. It is of the size of 2000 *Ślokas*.

- (3) **Jivābhigama-sūtra** : It is a subservient text to T̥hānāṅga-sūtra. It deals with the wisdom regarding the self and the non-self, the Jambū continent and its areas, etc. and the detailed description of the veneration offered by god Vijaya. The four chapters on areas, society, etc. published recently are composed on the line of the topics of this Sūtra and of the Pannāvaṇā-sūtra. It is of the size of 4700 Ślokas.
- (4) **Pannāvaṇā-sūtra** : It is a subservient text to the Samavāyāṅga-sūtra. It describes 36 steps or topics and it is of the size of 8000 Ślokas.
- (5) **Sūrya-prajñapti-sūtra** and
- (6) **Candra-prajñapti-sūtra** : These two falls under the teaching of the calculation. They depict the solar and the lunar transit, the movement of planets, the variations in the length of a day, seasons, northward and the southward solstices, etc. Each one of these Āgamas are of the size of 2200 Ślokas.
- (7) **Jambūdvīpa-prajñapti-sūtra** : It mainly deals with the teaching of the calculations. As it's name indicates, it describes at length the objects of the Jambū continent, the form and nature of 06 corners (āra). It is available in the size of 4500 Ślokas.
- Nirayāvali-pañcaka** :
- (8) **Nirayāvali-sūtra** : It depicts the war between the grandfather and the daughter's son, caused of a necklace and the elephant, the death of king Śreṇika's 10 sons who attained hell after death. This war is designated as the most dreadful war of the Downward (avasarpinī) age.
- (9) **Kalpāvatamsaka-sūtra** : It deals with the life-sketches of Kālakumara and other 09 princes of king Śreṇika, the life-sketch of Padamakumra and others.
- (10) **Pupphiyā-upāṅga-sūtra** : It consists of 10 lessons that covers the topics of the Moon-god, Sun-god, Venus, queen Bahuputrīka, Pūrṇabhadrā, Mañibhadra, Datta, Śīla, Bala and Anāḍḍhiya.
- (11) **Pupphaculiyā-upāṅga-sūtra** : It depicts previous births of the 10 queens like Śrīdevī and others.
- (12) **Vahnidaśa-upāṅga sūtra** : It contains 10 stories of Yadu king Andhakavṛṣṇi, his 10 princes named Samudra and others, the tenth

one Vāsudeva, his son Balabhadra and his son Niṣadha.

### III Ten Payannā-sūtras :

- (1) **Āurapaccakhāṇa-sūtra** : It deals with the final religious practice and the way of improving (the life so that the) death (may be improved).
- (2) **Bhattaparinnā-sūtra** : It describes (1) three types of Paṇḍita death, (2) knowledge, (3) Inḡini devotee (4) Pādapopagamāna, etc.
- (4) **Santhāraga-payannā-sūtra** : It extols the Samstāraka.

**\*\* These four payannās can also be learnt and recited by the Jain householders. \*\***

- (5) **Tandula-viyāliya-payannā-sūtra** : The ancient preceptors call this Payannā-sūtra as an ocean of the sentiment of detachment. It describes what amount of food an individual soul will eat in his life of 100 years, the human life can be justified by way of practising a religious life.
- (6) **Candāvijaya-payannā-sūtra** : It mainly deals with the religious practice that improves one's death.
- (7) **Devendrathui-payannā-sūtra** : It presents the hymns to the Lord sung by Indras and also furnishes important details on those Indras.
- (8) **Maraṇasamādhi-payannā-sūtra** : It describes at length the final religious practice and gives the summary of the 08 chapters dealing with death.
- (9) **Mahāpaccakhāṇa-payannā-sūtra** : It deals specially with what a monk should practise at the time of death and gives various beneficial informations.
- (10) **Gaṇivijaya-payannā-sūtra** : It gives the summary of some treatise on astrology.

These 10 Payannās are of the size of 2500 Ślokas.

Besides about 22 Payannās are known and even for these above 10 also there is a difference of opinion about their names. The Gacchācāra is taken, by some, in place of the Candāvijaya of the 10 Payannās.

#### IV Six Cheda-sūtras

- (1) Vyavahāra-sūtra, (2) Nisītha-sūtra,
- (3) Mahānisītha-sūtra, (4) Pancakalpa-sūtra,
- (5) Daśāsruta-skandha-sūtra and (6) Bṛhatkalpa-sūtra.

These Chedasūtras deal with the rules, exceptions and vows.

The study of these is restricted only to those best monks who are

- (1) serene, (2) introvert, (3) fearing from the worldly existence, (4) exalted in restraint, (5) self-controlled, (6) rightfully discerning the subtlety of entity, territories, etc. (7) pondering over continuously the protection of the six-limbed souls, (8) praiseworthy, (9) exalted in keeping the tradition, (10) observing good religious conduct, (11) beneficial to all the beings and (12) Who have paved the path of Yoga under the guidance of their master.

#### V Four Mūlasūtras

- (1) **Daśavaikalika-sūtra** : It is compared with a lake of nectar for the monks and nuns established in the fifth stage. It consists of 10 lessons and ends with 02 Cūlikās called Rativākyā and Vivittacariyā. It is said that monk Sthūlabhadra's sister nun Yakṣā approached Simandhara Svāmī in the Mahāvīdeha region and received four Cūlikās. Here are incorporated two of them.
- (2) **Uttarādhyayana-sūtra** : It incorporates the last sermons of Lord Mahāvīra. In 36 lessons it describes detachment, the conduct of monks and so on. It is available in the size of 2000 *Slokas*.
- (3) **Anuyogadvāra-sūtra** : It discusses 17 topics on conduct, behaviour, etc. Some combine Piṇḍaniryukti with it, while others take it as a separate Āgama. Piṇḍaniryukti deals with the method of receiving food (*bhikṣā* or *gocari*), avoidance of 42 faults and to receive food, 06 reasons of taking food, 06 reasons for avoiding food, etc.
- (4) **Avāśyaka-sūtra** : It is the most useful Āgama for all the four groups of the Jain religious constituency. It consists of 06 lessons. It describes 06 obligatory duties of monks, nuns, house-holders and housewives. They are : (1) *Sāmāyika*, (2) *Caturvīṃsatistava*, (3) *Vandanā*, (4) *Pratikramaṇa*, (5) *Kāyotsarga* and (6) *Paccakhāṇa*.

#### VI Two Cūlikās

- (1) **Nandī-sūtra** : It contains hymn to Lord Mahāvīra, numerous similies for the religious constituency, name-list of 24 *Tirthaṅkaras* and 11 *Gaṇadhāras*, list of *Sthaviras* and the fivefold knowledge. It is available in the size of around 700 *Slokas*.
- (2) **Anuyogadvāra-sūtra** : Though it comes last in the serial order of the 45 Āgamas, the learner needs it first. It is designated as the key to all the Āgamas. The term *Anuyoga* means explanatory device which is of four types : (1) Statement of proposition to be proved, (2) logical argument, (3) statement of accordance and (4) conclusion.

It teaches to pave the righteous path with the support of firm resolve and worldly involvements.

It is of the size of 2000 *Slokas*.

## આગમ - ૩૯ - ૨

ધર્મકથાનુયોગમય કલ્પસૂત્ર - ૩૯

અધ્યયન - - - - -	૧	
ઉપલબ્ધ મૂલપાઠ - - - - -	૧૨૧૫	શ્લોક પ્રમાણ
ગદ્યસૂત્ર - - - - -	૩૧૨	
પદ્યસૂત્ર ગાથા - - - - -	૧૪	

આ સૂત્રના એક જ અધ્યયનના આરંભમાં પાંચપરમેષ્ટીને નમસ્કાર કરીને ભગવાન મહાવીરના જીવનચરિત્રમાં ભગવાન મહાવીરનું દેવલોકમાંથી ચ્યવન, માહણકુંડ ગામમાં ઋષભદત્ત બ્રાહ્મણની પત્ની દેવાનંદાને ૧૪ સ્વપ્ન વગેરે વર્ણન કરીને હરિણગમૈષી દ્વારા ક્ષત્રિયકુંડ ગામમાં રાજા સિદ્ધાર્થની રાણી ત્રિશલામાં ગર્ભપલટો, ત્રિશલાને ૧૪ સ્વપ્નો, સ્વપ્નશાસ્ત્રીઓને આમંત્રણ, તેમના દ્વારા ૭૨ સ્વપ્નો અને તેના ક્ષણ નું કથન, તીર્થકર અને ચક્રવર્તીને ૧૪ સ્વપ્નો વગેરે વર્ણન કરીને ગર્ભની સ્થિરતાને લીધે ત્રિશલાનો વિલાપ વગેરે વર્ણન છે.

ભગવાન મહાવીરનો અભિગમ અને કાળક્રમે જન્મ, મહોત્સવમાં ૫૬ દિફ્ફુમારીઓ તેમજ ઈન્દ્રો અને દેવદેવીઓનું આવાગમન, ભગવાનના પરિવારજન જેવાં કે માતા-પિતા, કાકા, ભાઈ વગેરેના નામો સહિત વર્ણન, વર્ધમાન એવું નામકરણ, ભગવાન દ્વારા વર્ષાદાન, દીક્ષા ગ્રહણ તેમજ તેમણે સહન કરેલાં ધોર ઉપસર્ગોનું વર્ણન, તે પછી કેવળજ્ઞાન, સંઘ સ્થાપના, ચતુર્વિધ સંઘરચના, ભગવાન મહાવીરનો નિર્વાણકાળ વગેરે વર્ણવીને આ કલ્પસૂત્રનો લેખનકાળ જણાવ્યો છે.

તે પછી ભગવાન પાર્શ્વનાથના જીવન ચરિત્રવર્ણન માં તેમના પાંચ કલ્યાણકનું



સંપિન્ન વર્ણન કરીને વારણસીમાં રાજ અશ્વસેનની રાણી વામાના ઉદરમાં ભગવાન પાર્થનાથનું ચ્યવન, રાણીને ૧૪૬વખો, પ્રભુનો જન્મ, વર્ષીદાન, દીક્ષા અને ૮૩ દિવસના ઉપસર્ગ સહનકાળના અંતે કેવળજ્ઞાન, ચતુર્વિધસંઘ, છદ્મસ્થ સંખ્યા વગેરેના વર્ણન પછી ભગવાન પાર્થનાથનો નિર્વાણકાળ અને સર્વાયુનું વર્ણન છે.

તે પછી ભગવાન અરિષ્ટ નેમિનાથના પાંચ કલ્યાણકો, ભગવાન અરિષ્ટ નેમિનાથના આત્માનું રાજ સમુદ્રવિજયની રાણી શિવાના ઉદરમાં ચ્યવન, ૧૪ સ્વપ્નોનું દર્શન વગેરેથી લઈ સર્વાયુ સુધીનું વર્ણન, તેમજ અંતે ભગવાન અરિષ્ટ નેમિનાથથી માંડીને અજિતનાથ સુધીના ૨૦ તીર્થકરોના વર્ણન પછી દરેકના વાચનાકાળ આપવામાં આવ્યા છે.

ત્યાર પછી ભગવાન ઋષભદેવના પાંચ કલ્યાણકો, તેમના આત્માનું દેવલોકમાંથી રાજ ભરતની રાણી મરુદેવાના ગર્ભમાં ચ્યવન, ૧૪ સ્વપ્નોનું વર્ણન, જન્મોત્સવ, કુમારજીવન, રાજ્યકાળ, કળા અને શિલ્પનો ઉપદેશ, ૧૦૦ પુત્રો અને તેમનો રાજ્યાભિષેક, વર્ષીદાન અને પછી અણગાર પ્રવ્રજ્યા, કેવળજ્ઞાન, ચતુર્વિધ સંઘપરિવાર અને નિર્વાણકાળ જણાવી કલ્પસૂત્રનો વાચનાકાળ જણાવ્યો છે.

તે પછી ભગવાન મહાવીરના નવ ગણો અને ૧૧ ગણધરો, તેમના ગોત્ર, આગમજ્ઞાન અને નિર્વાણકાળ ખતાવીને સ્થવિરાવલી એટલે કે સ્થવિરોના કુળ, ગોત્ર, શાખા વગેરે (વિશેષ માટે જુઓ - ભગવતી સૂત્રનો ભાવાર્થનું પહેલું પાન) વર્ણન છે.

અંતે સાધુ-સમાચારીમાં ભગવાન મહાવીર સ્વામીનો વર્ષાવાસનો નિશ્ચય, એનો અવગ્રહ ક્ષેત્ર, ભિક્ષાચર્યા ક્ષેત્ર, નદીપારના વિધિ-નિષેધ, વગેરેનું વિસ્તૃત વર્ણન કરીને પાંચ પનક સૂક્ષ્મ, પાંચ બીજસૂક્ષ્મ વગેરે આઠ સૂક્ષ્મ, લોચ અને એનું વિધાન અને વિકલ્પો, ભિક્ષાચર્યાના દિશા અભિગ્રહ જણાવી સમાચારીની આરાધનાથી નિર્વાણ પ્રાપ્તિના કથનથી ઉપસંહાર કરવામાં આવ્યો છે.

सरि उसहदेव सामिस्स णमो । सिरि गोडी - जिराउला - सव्वोदयपासणाहाणं णमो । नमोऽत्थुणं समणस्स भगवओ महइ महावीर वद्धमाण सामिस्स । सिरि गोयम - सोहम्माइ सव्व गणहराणं णमो । सिरि सुगुरु - देवाणं णमो । ५५५ १४ पूर्वधर श्रीभद्रबाहुस्वामि विरचित श्रीकल्पसूत्र - (श्रीबारसासूत्र -) ५५५ नमो अरिहंताणं, नमो सिद्धाणं, नमो आयरियाणं, नमो उवज्झायाणं, नमो लोए सव्वसाहूणं ॥ एसो पंचनमुक्कारो, सव्वपावप्पणासणो । मंगलाणं च सव्वेसिं, पढमं होइ मंगलं ॥१॥ तेणं कालेणं तेणं समएणं समणे भगवं महावीरे पंचहत्थुत्तरे हुत्था, तं जहा हत्थुत्तराहिं चुए, चइत्ता गब्भं वक्कंते १ हत्थुत्तराहिं गब्भाओ गब्भं साहरिए २ हत्थुत्तराहिं जाए ३ हत्थुत्तराहिं मुंडे भवित्ता अगाराओ अणगारिअं पव्वइए ४ हत्थुत्तराहिं अणंते अणुत्तरे निव्वाघाए निरावरणे कसिणे पडिपुन्ने केवल वरनाणदंसणे समुपन्ने ५ साइणा परिनिव्वुए भयवं ६ ॥२॥ तेणं कालेणं तेणं समएणं समणे भगवं महावीरे जे से गिम्हाणं चउत्थे मासे अट्टमे पक्खे आसाढसुद्धे तस्स णं आसाढसुद्धस्स छट्ठीपक्खेणं महाविजय - पुप्फुत्तरपवरपुंडरीयाओ महाविमाणाओ वीसं सागरोवमट्टिइयाओ आउक्खएणं भवक्खएणं ठिइक्खएणं अणंतरं चयं, चइत्ता इहेव जंबुद्धीवे दीवे भारहे वासे दाहिणह्ठभरहे इमीसे ओसप्पिणीए सुसमसुसमाए समाए विइक्कंताए १, सुसमाए समाए विइक्कंताए २ सुसमदूसमाए समाए विइक्कंताए ३; दूसमसुसमाए समाए बहुविइक्कंताए-सागरोवमकोडाकोडीए वायालीसवाससहस्सेहिं ऊणिआए पंचहत्तरिवासेहिं अद्धनवमेहिं य मासेहिं सेसेहिं-इक्कवीसाए तित्थयरेहिं इक्खागकुलसमुप्पन्नेहिं कासवगुत्तेहिं, दोहि य हरिवंसकुलसमुप्पन्नेहिं गोयमसगुत्तेहिं, तेवीसाए तित्थयरेहिं विइक्कंतेहिं, समणे भगवं महावीरे चरमत्तित्थयरे पुव्वत्तित्थयरनिद्धिहे माहणकुंडग्गामे नयरे उसभदत्तस्स माहणस्स कोडाल सगुत्तस्स भारिआए देवाणंदाए माहणीए जालंधरसगुत्ताए पुव्वरत्ता वरत्तकालसमयंसि हत्थुत्तराहिं नक्खत्तेणं जोगमुवागएणं आहारवक्कंतीए, भववक्कंतीए, सरीवक्कंतीए; कुच्छिसि गब्भत्ताए वक्कंते ॥३॥ समणे भगवं महावीरे तिन्नाणोवगए आविहुत्था-चइस्सामित्ति जाणइ, चयमाणे न जाणइ, चुएमित्ति जाणइ ॥ जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छिसि गब्भत्ताए वक्कंते तं रयणिं च णं सा देवाणंदा माहणी सयणिज्जंसि सुत्तजागरा ओहीरमाणी २ इमेआरूवे उराले कल्लाणे सिवे धन्ने मंगल्ले सस्सिरीए चउदस महासुमिणे पासित्ताणं पडिबुद्धा, तंजहा-गय-वसह-सीह-अमिसेअदाम-ससि-दिणयरं-झयं-कुंभं । पउमसर-सागर-विमाणभवण-रयणुच्चयसिहिं च ॥१॥४॥ तए णं सा देवाणंदा माहणी इमे एयारूवे उराले कल्लाणे सिवे धन्ने मंगल्ले सस्सिरीए चउदस महासुमिणे पासित्ताणं पडिबुद्धा समाणी हट्टतुट्टचित्तमाणंदिआ पीइमणा परमसोमणस्सिआ हरिसवसविसप्पमाणहियया धाराहयकलंबुगंपिव समुस्ससिअरोमकूवा सुमिणुग्गहं करेइ, सुमिणुग्गहं करित्ता सयणिज्जाओ अब्भुट्टेइ, अब्भुट्टित्ता अतुरिअमचवलमसंभंताए अविलंबिआए रायहंससरिसीए गईए जेणेव उसभदत्ते माहणे तेणेव उवागच्छइ, उवागच्छित्ता उसभदत्तं माहणं जएणं विजएणं वद्धावेइ, वद्धावित्ता सुहासणवरगया आसत्था वीसत्था करयलपरिग्गहियं दसनहं सिरसावत्तं मत्थए अंजलिं कट्टु एवं वयासी ॥५॥-एवं खलु अहं देवाणुप्पिआ ! अज्ज सयणिज्जंसि सुत्तजागरा ओहीरमाणी २ इमेआरूवे उराले जाव सस्सिरीए चउदस महासुमिणे पासित्ताणं पडिबुद्धा, तंजहा-गय-जाव-सिहिं च ॥६॥ एएसिं णं उरालाणं जाव चउदसणहं महासुमिणाणं के मन्ने कल्लाणे फलवित्तिविसेसे भविस्सइ ?, तए णं से उसभदत्ते माहणे देवाणंदाए माहणीए अंतिए एअमट्टं सुच्चा - निसम्म हट्टतुट्ट जाव हिअए धाराहयकलंबुअंपिव समुस्ससियरोमकूवे सुमिणुग्गहं करेइ, करित्ता ईहं अणुपविसइ, अणुपविसित्ता अप्पणो साभाविणं मइपुव्वएणं बुद्धिविन्नाणेणं तेसिं सुमिणाणं अत्थुग्गहं करेइ, करित्ता देवाणंदं माहणि एवं वयासी ॥७॥ उराला णं तुमे देवाणुप्पिए ! सुमिणा दिट्ठा, कल्लाणा सिवा धन्ना मंगल्ला सस्सिरिआ आरोग्ग-तुट्टि-दीहाउ-कल्लाण-मंगल्लकारगा णं तुमे देवाणुप्पिए ! सुमिणा दिट्ठा,

सौजन्य :- मातृश्री लीलबाई पेशी वाघा परिवार नागलपुर (५२४)

ह. जीन्दुबेन जीकेश कुमार (रायला) भेराउना लुंभा जीथरानी टीकरी ओमीमा धारशी घेलाभाई (नपावास) (५२४)

तजहा-अत्थलाभो देवाणुप्पिए !, भोगलाभो देवाणुप्पिए !, पुत्तलाभो देवाणुप्पिए !, सुक्खलाभो देवाणुप्पिए !, एवं खलु तुमं देवाणुप्पिए ! नवण्हं मासाणं बहुपडिपुत्ताणं अद्धड्डमाणं राइंदिआणं विइक्कंताणं सुकुमालपाणिपायं अहीणपडिपुत्तपंचिदियसरीरं लक्खणवज्जणगुणोववे अं माणुम्माणपमाणपडिपुत्तसुजायसव्वंगसुंदरंगं ससिसोमाकारं कंतं पिअदंसणं सुरुवं देवकुमारोवमं दारयं पयाहिसि ॥८॥ सेऽविअ णं दारए उम्मुक्कबालभावे विन्नायपरिणयमित्ते जुव्वणगमणुपत्ते रिउव्वेअ - जउव्वेअ - सामव्वेअ - अथव्वणवेअ - इतिहासपंचमाणं निग्घंटुछट्टाणं संगोवंगणं सरहस्साणं चउण्हं वेआणं सारए, पारए, धारए, सडंगवी, सट्ठितंतविसारए, संक्खाणे सिक्खाणे सिक्खाकप्पे वागरणे छंदे निरुत्ते जोइसामयणे अत्तेसु अ बहुसु बंभण्णएसु परिव्वायएसु नएसु सुपरिनिट्टिए आविभविस्सइ ॥९॥ तं उराला णं तुमे देवाणुप्पिए ! सुमिणा दिट्ठा, जाव आरुग्ग-तुट्ठिदीहाउय-मंगल्लकल्लाण-कारगा णं तुमे देवाणुप्पिए ! सुमिणा दिट्ठत्ति कट्टु भुज्जो भुज्जो अणुवूइह ॥१०॥ तए णं सा देवाणंदा माहणी उसभदत्तस्स अंतिए एअमट्ठं सुच्चा-निसम्म हट्टतुट्ट जाव हियया जाव करयलपरिग्गहियं दसनहं सिरसावत्तं मत्थए अंजलिंकट्टु उसभदत्तं माहणं एवं वयासी ॥११॥ एवमेयं देवाणुप्पिआ ! तहमेयं देवाणुप्पिआ ! अवितहमेयं देवाणुप्पिआ ! असंदिद्धमेयं देवाणुप्पिआ ! इच्छियमेअं देवाणुप्पिआ ! पडिच्छिअमेअं देवाणुप्पिआ ! इच्छियपडिच्छियमेअं देवाणुप्पिआ ! सच्चे णं एसमट्ठे से जहेयं तुब्भे वयहत्ति कट्टु ते सुमिणे सम्मं पडिच्छइ, पडिच्छित्ता उसभदत्तेणं माहणेणं सद्धिं उरालाइं माणुस्सगाइं भोगभोगाइं भुंजमाणी विहरइ ॥१२॥ तेणं कालेणं तेणं समएणं सक्के देविदे देवराया वज्जपाणी पुरंदरे सयक्कऊ सहस्सक्खे मघवं पागसासणे दाहिण्ह-लोगाहिवई एरावणवाहणे सुरिदे बत्तीसविमाणसयसहस्साहिवई अरयंबरवत्थधरे आलइअमालमउडे नवहेमचारुचित्तचंचलकुंडल-विलहिज्जमाणगल्ले महिड्डिए महजुइए महाबले महायसे महाणुभावे महा-सुक्खे भासुरबुंदी पलंबवण-मालधरे सोहम्मे कप्पे सोहम्मवडिसए विमाणे सुहम्माए सभाए सक्कंसि सीहासणंसि, से णं तत्थ बत्तीसाए विमाणवाससयसाहस्सीणं, चउरासीए सामाणिअ-साहस्सीणं, तायत्तीसाए तायत्तीसगाणं, चउण्हं लोगपालाणं, अट्टण्हं, अग्गमहिसीणं सपरिवाराणं, तिण्हं परिसाणं, सत्तण्हं अणीआणं, सत्तण्हं अणीआहिवईणं, चउण्णं चउरासीए आयरक्खदेवसाहस्सीणं, अन्नेसिं च बहूणं सोहम्मकप्पवासीणं वेमाणिआणं देवाणं देवीण य आहेवच्चं पोरेवच्चं सामित्तं भट्टित्तं महत्तरगत्तं आणा-ईसर-सेणावच्चं कारेमाणे पालेमाणे महया-हय-नट्ट-गीय-वाइअ-तंती-तलताल-तुडिय-घणमुइंग-पडुपडह-वाइय-रवेणं दिव्वाइं भोगभोगाइं भुंजमाणे विहरइ ॥१३॥ इमं च णं केवलकप्पं जंबुद्वीवं दीवं विउलेणं ओहिणा आभोएमाणे २ विहरइ, तत्थ णं समणं भगवं महावीरं जंबुद्वीवे दीवे भारहे वासे दाहिण्ह-भरहे माहणकुंडगामे नयरे उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भत्ताए वक्कंतं पासइ, पासित्ता हट्ट-तुट्ट-चित्तमाणांदिए णंदिए परमानंदिएपीअमणे परमसोमणस्सिए हरिसवस-विसप्पमाणहियए धाराहयनीवसुरभिकुसुम-चंचुमालइय-ऊससियरोम-कूवे विकसिय-वरकमल-नयणवयणे पयलियवरकडग-तुडिय-केऊर-मउड-कुंडल-हारविरायंतवच्छे पालंब-पलंबमाण-घोलंत भूसणधरेस संभमं तुरिअं चवलं सुरिदे सीहासणाओ अब्भुट्टेइ, अब्भुट्टित्ता पायपीढाओ पच्चोरुहइ, पच्चोरुहित्ता वेरुलियवरिड्ड-रिड्डंजण-निउणोवि (वचि) अमिसिमि-सिंतमणिरयण मंडिआओ पाउयाओ ओमुअइ, ओमुइत्ता एगसाडिअं उत्तरासंगं करेइ, करित्ता अंजलि-मउलि-अग्गहत्थे तित्थयाभिमुहे सत्तट्ट पयाइं अणुगच्छइ, सत्तट्ट पयाइं अणुगच्छित्ता वामं जाणुं अंचेइ अंचित्ता दाहिणं जाणुं धरणिअलंसि साहट्टु तिक्खुत्तो मुद्धाणं धरणियलंसि निवेसेइ निवेसित्ता ईसिं पच्चुत्तमइ, पच्चुण्णमित्ताकडग-तुडिअथंभिआओ भुआओ साहरेइ, साहरित्ता करयलपरिग्गहिअं दसनहं सिरसावत्तं मत्थए अंजलि कट्टु एवं वयासी ॥१४॥ नमुत्थु णं अरिहंताणं भगवंताणं, आइगराणं तित्थयराणं सयसंबुद्धाणं, पुरिसुत्तमाणं पुरिससीहाणं पुरिसवरपुंडरीयाणं पुरिसवरगंधहत्थीणं, लोगुत्तमाणं लोगनाहाणं लोगहियाणं लोगपईवाणं लोगपज्जोअगराणं, अभयदयाणं चक्खुदयाणं मग्गदयाणं सरणदयाणं जीवदयाणं बोहियदयाणं, धम्मदयाणं धम्मदेसयाणं धम्मनायगाणं धम्मसारहीणं, धम्मवरचाउरंतचक्कवट्टीणं, दीवो ताणं, सरणं गई पइट्टा अप्पडिहय-वरनाणदंसणधराणं विअट्टुत्तमाणं, जिणाणं जावयाणं, तिन्नाणं तारयाणं, बुद्धाणं बोहयाणं, मुत्ताणं मोअगाणं; सव्वण्णूणं, सव्वदरिसीणं, सिव-मयल-मरुअ-मणंत-मक्खय-मव्वाबाह-

मपुणरावित्तिसिद्धिगइ-नामधेयं ठाणं संपत्ताणं, नमो जिणाणं जियभयाणं ॥ नमुत्थु णं समणस्स भगवओ महावीरस्स आइगरस्स चरमतित्थयरस्स पुव्वतित्थयर-  
निद्धिद्वस्स जाव संपाविउकामस्स ॥ वंदामि णं भगवंतं तत्थ गयं इह गए, पासइ मे भगवं तत्थ गए इह गयं - तिकहु समणं भगवं महावीरं वंदइ नमंसइ, वंदित्ता  
नमंसित्ता सीहासणवरंसि पुरत्थाभिमुहे सन्निसन्ने ॥ तए णं तस्स सकस्स देविदस्स देवरन्नो अयमेआरुवे अब्भत्थिए चित्थिए पत्थिए मणोगए संकप्पे समुप्पज्जित्था  
॥१५॥ न खलु एयं भूअं, न एवं भव्वं, न एयं भविस्सं, जं णं अरिहंता वा चक्कवट्टी वा बलदेवा वा वासुदेवा वा अंतकुलेसु वा पंतकुलेसु वा तुच्छकुलेसु वा दरिद्वकुलेसु  
वा किवणकुलेसु वा भिक्खागकुलेसु वा माहणकुलेसु वा आयाइंसु वा आयाइंति वा आयाइस्संति वा ॥१६॥ एवं खलु अरहंता वा चक्कवट्टी वा बलदेवा वा वासुदेवा  
वा उग्गकुलेसु वा भोगकुलेसु वा राइण्णकुलेसु वा इक्खागकुलेसु वा खत्तियकुलेसु वा हरिवंसकुलेसु वा अन्नयरेसु वा तहप्पगारेसु विसुद्धजाइ - कुलवंसेसु  
आयाइंसु वा आयाइंति वा आयाइस्संति वा ॥१७॥ अत्थि पुण एसेऽवि भावे लोगच्छेरयभूए अणंताहिं उस्सप्पिणीओसप्पिणीहिं विइक्कंताहि समुप्पज्जइ,  
(ग्रं. १००) नामगुत्तस्स वा कम्मस्स अक्खीणस्स अवेइअस्स अणिज्जिण्णस्स उदएणं जं णं अरहंता वा चक्कवट्टी वा बलदेवा वा वासुदेवा वा अंतकुलेसु वा  
पंतकुलेसु वा तुच्छकुलेसु वा दरिद्वकुलेसु वा भिक्खागकुलेसु वा किवण कुलेसु वा आयाइंसु वा आयाइंति वा आयाइस्संति वा, कुच्छिसि गब्भत्ताए वक्कमिसु वा  
वक्कमंति वा वक्कमिस्संति वा, नो चेव णं जोणीजम्मण-निक्खमणेणं निक्खमिसु वा निक्खमंति वा निक्खमिस्संति वा ॥१८॥ अयं च णं समणे भगवं महावीरे  
जंबुद्दीवे दीवे भारहे वासे माहणकुंडग्गामे नयरे उसभदत्तस्स माहणस्स कोडालासगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भत्ताए  
वक्कंते ॥१९॥ तं जीअमेअं तीअपच्चुप्पन्न-मणागयाणं सक्काणं देविदाणं देवरायाणं अरहंते भगवंते तहप्पगारेहिंतो अंतकुलेहिंतो पंतकुलेहिंतो तुच्छकुलेहिंतो  
दरिद्वकुलेहिंतो भिक्खागकुलेहिंतो किवणकुलेहिंतो तहप्पगारेसु उग्गकुलेसु वा भोगकुलेसु वा रायन्नकुलेसु नायखत्तियहरिवंसकुलेसु वा अन्नयरेसु तहप्पगारेसु  
विसुद्ध-जाइ-कुलवंसेसु वा साहरावित्तए, तं सेयं खलु ममवि समणं भगवं महावीरं चरमतित्थयरं पुव्वतित्थयरनिद्धिद्वं माहणकुंडग्गामाओ नयराओ उसभदत्तस्स  
माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्स खत्तियस्स कासवगुत्तस्स  
भारियाए तिसलाए खत्तियाणीए वासिद्वसगुत्ताए कुच्छिसि गब्भत्ताए साहरावित्तअे । जेऽविय णं से तिसलाए खत्तियाणीए गब्भे तंपिय णं देवाणंदाए माहणीए  
जालंधरसगुत्ताए कुच्छिसि गब्भत्ताए साहरावित्तए-त्तिकहु एवं संपेहेइ, एवं संपेहिता हरिणेगमेसि अग्गाणीयाहिवइ देवं सद्दवेइ, सद्दवेत्ता एवं वयासी ॥२०॥ एवं  
खलु देवाणुप्पिआ ! न एअं भूअं, न एअं, भव्वं, न एअं भविस्सं, जं णं अरिहंता वा चक्कवट्टी वा बलदेवा वा वासुदेवा वा अंतकुलेसु वा पंतकुलेसु वा किवणकुलेसु  
वा दरिद्वकुलेसु वा तुच्छकुलेसु वा भिक्खागकुलेसु वा आयाइंसु वा आयाइंति वा आयाइस्संति वा, एवं खलु अरिहंता वा चक्कवट्टी वा बलदेवा वा वासुदेवा वा  
उग्गकुलेसु वा भोगकुलेसु वा राइण्णकुलेसु वा नायकुलेसु वा खत्तियकुलेसु वा इक्खागकुलेसु वा हरिवंसकुलेसु वा अन्नयरेसु वा तहप्पगारेसु विसुद्ध-जाइकुलवंसेसु  
आयाइंसु वा आयाइंति वा आयाइस्संति वा ॥२१॥ अत्थि पुण एसेऽवि भावे लोगच्छेरयभूए अणंताहि उस्सप्पिणी-ओसप्पिणीहि विइक्कंताहि समुप्पज्जति,  
नामगुत्तस्स वा कम्मस्स अक्खीणस्स अवेइअस्स अणिज्जिण्णस्स उदएणं, जं णं अरिहंता वा चक्कवट्टी वा बलदेवा वा वासुदेवा वा अंतकुलेसु वा पंतकुलेसु वा  
तुच्छकुलेसु वा किवणकुलेसु वा दरिद्वकुलेसु वा भिक्खागकुलेसु वा आयाइंसु वा आयाइंति वा आयाइस्संति वा कुच्छिसि गब्भत्ताए वक्कमिसु वा वक्कमंति वा  
वक्कमिस्संति वा । नो चेव णं जोणीजम्मणनिक्खमणेणं निक्खमिसु वा निक्खमंति वा निक्खमिस्संति वा ॥२२॥ अयं च णं समणे भगवं महावीरे जंबुद्दीवे दीवे भारहे  
वासे माहणकुंडग्गामे नयरे उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भत्ताए वक्कंते ॥२३॥ तं जीअमेअं  
तीअपच्चुप्पणमणागयाणं सक्काणं देविदाणं देवराइणं अरहंते भगवंते तहप्पगारेहिंतो अन्तकुलेहिंतो पंतकुलेहिंतो तुच्छकुलेहिंतो किवणकुलेहिंतो दरिद्वकुलेहिंतो

वणीमगकुलेहिंतो जाव माहणकुलेहिंतो तहप्पगारेसु उग्गकुलेसु वा भोगकुलेसु वा राइण्णकुलेसु वा नायकुलेसु वा खत्तियकुलेसु वा इक्खागकुलेसु वा हरिवंसकुलेसु वा अन्नयरेसु वा तहप्पगारेसु विसुद्धजाइकुलवंसेसु साहरावित्तए ॥२४॥ तं गच्छ णं तुमं देवाणुप्पिआ ! समणं भगवं महावीरं माहणकुंडग्गामाओ नयराओ उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्स खत्तियस्स कासवगुत्तस्स भारियाए तिसलाए खत्तियाणीए वासिद्धसगुत्ताए कुच्छिसि गब्भत्ताए साहराहि, जेऽविअं णं से तिसलाए खत्तियाणीए गब्भे तंपिअ णं देवाणंदाए माहणीए जालंधरसगुत्ताए कुच्छिसि गब्भत्ताए साहराहि, साहरित्ता ममेयमाणत्तिअं खिप्पामेव पच्चप्पिणाहि ॥२५॥ तए णं से हरिणे गमेसी अग्गाणीयाहिवई देवे सक्केणं देविदेणं देवरना एवं वुत्ते समाणे हट्ठे जाव हयहि यए करयल जावत्ति - कट्टु एवं जं देवो आणवेइत्ति आणाए विणएणं वयणं पडिसुणेइ, पडिसुणित्ता उत्तरपुरच्छिमं दिसीभागं अवक्कमइ, अवक्कमित्ता वेउव्विअ-समुग्घाएणं समोहणइ, वेउव्विअ-समुग्घाएणं समोहणित्ता संखिज्जाइं जोअणाइं दंडं निसिरइ, तंजहारयणाणं वइराणं वेरुलिआणं लोहिअक्खाणं मसारगल्लाणं हंसगब्भाणं पुलयाणं सोगंधियाणं जोईरसाणं अंजणाणं अंजणपुलयाणं जायरुवाणं सुभगाणं अंकाणं फलिहाणं रिट्ठाणं अहाबायरे पुग्गले परिसाडेइ, परिसाडित्ता अहासुहुमे पुग्गले परिआदियइ ॥२६॥ परियाइत्ता दुच्चंपि वेउव्विअ-समुग्घाएणं समोहणइ, समोहणित्ता उत्तर-वेउव्वियरुवं विउव्वइ, विउव्वित्ता ताए उक्किट्ठाए तुरियाए चवलाए चंडाए जइणाए उद्धुआए सिग्घाए दिव्वाए देवगईएवीईवयमाणे २ तिरिअमसंखिज्जाणं दीवसमुद्दाणं मज्झंमज्झेणं जेणेव जंबुद्वीवे दीवे जेणेव भारहे वासे जेणेव माहणकुंडग्गामे नयरे जेणेव उसभदत्तस्स माहणस्स गिहे जेणेव देवाणंदा माहणी तेणेव उवागच्छइ; उवागच्छित्ता आलोए समणस्स भगवओ महावीरस्स पणामं करेइ, करित्ता देवाणंदाए माहणीए सपरिजणाए ओसोवणिं दलइ, ओसोवणिं दलित्ता असुभे पुग्गले अवहरइ, अवहरित्ता सुभे पुग्गले पक्खिवइ, पक्खिवित्ता अणुजाणउ मे भयवंतिकट्टु समणं भगवं महावीरं अग्गाबाहं अग्गाबाहेणं दिव्वेणं पहावेणं करयलसंपुडेणं गिण्हइ, समणं भगवं महावीरं - ० गिण्हित्ता जेणेव खत्तिअकुंडग्गामे नयरे जेणेव सिद्धत्थस्स खत्तिअस्सगिहे जेणेव तिसला खत्तियाणी तेणेव उवागच्छइ, तेणेव उवागच्छित्ता तिसलाए खत्तियाणीए सपरिजणाए ओसोअणिं दलइ, ओसोअणिं दलित्ता असुभे पुग्गले अवहरइ, अवहरित्ता सुभे पुग्गले पक्खिवइ, पक्खिवित्ता समणं भगवं महावीरं अग्गाबाहं अग्गाबाहेणं तिसलाए खत्तियाणीए कुच्छिसि गब्भत्ताए साहरइ, जेऽविअ णं से तिसलाए खत्तिआणीए गब्भे तंपिअ णं देवाणंदाए माहणीए जालंधरसगुत्ताए कुच्छिसि गब्भत्ताए साहरइ, साहरित्ता जामेव दिसि पाउब्भूए तामेव दिसिं पडिगए ॥२७॥ उक्किट्ठाए तुरिआए चवलाए चंडाए जवणाए उद्धुआए सिग्घाए दिव्वाए देवगईए तिरिअम - संखिज्जाणं दीवसमुद्दाणं मज्झंमज्झेणं जोअण-साहस्सिएहिं विग्गहेहिं उप्पयमाणे २ जेणामेव सोहम्मे कप्पे सोहम्मवडिसए विमाणे सक्कसि सीहासणंसि सक्के देविदे देवराया तेणामेव उवागच्छइ, उवागच्छित्ता सक्कस्स देविंदस्स देवरन्नो एअमाणत्तिअं खिप्पामेव पच्चप्पिणइ ॥२८॥ तेणं कालेणं तेणं समएणं समणे भगवं महावीरे जे से वासाणं तच्चे मासे पंचमे पक्खे आसोअबहुले, तस्स णं आस्सोअबहुलस्स तेरसीपक्खेणं बासीइराइंदिएहिं विइकंतेहिं तेसीइमस्स राइंदिअस्स अंतरा वट्टमाणे हिआणुकंपएणं देवेणं हरिणेगमेसिणा सक्कवयणसंदिट्ठेणं माहणकुंडग्गामाओ नयराओ उसभदत्तस्स माहणस्स कोडालसगुत्तस्स भारिआए देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्स खत्तिअस्स कासवगुत्तस्स भारिआए तिसलाए खत्तिआणीए वासिद्धसगुत्ताए पुव्वरत्तावरत्त-कालसमयंसि हत्थुत्तराहिं नक्खत्तेणं जोगमुवागएणं अग्गाबाहं अग्गाबाहेणं कुच्छिसि गब्भत्ताए साहरिए ॥२९॥ तेणं कालेणं तेणं समएणं समणे भगवं महावीरे तिन्नाणोवगए आवि हुत्था, तंजहा-साहरिज्जिस्सामित्ति जाणइ, साहरिज्जमाणे न जाणइ, साहरिएमित्ति जाणइ ॥३०॥ जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छीओ तिसलाए खत्तिआणीए वासिद्धसगुत्ताए कुच्छिसि गब्भत्ताए साहरिए तं रयणि च णं सा देवाणंदा माहणी सयणिज्जंसि सुत्तजागरा ओहीरमाणी २ इमेयारुवे उराले कल्लाणे सिवे धन्ने मंगल्ले सस्सिरीए चउदस्स महासुमिणे तिसलाए खत्तियाणीए हडेत्ति पासित्ताणं पडिबुद्धा, तंजहा-गय ० गाहा ॥३१॥ जं रयणिं च णं समणे भगवं

महावीरे देवाणंदाए माहणीए जालंधरसगुत्ताए कुच्छीओ तिसलाए खत्तिआणीए वासिद्धसगुत्ताए कुच्छिसि गब्भत्ताए साहरिए तं रयणिं च णं सा तिसला खत्तियाणी तंसि तारिसगंसि वासघरंसि अब्भितरओ सचित्तकम्मे बाहिरओ दूमिअघट्टमट्टे विचित्त-उल्लोअ चिल्लियतले मणिरयण-पणासिअंधयारे बहुसम-सुविभत्त-भूमिमागे पंचवन्न-सरस सुरभिमुक्क-पुप्फपुंजोवयारकलिए कालागुरु-पवरकुंदुरुक्कतुरुक्क-डज्जंत-धुवम-घमघंत-गंधुद्धुयाभिरामे सुगंधवरगंधिए गंधवट्टिभूए तंसि तारिसगंसि सयणिज्जंसि सालिंगणवट्टिए उभओ बिब्बोअणे उभओ उन्नएमज्जे णयगंभीरे गंगापुलिणवालुअ-उद्दालसालिसए ओअविअ-खोमिअ-दुगुल्लपट्ट-पडिच्छन्ने सुविरइअ-रयत्ताणे रत्तंसयसंबुए सुरम्मे आइणगरुय-बूरनवणीअ-तूल-तुल्लफासे सुगंधवर-कुसुम-चुन्नसयणोवयारकलिए, पुव्वरत्तावरत्त-कालसमयंसि सुत्तजागरा ओहीरमाणी २ इमेआरुवे उराले जाव चउद्दस महासुमिणे पासित्ताणं पडिबुद्धा, तंजहा-गय-वसहसीह-अभिसेय-दाम-ससि-दिणयरं झयं कुंभं । पउमसर-सागर-विमाणभवण-रयणुच्चयसिहिं च ॥३२॥ तए णं सा तिसला खत्तिआणी तप्पढमयाए तओअ-चउद्दंतमूसिअ-गलिय-विपुलजलहरहार-निकर-खीरसागर-ससंककिरण-दगरय-रययमहासेल-पंडुरतरं समागय-महुयर-सुगंध-दाणवासिय-कपोल-मूलं देवराय कुजरं (व) वरप्पमाणं पिच्छइ सजल-घण-विपुलजलहर-गज्जिय-गंभीरचारुघोसं इमं सुभं सव्वलक्खणकयंबिअं वरोरुं १ ॥३३॥ तओ पुणो धवल-कमलपत्त-पयराइ-रेगरुवप्पभं पहासमुदओववहारेहिं सव्वओ चेव दीययंतं अइसिरि-भरपिल्लणावि-सप्पंत-कंत-सोहंत-चारुककुहं तणुसुइ-सुकुमाल-लोम-निद्धच्छविं थिर-सुबुद्ध-मंसलोवचिअ-लट्ट-सुविभत्त-सुंदरंगं पिच्छइ धणवट्टलट्ट-उक्किट्ट-विसिट्ट-तुप्पण-तिक्खसिगं दंतं सिवं समाण-सोहंत-सुद्धदंतं वसहं अमिअ-गुणमंगलमुहं २ ॥३४॥ तओ पुणो हार-निकर-खीरसागर-ससंककिरण-दगरय-रयय-महासेलपंडुरंग (ग्रं. २००) रमणिज्ज-पिच्छणिज्जं थिरलट्ट-पउट्ट-पट्ट-पीवरसुसिलिट्टविसिट्टतिक्खदाढा-विडंबिअमुहं परिकम्मिअ-जच्च-कमल-कोमल-पमाण-सोहंत लट्ट-उट्टं रत्तुप्पलपत्तमउअ-सुकुमाल-तालु-निल्लालियग्गजीहं मूसागय-पवरकणग-ताविअ-आवत्तायं-तवट्टतडिय-विमल-सरिस-नयणं विसाल-पीवरवरोरुं पडिपुन्नविमल-खंधं मिउविसय-सुहुमलक्खण-पसत्थ-विच्छिन्नकेसराडोवसोहिअं ऊसिअ-सुनिम्मिअ-सुजाय-अप्फोडिअ-लंगूलं सोमं सोमाकारं लीलायंतं नहयलाओ ओवयमाणं नियग-वयण-मइवयंतं पिच्छइ सा गाढतिक्खग्गनहं सीहं वयणसिरी-पल्लव-पत्त-चारुजीहं ३ ॥३५॥ तओ पुणो पुन्न-चंदवयणा, उच्चागयठाण-लट्टसंठिअं पसत्थरुवं सुपइट्टिअ-कणगकुम्भसरिसोवमाणचलणं अच्चुन्नय-पीणरइअ-मंसलउन्नयतणु-तंबनिद्धनहं कमल-पलास-सुकुमालकरचरणं-कोमलवरंगुलिं कुरुविंदावत्त-वट्टाणुपुव्वजंधं निगूढजाणुं गयवरकर-सरिस-पीवरोरुं चामीकररइअ-मेहलाजुत्तकंत-विच्छिन्न-सोणिचक्कं जच्चजण-भमर-जलय-पयर-उज्जुअ-समसंहिअ-तणुअ-आइज्जलडह-सुकुमाल-मउअर-मणिज्ज-रोमराइं नाभीमंडल-सुंदर-विसालपसत्थजधणं करयलमाइअ-पसत्थ-तिवलिय-मज्झं नाणामणि-कणग-रयण-विमल-महातवणिज्जाभरणभूसण-विराइयंगोवंगिं हार-विरायंतं-कुंदमाल-परिणद्ध-जल-जलित-थणजुअलविमलकलसं आइय पत्तिअ विभूसिएणं सुभगजालुज्जलेणं मुत्ताकलावएणं उरत्थदीणारमालिय-विरइएण कंठमणिसुत्तएण य कुंडल-जुअलुलसंत-अंसोवसत्त-सोभंत-सप्पभेणं सोभागुणसमुद्दएणं आणणं-कुडुंबिएणं कमलामल-विसाल-रमणिज्ज-लोअणं कमल-पज्जलंत-करगहिअ मुक्कतोयंलीलावायकयपक्खएणं सुविसद-कसिण-धण-सण्हलंबंत-केसहत्थं पउमइह-कमल-वासिणिसिरिभगवंइ पिच्छइ हिमवंत-सेलसिहरे दिसागइंदोरुपीवर-कराभिसिच्चमाणिं ४ ॥३६॥ तओ पुणो सरस-कुसुम-मंदार-दामरमणिज्ज भूअं चंपगासोग-पुन्नागनाग-पिअंगु-सिरी-समुग्गरगमल्लिआ-जाइ-जूहि-अंकोल्ल-कोज्ज-कोरिंट-पत्त-दमणय-नवमालिअबउल-तिलय-वासंतिअ-पउमुप्पलपाडल-कुंदाइ-मुत्त-सहकार-सुरभि गंधि अणुवम-मणोहरेणं गंधेणं दस दिसाओवि वासयंतं सव्वोउअ-सुरभिकुसुम-मल्लधवल-विलसंत-कंत-बहुवन्न-भत्तिचित्तं छप्पय-महुअरि-भमरगण-गुमगुमायंत-निलिंतगुंजंत-देसभागं दामं पिच्छइ नहंगणतलाओ ओवयंतं ५ ॥३७॥ ससि च गोखीरफेण-दगरय-रयय-कलस-पंडुरं सुभं हिअय-नयण-कंतं पडिपुन्नं तिभिर-निकर घणगुहिरवितिभिरकरं

पमाणपक्खंत-रायलेहं कुमुअवण-विबोहगं निसा-सोहगं सुपरिमद्वदप्पणतलोवमं हंसपडुवन्नं जोइसमुह-मंडगं तमरिपुं मयणसरापूरगं समुहदगपूरगं दुम्मणं जणं दइअवज्जिअं पायएहि सोसयंतं पुणो सोमचारूरुवं पिच्छइ सा गगणमंडल-विसाल-सोमचंक्कम्ममाण-तिलगं रोहिणि-मणहिअय-वल्लहं देवी पुन्नचंदं समुल्लसंतं ६ ॥३८॥ तओ पुणो तमपडल-परिप्फुडं चैव तेअसा पज्जलंतरुपं रत्तासोग-पगास-किसुअसुअमुह-गुंजद्धरागसरिसं कमलवणालंकरणं अंकणं जोइसस्स अंबरतल-पईवं हिमपडलगलगहं गहगणोरुनायगं रत्ति-विणासं उदयत्थमणेसु मुहुत्त-सुहदंसणं दुन्निरिक्खरूवं रत्तिमुद्धंत-दुप्पयार-पमद्वणं सीअवेगमहणं पिच्छइ मेरुगिरि सयय परियट्टयं विसालं सूरं रस्सीसहस्सपयलियदित्तसोहं ७ ॥३९॥ तओ पुणो जच्च-कणग-लुट्ठि-पइट्ठिअं समूहनीलरत्त-पीय-सुक्किल-सुकुमालुल्लसिय-मोरपिच्छकयमुद्धयं धयं अहिय-सस्सिरीयं फालिअ-संखंक्क-कुंद-दगरय-रयय-कलस-पंडुरेण मत्थयत्थेण सीहेण रायमाणेण रायमाणं भित्तुं गगणतल चैव ववसिएणं पिच्छइ सिव-मउय-मारुय-लयाहय-कंपमाणं अइप्पमाणं जणपिच्छणिज्जरुवं ८ ॥४०॥ तओ पुणो जच्चकंचणुज्जलंत-रूवं निम्मलजलपुण्णमुत्तमं दिप्पमाणसोहं कमल-कलाव-परिरायमाणं पडिपुण्ण-सव्वमंगल-भेयसमागमं पवररयण-परायंत-कमलद्वियं नयण-भूसणकरं पभासमाणं सव्वओ चैव दीययंतं सोमलच्छीनिभेलणं सव्वपाव-परिवज्जिअं सुभं भासुरं सिरवरं सव्वोउय-सुरभिकुसुम-आसत्तमल्लदामं पिच्छइ सा रयय-पुण्णकलसं ९ ॥४१॥ तओ पुणो पुणरवि रविकिरण-तरुणबोहिय-सहस्सपत्त-सुरभितर-पिंजरजलं जलचर-पहकर-परिहत्थग-मच्छ-परिभुज्जमाण-जलसंजयं महंतं जलंतमिव कमल-कुवलय-उप्पल-तामरस-पुंडरीयउरु सप्पमाण-सिरिसमुदएणं रमणिज्जरुवसोहं पमुइयंत-भमरगण-मत्तमहुयरिगणुक्करोलि (ल्लि) ज्जमाण-कमलं २५० कायंबग-ब्रह्मलय-चक्क-कलहंस-सारस-गव्विअ-सउणगण-मिहुण-सेविज्जमाणसलिलं पउमिणि-पत्तोवलग-जलबिंदु-निचयचित्तं पिच्छइ सा हियय-नयणकंतं पउमसरं नाम सरं सररुहाभिरामं १० ॥४२॥ तओ पुणो चंदकिरणरासि-सरिससिरिवच्छसोहं चउगमणपवह्ममाणजलसंचयं चवल-चंचलुच्चाय-प्पमाण-कल्लोल-लोलंततोयं पडुपवणाहय-चलिय चवल-पागड-तरंगरंगंत-भंगखोखुब्भमाण-सोभंत-निम्मलुक्कड-उम्मीसह-संबंध धावमाणोनियत्त-भासुर-तराभिरामं महा-मगरमच्छ-तिमितिमिंगिल-निरुद्ध-तिलितिलियाभिधाय-कप्पूर-फेण-पसरं महानई-तुरियवेग-समागय-भमगंगावत्त-गुप्पमाणुच्चलंत-पच्चोनियत्त-भममाण-लोल-सलिलं पिच्छइ खीरोय-सायरं सा रयणिकर-सोमवयणा ११ ॥४३॥ तओ पुणो तरुण-सूरमंडल-समप्पहं दिप्पमाणं-सोभं उत्तम-कंचण-महामणि-समूह-पवरतेय-अट्टसहस्स-दिप्पंत-नहप्पईवं कणग-पयर-लंबमाण-मुत्तासमुज्जलं जलंतदिव्वदामं ईहावि (मि) गउसभतुरग-नर-मगर-विहग-वालग-किन्नर-रुरुसरभ-चमर-संसत्तकुंजर-वणलय-पउमलय-भत्तिचित्तं गंधव्वोपवज्जमाण-संपुण्णघोसं निच्चं सजल घण-विउलजलहर-गज्जिय-सद्दाणुणाइणा देवदुंदुहि-महारवेणं सयलमवि जीवलोयं पूरयंतं कालागुरु-पवरकुंदुरुक्क तुरुक्क-डज्जंत-धूववासंग-उत्तम-मघमघंत-गंधुद्धुयाभिरामं निच्चालोयं सेयं सेयप्पभं सुरवराभिरामं पिच्छइ सा साओवभोगंवरविमाण पुंडरीयं १२ ॥४४॥ तओ पुणो पुलग-वेरिदं-नील-सासग कक्केयण-लोहियक्ख-मरगय-मसारगल्ल-पवाल-फलिअ-सोगंधिय हंसगभ-अंजण-चंदप्पह-वररयणेहि महियल-पइट्ठिअं गगणमंडलंतं पभासयंतं तुंगं मेरुगिरिसंनिकासं पिच्छइ सा रयणनिकररासिं १३ ॥४५॥ सिहि च-सा विउलुज्जल-पिंगल-महघय-परिसिच्चमाण-निद्धूम-धगधगाइय-जलंत-जालुज्जलाभिरामं तरतम-जोगजुत्तेहिं जालपयरेहिं अणुणामिव अणुप्पइणं पिच्छइ जालुज्जलणं अंबरं व कत्थइ पयंतं अइवेगचंचलं सिहिं १४ ॥४६॥ इमे एयारिसे सुभे सोमे पियदंसणे सुरुवे सुविणे दट्टूण सयणमज्जे पडिबुद्धा अरविंदलोयणा हरिसपुलइअंगी ॥ एए चउदस सुमिणे, सव्वा पासेइ तित्थयरमाया । जं रयणिं वक्कमई, कुच्छिसि महायसो अरहा ॥४७॥ तए णं सा तिसला खत्तियाणी इमे एयारुवे उराले चउदस महासुमिणे पासित्ता णं पडिबुद्धा समाणी हट्टुट्ट-जावहियया धाराहयकयंब-पुप्फगं पिव समूस्ससिअरोमकूवा सुविणुगहं करेइ, करित्ता सयणिज्जाओ अब्भुट्टेइ, अब्भुट्टित्ता पायपीढाओ पच्चोरुहइ, पच्चोरुहित्ता अतुरिअम, चवलमसंभंताए अविलंबियाए रायहंससरिसीए गईए जेणेव सयणिज्जे जेणेव सिद्धत्थे खत्तिए तेणेव उवागच्छइ उवागच्छित्ता सिद्धत्थं खत्तिअं ताहिं इट्ठाहिं कंताहिं पियाहिं मणुन्नाहिं मणोरमाहिं उरालाहिं कल्लाणाहिं सिवाहिं धन्नाहिं मंगल्लाहिं सस्सिरीयाहिं हिययगमणिज्जाहिं हियय-

पल्हायणिज्जाहिं मिउ-महुर-मंजुलाहिं गिराहिं संलवमाणी २ पडिबोहेइ ॥४८॥ तए णं सा तिसला खत्तिआणी सिद्धत्थेणं रण्णा अब्भणुण्णाया समाणी नाणामणि-  
 कणग-रयण-भत्तिच्चित्तंसि भद्दासणंसि निसीयइ, निसीइत्ता आसत्था वीसत्था सुहासणवरगया सिद्धत्थं खत्तिअं ताहिं इट्ठाहि जाव संलवमाणी २ एवं वयासी  
 ॥४९॥ एवं खलु अहं सामी ! अज्ज तंसि तारिसगंसि सयणिज्जंसि वण्णओ जाव पडिबुद्धा, तंजहागयउसभ ० गाहा । तं एएसिं सामी ! उरालाणं चउदसण्हं  
 महासुमिणाणं के मन्ने कल्लाणे फलवित्तिविसेसे भविस्सइ ? ॥५०॥ तए णं से सिद्धत्थे राया तिसलाए खत्तिआणीए अंतिए एयमट्ठं सुच्चा निसम्म हट्टुट्टुचित्ते  
 आणंदिए पीइमणे परमसोमणस्सिए हरिस-वसविसप्पमाण-हियए धाराहय-नीव-सुरभि-कुसुम-चंचुमालइय-रोमकूवे ते सुमिणे ओगिणहेइ, ते सुमिणे ओगिणिहत्ता  
 ईहं अणुपविसइ, ईहं अणुपविसित्ता अप्पणो साहाविएणं मइपुव्वएणं बुद्धिविण्णाणेणं तेसिं सुमिणाणं अत्थुग्गहं करेइ, करित्ता तिसलं खत्तिआणि ताहि इट्ठाहि जाव  
 मंगल्लाहि मियमहुर-सस्सिरीयाहिं वग्गूहिं संलवमाणे २ एवं वयासी ॥५१॥ उराला णं तुमे देवाणुप्पिए ! सुमिणा दिट्ठा, कल्लाणा णं तुमे देवाणुप्पिए ! सुमिणा  
 दिट्ठा, एवं सिवा, धन्ना, मंगल्ला, सस्सिरीया, आरुग्ग-तुट्ठि-दीहाउकल्लाण-(ग्रं. ३००) मंगल्लकारगा णं तुमे देवाणुप्पिए ! सुमिणा दिट्ठा, तंजहा-अत्थलाभो  
 देवाणुप्पिए ! भोगलाभो ० पुत्तलाभो ० सुक्खलाभो ० रज्जलाभो ० एवं खलु तमे देवाणुप्पिए ! नवण्हं मासाणं बहुपडिपुण्णाणं अब्भट्टमाणं राइंदियाणं विइक्कंताणं  
 अम्हं कुलकेउं, अम्हं कुलदीवं, कुलपव्वयं, कुलवडिंसयं, कुलतिलयं, कुलकित्तिकरं, कुलवित्तिकरं, कुलदिणयरं, कुलाधारां, कुलनंदिकरं, कुलजसकरं, कुलपायवं,  
 कुलविवद्धणकरं, सुकुमाल-पाणिपायं अहीण-संपुण्ण-पंचिदियसरीरं लक्खण-वंजण-गुणोववेयं माणुम्माण-प्पमाण-पडिपुण्ण-सुजाय-सव्वंग-सुंदरंगं,  
 ससिसोमाकारं, कंतं, पियदंसणं, सुरुवं दारयं पयाहिसि ॥५२॥ सेऽविअ णं दारए उन्मुक्कबालभावे विन्नाय-परिणयमित्ते जुव्वण-गमणुपत्ते सूरे वीरे विक्कंते  
 विच्छिन्न-विउलबलवाहणे रज्जवई राया भविस्सइ ॥५३॥ तं उराला णं तुमे देवाणुप्पिए ! जाव दुच्चंपि तच्चंपि अणुवूहइ ॥ तए णं सा तिसला खत्तियाणी  
 सिद्धत्थस्स रण्णो अंतिए एयमट्ठं सुच्चा निसम्म हट्टुट्टु जाव हियया करयल-परिग्गहिअं (यं) दसनहं सिरसावत्तं मत्थए अंजलिं कट्टु एवं वयासी ॥५४॥ एवमेयं  
 सामी ! तहमेयं सामी ! अवितहमेयं सामी ! असंदिद्धमेयं सामी ! इच्छिअमेअं सामी ! पडिच्छिअमेयं सामी ! इच्छिअ-पडिच्छिअ-मेयं-सामी ! सच्चे णं एसमट्ठे-  
 से जहेयं तुब्भे वयहत्तिकट्टु ते सुमिणे सम्मं पडिच्छइ, पडिच्छित्ता सिद्धत्थेणं रण्णा अब्भणुण्णाया समाणी नामामणिरयणभत्तिचित्ताओ भद्दासणाओ अब्भुट्ठेइ,  
 अब्भुट्ठेत्ता अतुरियमचवलमसंभंताए अविलंबिआए रायहंस-सरिसीए गईए जेणेव सए सयणिज्जे तेणेव उवागच्छइ, उवागच्छित्ता एवं वयासी ॥५५॥ मा मेते  
 उत्तमा पहाणा मंगला सुमिणा दिट्ठा अन्नेहिं पावसुमेणिहिं पडिहम्मिस्संति तिकट्टु देवय-गुरुजण-संबद्धाहिं पसत्थाहिं मंगल्लाहिं धम्मियाहिं लट्ठाहिं कहाहिं  
 सुमिणजागरिअं जागरमाणी पडिजागरमाणी विहरइ ॥५६॥ तए णं सिद्धत्थे खत्तिए पच्चूसकाल-समयंसि कोडुंबिअपुरिसे सद्दावेइ, सद्दावित्ता एवं वयासी ॥५७॥  
 - खिप्पामेव भो देवाणुप्पिआ ! अज्ज सविसेसं बाहिरिअं उवट्ठाणसालं गंधोदयसित्तं सुइअसंमज्जिओवलित्तं सुगंधवर-पंचवण्णपुप्फोवयार-कलिअं कालागुरु-  
 पवर-कुंदुरुक्क-तुरुक्क डज्जंत-धूवमघमघंत-गंधुद्धुयाभिरामं सुगंधवर-गंधियं गंधवट्ठि-भूअं करेह कारवेह, करित्ता कारवित्ता य सीहासणं रयावेह, रयावित्ता  
 ममेय-माणत्तियं खिप्पामेव पच्चप्पिणह ॥५८॥ तए णं ते कोडुंबिअ-पुरिसा सिद्धत्थेणं रण्णा एवं वुत्ता समाणा हट्टुट्टु जाव हियया करयल जाव कट्टु एवं सामित्ति  
 आणाए विणएणं वयणं पडिसुणंति, पडिसुणित्ता सिद्धत्थस्स खत्तिअस्स अंतिआओ पडिनिक्खमंति, पडिनिक्खमित्ता जेणेव बाहिरिआ उवट्ठाणसाला तेणेव  
 उवागच्छंति, तेणेव उवागच्छित्ता खिप्पामेव सविसेसं बाहिरियं उवट्ठाणसालं गंधोदगसित्तं जाव सीहासणं रयावित्ति, रयावित्ता जेणेव सिद्धत्थे खत्तिए तेणेव  
 उवागच्छति, उवागच्छित्ता, करयल-परिग्गहियं दसनहं सिरसावत्तं, मत्थए अंजलिं कट्टु सिद्धत्थस्स खत्तिअस्स तमाणत्तिअं पच्चप्पिणंति ॥५९॥ तए णं सिद्धत्थे  
 खत्तिए कल्लं पाउप्पभायाए रयणीए फुल्लुप्पलकमल-कोमलुम्मीलियंमि अहापंडुरे पभाए, रत्तासोग-प्पगास-किंसुअ-सुअमुह-गुंजद्धराग-बंधुजीवग-पारावय-  
 चलण-नयण-परहुअ-सुरत्तलो-अणजासुअण-कुसुमरासि-हिंगुलनिअरातिरे-अरेहंत-सरिसे कमलायर-संडबोहए उट्ठिअंमि सूरे सहस्सरस्सिमि दिणयरे तेअसा



जलंते, तस्स य करपहरापरद्धंमि अंधयारे बालायवकुंकुमेणं खचिअव्व जीवलोए, सयणिज्जाओ अब्भुट्टेइ ॥६०॥ अब्भुट्टिता पायपीढाओ पच्चोरुहइ, पच्चोरुहिता जेणेव अट्टणसाला तेणेव उवागच्छइ, उवागच्छिता अट्टणसालं अणुपविसइ अणुपविसित्ता अणेगवाया-मज्जोग-वग्गण-वामद्वण-मल्लजुद्ध-करणेहिं संते परिसंते सयपाग-सहस्सपागेहिं सुगंध-वरतिल्लमाइएहिं पीणणिज्जेहिं दीवणिज्जेहिं मयणिज्जेहिं विंहणिज्जेहिं दप्पणिज्जेहिं सव्विदियगाय-पल्हाय-णिज्जेहिं अब्भंगिए समाणे तिल्ल-चम्मंसि निउणेहिं पडिपुण्ण पाणिपाय-सुकुमालकोमल-तलेहिं अब्भंगण-परिमणद्वणुव्व-लण-करणं-गुणनिम्माएहिं छेएहिं दक्खेहिं पट्टेहिं कुसलेहिं मेहावीहिं जिअ-परिस्समेहिं पुरिसेहिं अट्टिसुहाए मंससुहाए तयासुहाए रोमसुहाए चउव्विहाए सुहपरिकम्मणाए संवाहणाए संवाहिए समाणे अवगय-परिस्समे अट्टणसालाओ पडिनिक्खमइ ॥६१॥ पडिनिक्खमित्ता जेणेव मज्जणघरे तेणेव उवागच्छइ, उवागच्छिता मज्जणघरं अणुपविसइ, अणुपविसित्ता समुत्तजाला-कुलाभिरामे विचित्त-मणि-रयण-कुट्टिमतले रमणिज्जे ण्हाणमंडवंसि नाणामणि-रयण-भत्तिचित्तंसि ण्हाणपीढंसि सुहनिसण्णे पुप्फोदएहि अ गंधोदएहि अ उण्होदएहि अ सुहोदएहि अ सुद्धोदएहि अ कल्लाण-करण-पवर-मज्जणविहीए मज्जिए, तत्थ कोउअसएहिं बहुविहेहिं कल्लाणग-पवर-मज्जणविहीए मज्जिए तत्थ कोउ असाएहिं बहुविहेहिं कल्लाणग-पवर-मज्जवणावसाणे पम्हल-सुकुमाल-गंधकासाइअलूहिअंगे अहय-सुमहग्घ-दूसरयण-सुसंवुडे सरस-सुरभि-गोसीसचंदणाणु-लित्तगत्तेसु-इमाला-वण्णग-विलेवणे आविद्धमणि-सुवण्णणे कप्पिय-हारद्धहारतिसरय-पालंब-पलंबमाणकसडिसुत्त-सुकयसोभे पिणद्धगेविज्जे अंगुलिज्ज गललिय कयाभरणे वरकडगतुडिअथंभिअभुए अहिअरुव-सस्सिरीए कुंडल-उज्जोइआणणे मउडदित्तसिए हारोत्थयसुकयरइअवच्छे मुद्धिआपिंगलंगुलीए पालंब-पलंबमाणसुकय-पडउत्तरिज्जे नाणामणि-कणगरयण-विमलम-हरिह-निउउरोवचिअ-मिसिमिसित्त-विरइअ-सुसिलिट्ठ-विसिट्ठलट्ठ-आविद्धवीखलए, किं बहुणा ? कप्परुक्खए विव अलंकिअ-विभूसिए नरिंदे, सकोरटि-मल्लदामेणं छत्तेणं धरिज्ज-माणेणं सेअवर-चामराहिं उद्धुव्व-माणीहिं मंगल्ल-जयसइ-कयालोए अणेग-गण-नायग दंडनायग-राईसर-तलवर-माडंबिअ-कोडुंबिअ-मंति-महामंति-गण-गदोवारिय-अम-च्चचेड-पीढमइ-नगरनिगम-सिट्ठि-सेणावइ-सत्थवाह-दूअ-संधिवालसद्धिं संपरिवुडे धवल-महामेहनिग्गए इव गहगण-दिप्पंत-रिक्ख-तारागणाण मज्झे ससिक्ख पिअदंसणे नरवई नरिंदे नखसहे नरसीहे अब्भहिअ-रायतेअ-लच्छीए दिप्पमाणे मज्जणधराओ पडिनिक्खमइ ॥६२॥ मज्जणधराओ पडिनिक्खमित्ता जेणेव बाहिरिआ उवट्टाणसाला तेणेव उवागच्छइ, उवागच्छिता सीहासणंसि पुरत्थाभिमुहे निसीअइ, निसीइत्ता अप्पणो उत्तरपुरच्छिमे दिसीभाए अट्ट भद्दासणाइं सेअवत्थ-पच्चुत्थयाइं सिद्धत्थय-कयमंगलोवयाराइं रयावेइ, रयावित्ता अप्पणो अदूरसामंते नाणामणि-रयण-मंडिअं अहिअपिच्छणिज्जं महग्घ-वर-पट्टणुग्गयं सण्हपट्ट-भत्ति-सयचित्त-ताणं ईहामिअ उसभ-तुरग-नरमगरविहग-वालग-किन्नर-रुरु-सरभ-चमर-कुंजर-वणलय-पउमलय-भत्तिचित्तं अब्भित्तरिअं जवणिअं अंछावेइ, अंछावेत्ता नाणामणि-रयण-भत्तिचित्तं अत्थरय-मिउ-मसूर-गुत्थयं सेअवत्थपच्चुत्थुअं सुमउअं अंगसुहफरिसं विसिट्ठं तिसलाए खत्तिआणीए भद्दासणं रयावेइ ॥६३॥ रयावित्ता कोडुंबिअ-पुरिसे सद्दावेइ, सद्दावेत्ता एवं वयासी ॥६४॥ खिप्पामेव भो देवाणुप्पिआ ! अट्टंग-महानिमित्त-सुत्तत्थ-धारए विविह-सत्थ-कुसले सुविण-लक्खणपाढए सद्दावेह ॥ तए णं ते कोडुंबिअ-पुरिसा सिद्धत्थेणं रण्णा एवं वुत्ता समाणा हट्टतुट्ट जाव-हियया करयल जाव पडिसुणंति ॥६५॥ पडिसुणित्ता सिद्धत्थस्स खत्तियस्स अंतिआओ पडिनिक्खमंति, पडिनिक्खमित्ता कुंडपुरं नगरं मज्झंमज्झेणं जेणेव सुविण-लक्खणपाढगाणं गेहाइं तेणेव उवागच्छंति, उवागच्छिता सुविण-लक्खण-पाढए सद्दाविति ॥६६॥ तए णं ते सुविण-लक्खण-पाढया सिद्धत्थस्स खत्तिअस्स कोडुंबिअ-पुरिसेहिं सद्दाविआ समाणा हट्टतुट्ट जाव हयहियया ण्हाया कयबलिकम्मा कयकोउअ-मंगल-पायच्छित्ता सुद्धप्पावेसाइं मंगल्लाइं वत्थाइं पवराइं परिहिआ अप्प-महग्घा-भरणालंकिय-सरीरा सिद्धत्थयहरिआलिआ-कय-मंगल-मुद्धाणा-सएहिं २ गेहेहिंतो निग्गच्छंति, निग्गच्छित्ता खत्तियकुंडग्गामं नगरं मज्झं-मज्झेणं जेणेव सिद्धत्थस्स रण्णो भवण-वर-वडिंसग-पडिदुवारे तेणेव उवागच्छंति, उवागच्छिता भवण-वर-वडिंसग-पडिदुवारे एगयओ मिलंति, मिलित्ता जेणेव बाहिरिआ उवट्टाणसाला जेणेव सिद्धत्थे खत्तिए तेणेव उवागच्छंति उवागच्छिता

करयलपरिग्गहिअं जाव कट्टु सिद्धत्थं खत्तिअं जएणं विजयेणं वद्धाविति ॥६७॥ तए णं ते सुविण-लक्खणपाढगा सिद्धत्थेणं रण्णा वंदिय-पूइअ-सक्कारिअ-सम्माणिआ समाणा पत्तेअं २ पुव्वन्नत्थेसु भद्दासणेसु निसीयंति ॥६८॥ तए णं सिद्धत्थे खत्तिए तिसलं खत्तियाणिं जवणिअंतरियं ठावेइ, ठावित्ता पुप्फ-फल-पडिपुण्ण-हत्थे परेणं विणएणं ते सुविण-लक्खणपाढए एवं वयासी ॥६९॥ एवं खलु देवाणुप्पिया ! अज्ज तिसला खत्तियाणी तंसि तारिसगंसि जाव सुत्तजागरा ओहीरमाणी २ इमे एयारूवे उराले चउदस महासुमिणे पासित्ताणं पडिबुद्धा ॥७०॥ तंजहा-गयवसह ० गाहा, तं एएसि चउदसण्हं महासुमिणाणं देवाणुप्पिया ! उरालाणं के मन्ने कल्लाणे फलवित्तिविसेसे भविस्सइ ? ॥७१॥ तए णं ते सुमिणलक्खण-पाढगा सिद्धत्थस्स खत्तियस्स अंतिए एयमट्ठं सोच्चा निसम्म हट्टतुट्ट जाव हयहियया ते सुमिणे ओगिण्हंति, ओगिण्हित्ता ईहं अणुपविसंति, अणुपविसित्ता अन्नमन्नेणं सद्धिं संचालेति, संचालित्ता तेसिं सुमिमाणं लद्धट्टा गहिअट्टा पुच्छिअट्टा विणिच्छियट्टा अभिगयट्टा सिद्धत्थस्स रण्णो पुरओ सुमिणसत्थाइं उच्चारेमाणा २ सिद्धत्थं खत्तियं एवं वयासी ॥७२॥ एवं खलु देवाणुप्पिया ! अम्हं सुमिणसत्थे बायालीसं सुमिणा तीसं महासुमिणा बावत्तरि सब्वसुमिणा दिट्टा, तत्थ णं देवाणुप्पिया ! अरहंतमायरो वा चक्कवट्टि मायरो वा अरहंतंसि (ग्रं ० ४००) वा चक्कहरंसि वा गब्भं वक्कममाणंसि एएसि तीसाए महासुमिणाणं इमे चउदस महासुमिणे पासित्ताणं पडिबुज्झंति ॥७३॥ तंजहा-गयवसह ० गाहा ॥७४॥ वासुदेवमायरो वा वासुदेवंसि गब्भं वक्कममाणंसि एएसिं चउदसण्हं महासुमिणाणं अन्नयरे सत्त महासुमिणे पासित्ताणं पडिबुज्झंति ॥७५॥ बलदेव-मायरो वा बलदेवंसि गब्भं वक्कममाणंसि एएसिं चउदसण्हं महासुमिणाणं अन्नयरे चत्तारि महासुमिणे पासित्ताणं पडिबुज्झंति ॥७६॥ मंडलिय-मायरो वा मंडलियंसि गब्भं वक्कममाणंसि एएसिं चउदसण्हं महासुमिणाणं अन्नयरं एणं महासुमिणं पासित्ताणं पडिबुज्झंति ॥७७॥ इमे य णं देवाणुप्पिया ! तिसलाए खत्तियाणीए चोदस महासुमिणा दिट्टा, तं उरालाणं देवाणुप्पिया ! तिसलाए खत्तिआणीए सुमिणादिट्टा जाव मंगल्लकारगा णं देवाणुप्पिया ! तिसलाए खत्तिआणीए सुमिणा दिट्टा, तंजहा-अत्थलाभो देवाणुप्पिया !, भोगलाभो ०, पुत्तलाभो ०, सुक्खलाभो देवाणुप्पिया !, रज्जलाभो देवाणु ०, एवं खलु देवाणुप्पिया ! तिसला खत्तियाणी नवण्हं मासाणं बहुपडिपुण्णाणं अद्धट्टमाणं राइंदिआणं वइक्कंताणं तुम्हं कुलकेउं कुलदीवं कुलपव्वयं कुलवडिंसगं कुलतिलयं कुलकित्तिकरं कुलवित्तिकरं कुलदिणयरं कुलाहारं कुलनंदिकरं कुलजसकरं कुलपायवं कुलतन्तु-संताण-विवद्धणकरं सुकुमाल-पाणिपायं अहीण, पडिपुण्ण-पंचिदियसरीरं लक्खण-वंजण-गुणोववेअं माणुम्माण-पमाणपडिपुण्ण-सुजाय-सव्वंग-सुंदरंगं ससि-सोमाकारं कंतं पियदंसणं सुरुवं दारयं पयाहिसि ॥७८॥ सेऽविय णं दारए उम्मुक्क-बालभावे विन्नाय-परिणयमित्ते जुव्वणगमणुपत्ते सूरे वीरे विक्कंते विच्छिन्न-विपुल बलवाहणे चाउरंत-चक्कवट्टी रज्जवई राया भविस्सइ, जिणे वा तिलोगनायगे धम्मवर-चाउरंत-चक्कवट्टी ॥७९॥ तं उराला णं देवाणुप्पिया ! तिसलाए खत्तियाणीए सुमिणा दिट्टा, जाव आरुग्ग-तुट्टि-दीहाऊ-कल्लाणमंगल्ल-कारगा णं देवाणुप्पिया ! तिसलाए खत्तियाणीए सुमिणा दिट्टा ॥८०॥ तए णं सिद्धत्थे राया तेसि सुमिण-लक्खण-पाढगाणं अंतिए एयमट्ठं सोच्चा निसम्म हट्टे तुट्टे चित्त-माणंदिते पीयमणे परम-सोमणस्सिए हरिसवस-विसप्पमाण-हिअए करयल जाव तेसुमिण-लक्खण-पाढगे एवं वयासी ॥८१॥ एवमेयं देवाणुप्पिया !, तहमेयं देवाणुप्पिया !, अविहतमेयं देवाणुप्पिया ! इच्छियमेयं ०, पडिच्छियमेयं ०, इच्छियपडिच्छियमेयं देवाणुप्पिया !, सच्चेणं एसमट्टे से जहेयं तुब्भे वयहत्तिकट्टु ते सुमिणे सम्मं पडिच्छइ, पडिच्छित्ता ते सुविणलक्खण-पाढए विउलेणं असणेणं पुप्फ-वत्थ-गंधल्लाललंकारेणं सक्कारेइ सम्माणेइ, सक्कारित्ता सम्माणित्ता, विउलं जीवियारिहं पीइदाणं दलयइ, दलयत्ता पडिविसज्जेइ ॥८२॥ तएणं से सिद्धत्थे खत्तिए सीहासणाओ अब्भुट्टेइ, अब्भुट्टित्ता जेणेव तिसला खत्तियाणी जवणिअंतरिया तेणेव उवागच्छइ, उवागच्छित्ता तिसलं खत्तियाणिं एवं वयासी ॥८३॥ एवं खलु देवाणुप्पिया ! सुमिणसत्थंसि बायालीसं सुमिणा तीसं महासुमिणा जाव एणं महासुमिणं पासित्ता णं पडिबुज्झंति ॥८४॥ इमे अणं तुमे देवाणुप्पिए ! चउदस महासुमिणा दिट्टा, तं उराला णं तुमे जाव जिणे वा तेलुक्क-नायगे धम्मवर-चाउरंत-चक्कवट्टी ॥८५॥ तएणं

सा तिसला खत्तिआणी एअमट्टं सुच्चा निसम्म हट्टतुट्ट जाव ह्यहिअया करयल जाव ते सुमिणे सम्मं पडिच्छइ ॥८६॥ पडिच्छित्ता सिद्धत्थेणं रण्णा अब्भणुत्ताया समाणी नाणणामणि-रयण-भत्ति-चित्ताओ भद्दासणाओ अब्भुट्टेइ, अब्भुट्टित्ता अतुरिअं अचवलं असंभंताए अविलंबिआए रायहंस-सरिसीए गईए जेणेव सए भवणे तेणेव उवागच्छइ, उवागच्छित्ता सयं भवणं अणुपविट्ठा ॥८७॥ जप्पभिइं च णं समणे भगवं महावीरे तंसि नायकुलंसि साहरिए तप्पभिइं च णं बहवे वेसमण-कुंडधारिणो तिरियजंभगा देवा सक्कवयणेणं से जाइं इमाइं पुरापोराणाइं महानिहाणाइं भवति, तंजहा-पहीणसामिआइं पहीण-सेउआइं पहीण-गुत्तागाराइं, उच्छिन्न-सामिआइं उच्छिन्न-सेउआइं उच्छिन्न-गुत्तागाराइं, गामागर-नगर-खेड-कब्बड-मडंब-दोणमुह-पट्टणा-समसंवाह-सन्निवेसेसु सिघाडएसु वा तिएसु वा चउक्केसु वा चच्चरेसु वा चउम्मुहेसु वा महापहेसु वा गामट्टाणेसु वा नगरट्टाणेसु वा गामणिद्धमणेसु वा नगरनिद्धमणेसु वा आवणेसु वा देवकुलेसु वा सभासु वा पवासु वा आरामेसु वा उज्जाणेसु वा वणेसु वा वणसंडेसु वा सुसाण-सुत्तागार-गिरिकंदर-संतिसेलोवट्टाण-भवणगिहेसु वा सन्निक्खित्ताइं चिट्ठंति ताइं सिद्धत्थराय-भवणंसि साहरंति ॥८८॥ जं रयणिं ज णं समणे भगवं महावीरे नायकुलंसि साहरिए तं रयणिं च नायकुलं हिरण्णेवं वड्ढित्था सुवण्णेणं वड्ढित्था धणेणं धन्नेणं रज्जेणं रट्टेणं बलेणं वाहणेणं कोसेणं कोट्टागारेणं पुरेणं अंतुरेणं जणवएणं जसवाएणं वड्ढित्था, विपुल-धणकणग-रयणमणि-मोत्तिय-संखसिल-प्पवाल-रत्त-रयण-माइएणं संतसार-सावइज्जेणं पीइसक्कार-समुदएणं अईव २ अभिवड्ढित्था, तए णं समणस्स भगवओ महावीरस्स अम्मापिऊणं अयमेयारुवे अब्भत्थिए चित्थिए पत्थिए मणोगए संकप्पे समुप्पज्जित्था ॥८९॥ जप्पभिइं च णं अम्हं एस दारए कुच्छंसि गब्भत्ताए वक्कंते तप्पभिइं च णं अमहे हिरण्णेणं वड्ढामो सुवण्णेणं धणेणं धन्नेणं रज्जेणं रट्टेणं बलेणं वाहणेणं कोसेणं कुट्टागारेणं पुरेणं अंतुरेणं जणवएणं जसवाएणं वड्ढामो, विपुल-धण-कणग-रयण-मणि-मुत्तिय-संख-सिल-प्पवाल-रत्त-रयण-माइएणं संतसारसा-वइज्जेणं पीइसक्कारेणं अईव २ अभिवड्ढामो, तं जयाणं अम्हं एस दारए जाए भविस्सइ तया णं अमहे एयस्स दारगस्स एयाणुरुवं गुणं गुणनिप्फन्नं नामधिज्जं करिस्सामोवड्ढमाणुत्ति ॥९०॥ तए णं समणे भगवं महावीरे माउअणुकंपणट्टाए निच्चले निप्फंदे निरेयणे अल्लीण-पलीणगुत्ते आवि होत्था ॥९१॥ तए णं तीसे तिसलाए खत्तियाणीए अयमेयारुवे जाव संकप्पे समुप्पज्जित्था-हडे मे से गब्भे, मडे मे से गब्भे, चुए मे से गब्भे, गलिए मे से गब्भे, एस मे गब्भे पुव्वि एयइ, इयाणि नो एयइत्तिकट्टु ओहयमणसंकप्पा चित्ता-सोग-सागर-संपविट्ठा करयल-पल्लहत्थ-मुही अट्टज्झाणोवगया भूमीगयदिट्ठिया झियायइ, तंपि य सिद्धत्थराय-वरभवणं उवरय-मुइंग-तंतीतल-ताल-नाडइज्जजणमणुज्जं दीणविमणं विहरइ ॥९२॥ तए णं से समणे भगवं महावीरे माउए अयमेयारुवं अब्भत्थिएअं पत्थिएअं मणोगयं संकप्पं समुप्पन्नं वियाणित्ता एगदेसेणं एयइ, तए णं सा तिसला खत्तियाणी हट्टतुट्टा जाव ह्यहिअया एवं वयासी ॥९३॥ नो खलु मे गब्भे हडे जाव नो गलिए, मे गब्भे पुव्विं नो एयइ, इयाणिं एय-इत्तिकट्टु हट्ट जाव एवं विहरइ, तए णं समणे भगवं महावीरे गब्भत्थे चेव इमेयारुवं अभिग्गहं अभिगिण्हइनो खलु मे कप्पइ अम्मापिऊहिं जीवंतेहिं मुंडे भवित्ता अगाराओ अणगारिअं पव्वइत्तए ॥९४॥ तए णं सा तिसला खत्तियाणी ण्हाया कय-बलिकम्मा कय-कोउय-मंगल-पायच्छित्ता सव्वालंकार-विभूसिया तं गब्भं नाइसीएहिं नाइउण्हेहिं नाइतित्तेहिं नाइकडुएहिं नाइकसाइएहिं नाइअंबिलेहिं नाइमहुरेहिं नाइनिद्धेहिं नाइलुक्खेहिं नाइउल्लेहिं नाइसुक्केहिं सव्वत्तुगभयमाण-सुहेहिं-भोयणच्छायणगंधमल्लेहिं ववगय-रोग-सोग-मोह-भय-परिस्समा जं तस्स गब्भस्स हिअं मियं पत्थं गब्भपोसणं तं देसे अ काले अ आहारमाहारेमाणी विवित्त-मउएहिं सयणासणेहिं पइरिक्कसुहाए मणोऽणुकूलाए विहारभूमीए पसत्थ-दोहला संपुण्ण-दोहला संमाणिय-दोहला अविमाणिअ-दोहला वुच्छिन्न-दोहला ववणीअ-दोहला सुहंसुहेणं आसइ सयइ चिट्ठइ निसीअइ तुयट्टइ विहरइ सुहंसुहेणं तं गब्भं परिवहइ ॥९५॥ तेषां कालेणं तेषां समएणं समणे भगवं महावीरे जेसे गिम्हाणं पढमे मासे दुच्चे पक्खे चित्तसुद्धे तस्स णं चित्तसुद्धस्स तेरसीदिवसे णं नवणं मासाणं बहुपडिपुण्णाणं अब्भट्टमाणं राइंदियाणं विइक्कंताणं उच्चट्टाणगएसु गहेसु पढमे चंदजोगे सोमासु दिसासु वितिमिरासु विसुद्धासु जइएसु सव्वसउणेसु पयाहिणाणुकूलंसि भूमिसप्पंसि मारुयंसि पवायंसि निप्फन्न-मेइणीयंसि कालंसि पमुइय-पक्कीलिएसु जणवएसु पुव्व-रत्ता-वरत्त-कालसमयंसि हत्थुत्तराहिं नक्खत्तेणं चंदेणं जोगमुवागएणं आरुग्गं दारयं



भगवान् श्री महावीर

## ભગવાન મહાવીરના મુખ્ય ૨૭ ભવના નામ :

(૧) નયસાર કઠિયારો, (૨) પ્રથમ દેવલોકમાં દેવ, (૩) ચક્રવર્તી ભરતના પુત્ર મરીચિ, (૪) પંચમ બ્રહ્મદેવલોકમાં દેવ, (૫) કોલ્લાક સંનિવેશમાં બ્રાહ્મણ કૌશિક, (૬) બ્રાહ્મણ પુષ્પમિત્ર, (૭) પ્રથમ દેવલોકમાં મધ્યમસ્થિતિના દેવ, (૮) બ્રાહ્મણ અગ્નિજ્યોત, (૯) દ્વિતીય બ્રહ્મલોકમાં મધ્યમ આયુષ્યના દેવ, (૧૦) બ્રાહ્મણ અગ્નિભૂતિ, (૧૧) તૃતીય સનત્કુમાર દેવલોકમાં દેવ, (૧૨) બ્રાહ્મણ ભારદ્વાજ, (૧૩) ચતુર્થ મહેન્દ્ર દેવલોકમાં દેવ, (૧૪) બ્રાહ્મણ સ્થાવર, (૧૫) પંચમ બ્રહ્મદેવલોકમાં દેવ, (૧૬) રાજકુમાર વિશ્વભૂતિ, (૧૭) સપ્તમ મહાશુક્ર દેવલોકમાં દેવ, (૧૮) ત્રિપૃષ્ઠ વાસુદેવ, (૧૯) સપ્તમ નરકમાં નારકી, (૨૦) સિંહ, (૨૧) ચતુર્થ નરકમાં નારકી, (૨૨) મનુષ્ય, (૨૩) ચક્રવર્તી પ્રિયમિત્ર, (૨૪) સપ્તમ મહાશુક્ર દેવલોકમાં દેવ, (૨૫) રાજકુમાર નંદન, (૨૬) દશમ પ્રાણત દેવલોકમાં દેવ અને (૨૭) ભગવાન મહાવીર.

## ભગવાન મહાવીર કે પ્રધાન ૨૭ ભવોં કે નામ :

૧) નયસાર કઠહારા, ૨) પ્રથમ દેવલોક મેં દેવ, ૩) ચક્રવર્તી ભરત કે પુત્ર મરીચિ, ૪) પંચમ બ્રહ્મદેવલોક મેં દેવ, ૫) કોલ્લાક સંનિવેશ મેં બ્રાહ્મણ કૌશિક, ૬) બ્રાહ્મણ પુષ્પમિત્ર, ૭) પ્રથમ દેવલોક મેં મધ્યમસ્થિતિક દેવ, ૮) બ્રાહ્મણ અગ્નિજ્યોત, ૯) દ્વિતીય બ્રહ્મલોક મેં મધ્યમ-આયુષ્યક દેવ, ૧૦) બ્રાહ્મણ અગ્નિભૂતિ, ૧૧) તૃતીય સનત્કુમાર દેવલોક મેં દેવ, ૧૨) બ્રાહ્મણ ભારદ્વાજ, ૧૩) ચતુર્થ મહેન્દ્ર દેવલોક મેં દેવ, ૧૪) બ્રાહ્મણ સ્થાવર, ૧૫) પંચમ બ્રહ્મદેવલોક મેં દેવ, ૧૬) રાજકુમાર વિશ્વભૂતિ, ૧૭) સપ્તમ મહાશુક્ર દેવલોક મેં દેવ, ૧૮) ત્રિપૃષ્ઠ વાસુદેવ, ૧૯) સપ્તમ નરક મેં નારકી, ૨૦) સિંહ, ૨૧) ચતુર્થ નરક મેં નારકી, ૨૨) મનુષ્ય, ૨૩) ચક્રવર્તી પ્રિયમિત્ર, ૨૪) સપ્તમ મહાશુક્ર દેવલોક મેં દેવ, ૨૫) રાજકુમાર નન્દન, ૨૬) દશમ પ્રાણત દેવલોક મેં દેવ ઓર ૨૭) ભગવાન મહાવીર ।

## Main 27 births of Lord Mahāvīra :

1) Wood-cutter Nayasāra, 2) A god in the first heaven, 3) A sovereign ruler Bharata's Son Marīci, 4) A god in the fifth heavenly world called Brahmā, 5) Brahmin Kauśika in the Kollāka territory, 6) Brahmin Puṣpamitra, 7) A middling god in the first heaven, 8) Brahmin Agniyyota, 9) A god of an average longevity in the second heaven, 10) Brahmin Agnibhūti, 11) A god in the third heavenly world called Sanatkumāra, 12) Brahmin Bhāradrāja, 13) A god in the fourth heavenly world called Mahendra, 14) Brahmin Sthāvāra, 15) A god in the fifth heavenly world called Brahmā, 16) Prince Viśvabhūti, 17) A god in the seventh heavenly world called Mahāśukra, 18) Triprṣṭha Vāsudeva, 19) A soul born in the seventh hell, 20) A lion, 21) A soul born in the fourth hell, 22) A man, 23) A sovereign ruler Priyamitra, 24) A god in the seventh heavenly world called Mahāśukra, 25) Prince Nandana, 26) A god in the tenth heavenly world called Prāṇata and 27) Lord Mahāvīra.

पयाया ॥९६॥ जं रयणि च णं समणे भगवं महावीरे जाए सा णं रयणी बहूहिं देवेहिं देवीहिं य ओवयंतेहिं उप्पयंतेहिं य उप्पिंजल्लमाणभूआ कहकहगभूआ आविहुत्था ॥९७॥ जं रयणिं च णं समणे भगवं महावीरे जाए तं रयणिं च णं बहवे वेसमण-कुंडधारी तिरिय-जंभगा देवा सिद्धत्थ-रायभवणंसि हिरण्णबासं च सुवण्णवासं च वयरवासं च वत्थवासं च आभरणवासं च पत्तवासं च पुप्फवासं च फलवासं च बीअवासं च मल्लवासं च गंधवासं च चुण्णवासं च वण्णवासं च वसुहारवासं च वासिंसु ॥९८॥ तए णं से सिद्धत्थे खत्तिए भवणवइ-वाण-मंतर-जोइस-वेमाणिएहिं देवेहिं तित्थयर-जम्म-णाभिसेय-महिमाए कयाए समाणीए पच्चूसकाल-समयंसि नगरगुत्तिए सद्दवेइ सद्दवित्ता एवं वयासी ॥९९॥ खिप्पामेव भो देवाणुप्पिया ! कुंडपुरे नगरे चारगसोहणं करेह, करित्ता माणुम्माण-वद्धणं करेह, माणुम्माण-वद्धणं करित्ता कुंडपुरं नगरं सन्निंतर-बाहिरियं आसिय-सम्मज्जिओ-वलित्तं संघाडग-तिगचक्क-चच्चरचउम्महु-महापह-पहेसु सित्तसुइसंमट्ट-रत्थंत-रावण-विहियं मंचाइ-मंचक-लिअं नाणाविह-राग-भूसिअ-ज्झय-पडाग-मंडिअं लाउल्लोइमहिअं गोसीस-सरस-स्तचंदण-दहरदिन्न-पंचगुलि-तलं उवचिय-चंदणकलसं चंदण-घड-सुकय-तोरण-पडिदुवार-देसभाग आसत्तो-सत्तविपुलवट्ट-वग्घारिय-मल्ल-दाम-कलावं-पंचवण्णा-सरस-सुरभि-मुक्क-पुप्फपुंजोव-यार-कलिअं कालागुरु-पवर कुंदु-रुक्कतुरुक्क-डज्झंत-धूव-मघमघंत-गंधुद्धुआभिरामं सुगंध वरगंधिअं गंधवट्टिभूअं-नड नट्टग-जल्ल-मल्ल-मुट्टिय-वेलं-बग-कहगपाडग-लासग-आरक्खग-लंखमंख-तूण-इल्ल-तुंबवीणिय-अणेग-तालायराणु चरिअं करेह कारवेह, करित्ता कारवेत्ता य जूअसहस्सं मुसलसहस्सं च उस्सवेह, उस्सवित्ता मम एयमाणत्तियं पच्चप्पिणेह ॥१००॥ तए णं ते कोडुंबिय-पुरिसा सिद्धत्थेणं रण्णा एवं वुत्ता समाणा हट्टा जाव हिअया करयल-जाव-पडिसुणित्ता खिप्पामेव कुंडपुरे नगरे चारग-सोहणं जाव उस्सवित्ता जेणेव सिद्धत्थे राया (खत्तिए) तेणेव उवागच्छंति, उवागच्छित्ता करयल जाव कट्टु सिद्धत्थस्स खत्तियस्स रण्णो एयमाणत्तियं पच्चप्पिणंति ॥१०१॥ तए णं से सिद्धत्थेराया जेणेव अट्टणसाला तेणेव उवागच्छइ, उवागच्छित्ता जाव सव्वोरोहेणं सव्व-पुप्फ-गंध-वत्थ-मल्लालंकार-विभूसाए सव्व-तुडिअ-सद्द-निनाएणं महया इट्ठीए महया जुईए महया बलेणं महया वाहणेणं महया समुदएणं महया वरतुडिअ-जमग-समग-पवाइएणं संख-पणव-भेरि-झल्लरि-खरमुहिहुडुक्क-मुरज-मुइंग-दुंदुहि निग्घोस-नाइयरवेणंउस्सुक्कं उक्करं उक्किट्टं अदिज्जं अमिज्जं अभडप्पवेसं अदंड-कोदंडिमं अधरिमं गणिआवर-नाडइज्ज कलियं अणेग-तालायराणु-चरिअं अणुद्धुअमुइंगं (ग्रं. ५००) अमिलाय मल्लदामं पमुइअ-पक्कीलिय-सपुरजण-जाणवयं दसदिवसं ठिइवडियं करेइ ॥१०२॥ तए णं से सिद्धत्थे राया दसाहियाए ठिइवडियाए वट्टमाणीए सइए य साहस्सिए य सयसाहस्सिए य जाए य दाए य भाए अ दलमाणे अ दवावेमाणे अ, सइए अ साहस्सिए अ सयसाहस्सिए य लंभे पडिच्छमाणे य पडिच्छावेमाणे य एवं विहरइ ॥१०३॥ तए णं समणस्स भगवओ महावीरस्स अम्मापियरो पढमे दिवसे ठिइवडियं करिति, तइए दिवसे चंदसूरदंसणिअं करिति, छट्टे दिवसे धम्मजागरियं करिति, इक्कारसमे दिवसे विइकंते निव्वत्तिए असुइ-जम्म-कम्म-करणे, संपत्ते बारसाहे दिवसे, विउलं असण-पाण-खाइम-साइमं उवक्खडाविति, उवक्खडावित्ता मित्त-नाइ-नियय-सयणसंबंधिपरिजणं नाए य खत्तिए अ आमंतेइ, आमंतित्ता तओ पच्छा ण्हाया कयबलिकम्मा कय-कोउय-मंगल-पायच्छित्ता सुद्धप्पावेसाइं मंगल्लाइं पवराइं वत्थाइं परिहिया अप्पमहग्घा-भरणा-लंकिय-सरीरा भोअणवेलाए भोअणमंडवंसि सुहासणवरगया तेणं मित्त-नाइनियय-संबंधि-परिजणेणं नायएहि खत्तिएहिं सद्धिं तं विउलं असण-पाण-खाइमसाइमं आसाएमाणा विसाएमाणा परिभुंजेमाणा परिभाएमाणा एवं वा विहरंति ॥१०४॥ जिमिअभुत्तुत्तरागयाऽवि अ णं समाणा आयंता चोक्खा परमसुईभूआ तं मित्त-नाइनियय-सयण-संबंधिपरिजणं नायए खत्तिए य विउलेणं पुप्फ-वत्थ-गंध-मल्लालंकारेणं सक्कारिति संमाणिति सक्कारित्ता संमाणित्ता तस्सेव मित्त-नाइ नियय-सयण-संबंधि-परियणस्स नायाणं खत्तिआण य पुरओ एवं वयासी ॥१०५॥ पुव्विपि णं देवाणुप्पिया ! अम्हं एयंसि दारगंसि गब्भं वक्कंतंसि समाणांसि इमे एयारुवे अब्भत्थिए चित्तिए जाव समुप्पज्जित्था-जप्पभिइं चणं अम्हं एस दारए कुच्छिसि गब्भत्ताए वक्कंते तप्पभिइं च णं अमहे

हिरण्णेणं वड्ढामो, सुवण्णेणं धणेणं धन्नेणं रज्जेणं जाव सावइज्जेणं पीइसक्कारेणं अईव २ अभिवड्ढामो, सामंतरायाणो वसमागया य ॥१०६॥ तं जया णं अम्हं एस दारए जाए भविस्सइ तथा णं अम्हे एयस्स दारगस्स इमं एयाणुरुवं गुणं गुणनिप्फत्रं नामधिज्जं करिस्सामो वड्ढमाणुत्ति, ता अज्ज अम्ह मणोरहसंपत्ती जाया, तं होउ णं अम्हं कुमारे वड्ढमाणे नामेणं ॥१०७॥ समणे भगवं महावीरे कासवगुत्ते णं, तस्स णं तओ नामाधिज्जा एवमाहिज्जंति, तंजहा-अम्मापिउसंतिए वड्ढमाणे, सहसंमुइआए समणे, अयले भयभेखाणं परीसहोवसग्गाणं खंतिखमे पडिमाण पालगे धीमं अरइरइसहे दविए वीरिअसंपन्ने देवेहिं से नामं कयं 'समणे भगवं महावीरे' ॥१०८॥ समणस्स णं भगवओ महावीरस्स पिआ कासवगुत्ते णं, तस्स णं तओ नामाधिज्जा एवमाहिज्जंति, तंजहा-सिद्धत्थे इ वा, सिज्जंसे इ वा, जसंसे इ वा ॥ समणस्स णं भगवओ महावीरस्स माया वासिड्डी गुत्तेणं, तीसे तओ नामाधिज्जा एवमाहिज्जंति, तंजहा-तिसला इ वा, विदेहदिन्ना इ वा, पीइकारिणी इ वा ॥ समणस्स णं भगवओ महावीरस्स पितिज्जे सुपासे, जिट्ठे भाया नंदिवड्ढणे, भगिणी सुदंसणा, भारिया जसोआ कोडिन्ना गुत्तेणं ॥ समणस्स णं भगवओ महावीरस्स धूआ कासवी गुत्तेणं, तीसे दो नामाधिज्जा एवमाहिज्जंति, तंजहा-अणोज्जा इ वा, पियदंसणा इ वा ॥ समणस्स णं भगवओ महावीरस्स नत्तुई कोसिअ (कासव) गुत्तेणं, तीसे णं दुवे नामाधिज्जा एवमाहिज्जंति, तंजहा-सेसवई इ वा जसवई इ वा ॥१०९॥ समणे भगवं महावीरे दक्खे दक्खपइन्ने पडिरुवे आलीणे भइए विणीए-नाए नायपुत्ते नायकुलचंदे विदेहे नाए नायपुत्ते नायकुलचंदे विदेहे विदेहदिन्ने विदेहजच्चे विदेहसूमाले तीसं वासाइं विदेहंसि कट्ठु अम्मापिऊहिं देवत्तगएहिं गुरुमहत्तरएहि अम्भणुत्ताए समत्तपइन्ने पुणरवि लोगंतिएहिं जीअकप्पिएहिं देवेहिं ताहिं इट्ठाहिं कंताहिं पिआहिं मणुत्ताहिं मणामाहिं उरालाहिं कल्लाणाहिं सिवाहिं धन्नाहिं मंगल्लाहिं मिअ-महुर-सस्सिरीआहिं हियय-गमणिज्जाहिं हियय-पल्हायणिज्जाहिं गंभीराहिं अपुणरुत्ताहि वग्गूहि अणवरयं अभिनंदमाणा य अभियुव्वमाणा य एवं वयासी ॥११०॥-“जय २ नंदा !, जय २ भद्दा !, भद्दं ते, जय २ खत्तिअवरवसहा !, बुज्झाहि भगवं लोगनाहा !, सयलजगज्जीवहियं पवत्तेहि धम्मतित्थं हियसुहनिस्सेयसकरं सब्वलोए सब्वजीवाणं भविस्सइतिकट्ठु जय-जयसद्दं पउंजंति ॥१११॥ पुव्विपि णं समणस्स भगवओ महावीरस्स माणुस्सगाओ गिहत्यधम्मओ अणुत्तरे आभोइए अप्पडिवाई नाणदंसणे हुत्था, तए णं समणे भगवं महावीरे तेणं अणुत्तरेणं आभोइएणं, नाणदंसणेणं अप्पणो निक्खमणकालं आभोइए, आभोइत्ता चिच्चा हिरण्णं, चिच्चा सुवण्णं, चिच्चा धणं, चिच्चा रज्जं, चिच्चा रट्ठं, एवं बलं वाहणं कोसं कुट्ठागारं, चिच्चा पुरं, चिच्चा अंतेउरं, चिच्चा जणवयं, चिच्चा विपुल-धण-कणग-रयण-मणि-मुत्तिय-संख-सिलप्पवाल-रत्त-रयणमाइयं संतसारसावइज्जं, विच्छइइत्ता, विगोवइत्ता दाणं दायारेहिं परिभाइत्ता, दाणं दाइयाणं परिभाइत्ता ॥११२॥ तेणं कालेणं तेणं समएणं समणे भगवं महावीरे जे से हेमंताणं पढमे मासे पढमे पक्खे मग्गसिरबहुले, तस्स णं मग्गसिरबहुलस्स दसमीपक्खेणं पाईणगामिणीए छायाए पोरिसीए अभिनिवट्ठाए पमाणपत्ताए सुव्वएणं दिवसेणं विजएणं मुहुत्तेणं चंदप्पभाए सीआए सदेवमणुआ-सुराए परिसाए समणुगम्म-माणमग्गे, संखिय-चक्किय-नंग-लिअ-मुहमंगलिअ-वड्ढमाणपूसमाण-घंटियगणेहिं ताहिं इट्ठाहिं कंताहिं पियाहिं मणुन्नाहिं मणामाहिं उरालाहिं कल्लाणाहिं सिवाहिं धन्नाहिं मंगल्लाहि मिअमहुर-सस्सिरीआहिं वग्गूहिं अभिनंदमाणा अभियुव्वमाणा य एवं वयासी ॥११३॥ “जय २ नंदा !, जय २ भद्दा !, भद्दं ते खत्तियवरवसहा ! अभग्गेहिं नाण-दंसण-चरित्तेहिं, अजियाइं जिणाहि इंदियाइं, जिअं च पालेहिं समणधम्मं, जियविग्घोऽवि य वसाहि तं देव ! सिद्धिमज्झे, निहणाहि रागद्वोसमल्ले तवेणं धिइधणिअबद्धकच्छे, मद्दाहि अट्ठ कम्मसत्तू ज्ञाणेणं उत्तमेणं सुक्केणं, अप्पमत्तो हराहि आराहणपडागं च वीर ! तेलुक्करंगमज्झे, पावय वितिमिरमणुत्तरं केवलवरनाणं, गच्छ य मुक्खं परं पर्यं जिणवरोवइट्ठेणं मग्गेणं अकुडिलेणं हंता परीसहचमूं, जय २ खत्तिअवरवसहा ! बहूइं मासाइं बहूइं उऊइं बहूइं दिवसाइं बहूइं पक्खाइं पहूइं अयणाइं बहूइं संवच्छराइं, अभीए परीसहोवसग्गाणं, खंतिखमे भयभेरवाणं, धम्मे ते अविग्घं भवउ” त्तिकट्ठु जयजयसद्दं पउंजंति ॥११४॥ तए णं समणे भगवं महावीरे नयणमालासहस्सेहिं पिच्छिज्जमाणे २, वयणमालासहस्सेहिं अभियुव्वमाणे २, हिययमालासहस्सेहिं उन्नदिज्जमाणे २, मणोरहमालासहस्सेहिं विच्छिप्पमाणे २, कंतिरूवगुणेहिं पत्थिज्जमाणे २, अंगुलिमालासहस्सेहिं दाइज्जमाणे २, दाहिणहत्थेणं बहूणं नरनारीसहस्साणं

अंजलिमालासहस्साइं पडिच्छमाणे २, भवणपंतिसहस्साइं समइच्छमाणे २, तंती-तल्ल-ताल-तुडिय-गीय-वाइअ-रवेणं महुरेण य मणहरेणं जयजयसद्दघोसमीसिएणं मंजुमंजुणा घोसेण य पडिबुज्झमाणे २, सविहीए सव्वजुईए सव्वबलेणं सव्ववाहणेणं सव्वसमुदएणं सव्वायरेण सव्वविमूर्ईए सव्वविभूसाए सव्वसंममेणं सव्वसंगमेणं सव्वपगईहिं सव्वनाडएहिं सव्वतालायरेहिं सव्वोरोहेणं सव्वपुप्फगंधमल्लालंकारविभूसाए सव्वतुडिय-सद्-सन्निनाएणं महया इहीए, महया जुईए, महया बलेणं, महया वाहणेणं, महया समुदएणं, महया वरतुडिय-जमग-समगप्पवाइएणं, संख-पणव-पडह-भेरिइल्लरि-खरमुहिहुडुक्क-दुंदुहि-निग्घोसनाइयरवेणं, कुंडपुरं नग्गए मज्झंमज्झेणं निग्गच्छइ, निग्गच्छित्ता जेणेव नायसंडवणे उज्जाणे जेणेव असोगवरपायवे तेणेव उवागच्छइ ॥११५॥ उवागच्छित्ता असोगवरपायवस्सा अहे सीयां ठावेइ, ठावित्ता सीयाओ पच्चोरुहइ, पच्चोरुहिता सयमेव आभरणमल्लालंकारं ओमुअइ, ओमुइत्ता सयमेव पंचमुट्टियं लोअं करेइ, करित्ता छट्टेणं भत्तेणं अप्पाणएणं हत्थुत्तराहिं नक्खत्तेणं जोगमुवागएणं एणं देवदूसमादाय एगे अबीए मुंडे भवित्ता अगाराओ अणगारिअं पव्वइए ॥११६॥ सम्मणे भगवं महावीरे संवच्छरं साहियं मासं जाव चीवरधारी होत्था, तेण परं अचेलए पाणिपडिग्गहिए ॥ सम्मणे भगवं महावीरे साइरेगाइं दुवालस वासाइं निव्वं वोसट्टुकाए चियत्तदेहे जे केइ उवसणा उप्पज्जंति, तंजहा-दिव्वा वा, माणुसा वा, तिरिक्खजोणिआ वा, अणुलोमा वा पडिलोमा वा, ते उप्पन्ने सम्मं सहइ खमाइ तितिक्खइ अहियासेइ ॥११७॥ तए णं सम्मणे भगवं महावीरे अणगारे जाए, ईरियासमिए, भासासमिए, एसणासमिए, आयाणभंड-मत्त-निक्खेवणासमिए, उच्चारपास-वण-खेल-जल्लसंधाण-पारिट्ठावणियासमिए, मणसमिए, वयसमिए, कायसमिए, मणगुत्ते, वयगुत्ते, कायगुत्ते, गुत्ते गुत्तिदिए गुत्तबंभयारी अणोहे अमाणे अमाए अलोहे संते पसंते उवसंते परिनिव्वुडे अणासवे अममे अकिंचणे छिन्नगंथे निरुवलेवे, कंसपाई इव मुक्कतोए १, संखे इव निरंजणे २, जीवे इव अप्पडिहयगई ३, गणमिव निरालंबणे ४, वाऊइव अप्पडिबद्धे ५, सारयसलिलं व सुद्धहियए ६, पुवखरपत्तं व निरुवलेवे ७, कुम्मे इव गुत्तिदिए ८, खण्णिसाणं व एगजाए ९, बिहग इव विप्पमुक्के १०, भारंडपक्खी इव अप्पमत्ते ११, कुंजरे इव सोंठीरे १२, वसहो इव जायथामे १३, सीहो इव दुद्धरिसे १४, मंदरे इव निक्कपे १५, सागरो इव गंभीरे १६, चंदो इव सोमलेसे १७, सूरु इव दित्ततेए १८, जच्चकणगं व जायरुवे १९, वसुंधरा इव सव्वफास-विसहे २०, सुहुयहुया सणो इव तेयसा जलंते २१, ॥ इमेसिं पयाणं दुत्ति संगहणिगाहाओ-“कंसे संखे जीवे, गगणे वाऊ य सरयसलिले अ । पुक्खरपत्ते कुम्मे, विहगे खग्गे य भारंडे ॥११॥ कुंजर वसहे सीहे, नगराया चव सागरमखोहे । चंदे सूरु कणगे, वसुंधरा चव हूयवहे ॥२॥” नत्थि णं तस्स भगवंतस्स कत्थइ पडिबंधे, से अ पडिबंधे चउव्विहे पन्नत्ते, तंजहा-दव्वओ खित्तओ कालओ भावओ, दव्वओ णं सचित्ताचित्तमीसेसु दव्वेसु, खित्तओ णं गामे वा नगरे वा, अरण्णे वा, खित्त वा, खले वा, घरे वा, अंगणे वा. नहे वा, कालओ णं समए वा, आवलिआए वा, आणपाणुए वा, थोवे वा, खणे वा, लवे वा, मुहुत्ते वा अहोरत्ते वा, पक्खे वा, मासे वा, उउए वा, अयणे वा, संवच्छरे वा, अन्नयरे वा, दीहकालसंजोए, भावओ णं कोहे वा, माणे वा, मायाए वा, लोभे वा, भए वा, हासे वा, पिज्जे वा, दोसे वा, कलहे वा, अब्भक्खाणे वा, पेसुन्ने वा, परपरिवाए वा, अरइरई (ए) वा, मायामोसे वा, मिच्छादंसणसल्ले वा, (ग्रं. ६००) तस्स णं भगवंतस्स नो एवं भवइ ॥११८॥ से णं भगवं वासावासवज्जं अट्ट गिम्हहेमंतिए मासे गामे एगराइए नगरे पंचराइए वासीचंदण-समाणकप्पे समतिणमणिलेट्टुकंचणे समदुक्खसुहे इहलोगपरलोग-अप्पडिबद्धे जीविय-मरणे अ निरवकंखे संसारपारगामी कम्मसत्तु-निग्घायणट्टाए अब्भुट्टिए एवं च णं-विहरइ ॥११९॥ तस्स णं भगवंतस्स अणुत्तरेणं नाणेणं, अणुत्तरेणं दंसणेणं, अणुत्तरेणं चरित्तेणं, अणुत्तरेणं आलएणं, अणुत्तरेणं विहारेणं, अणुत्तरेणं वीरिएणं, अणुत्तरेणं अज्जवेणं, अणुत्तरेणं मद्दवेणं, अणुत्तरेणं लाघवेणं, अणुत्तराए खंतीए, अणुत्तराए मुत्तीए, अणुत्तराए गुत्तीए, अणुत्तराए तुट्टीए, अणुत्तरेणं सच्च-संजम-तव सुचरिअ-सोवचिअ-फल-निव्वाणमग्गेणं अप्पाणं भावेमाणस्स दुवालस संवच्छराइं विइकंताइं, तेरसमस्स संवच्छरस्स अंतरा वट्टमाणस्स जे से गिम्हाणं दुच्चे मासे चउत्थे पक्खे वइसाहसुद्धे, तस्स णं वइसाहसुद्धस्स दसमीपक्खेणं पाईणगामिणीए छायाए पोरिसीए अभिनिविट्टाए



पमाणपत्ताए सुव्वएणं दिवसेणं विजएणं मुहुत्तेणं जंभियगामस्स नगरस्स बहिआ उज्जुवालियाए नईए तीरे वेयावत्तस्स चेइअस्स अदूरसामंते सामागस्स गाहावईस्स कट्टकरणंसि सालपायवस्स अहे गोदोहिआए उक्कडुअनिसिज्जाए आयावणाए आयावेमाणस्स छट्टेणं भत्तेणं अपाणएणं हत्थुत्तराहिं नक्खत्तेणं जोगमुवागएणं झाणंतरिआए वट्टमाणस्स अणंते अणुत्तरे निव्वाघाए निरावरणे कसिणे पडिपुण्णे केवलवरनाणदंसणे समुप्पन्ने ॥१२०॥ तेणं कालेणं तेणं समएणं समणे भगवं महावीरे अरहा जाए, जिणे केवली सव्वन्नू सव्वदरिसी सदेवमणुआसुरस्स लोगस्स परिआयं जाणइ पासइ, सव्वलोए सव्वजीवाणं आगइं गइं ठिइं चवणं उववायं तक्कं मणो माणसिअं भुत्तं कडं पडिसेवियं आवीकम्मं रहोकम्मं, अरहा अरहस्सभागी, तं तं कालं मणवयकायजोगे वट्टमाणानं सव्वलोए सव्वजीवाणं सव्वभावे जाणमाणे पासमाणे विहरइ ॥१२१॥ तेणं कालेणं तेणं समएणं समणे भगवं महावीरे अट्टियगामं नीसाए पढमं अंतरावासं वासावासं उवागए १, चंपं च पिट्टचंपं च नीसाए तओ अंतरावासे वासावासं उवागए ४, वेसालिं नगरि वाणियगामं च नीसाए दुवालस अंतरावासे वासावासं उवागए १६, रायगिहं नगरं नालंदं च बाहिरियं नीसाए चउदस अंतरावासे वासावासं उवागए ३०, छ मिहिलाए ३६, दो भदिआए ३८, एणं आलंभियाए ३९, एणं सावत्थीए ४० एणं पणिअभूमीए ४१ एणं पावाए मज्झिमाए हत्थिवालस्स रण्णो रज्जुगसभाए अपच्छिमं अंतरावासं वासावासं उवागए ४२, ॥१२२॥ तत्थ णं जे से पावाए मज्झिमाए हत्थि वालस्स रण्णो रज्जुगसभाए अपच्छिमं अंतरावासं वासावासं उवागए ॥१२३॥ तस्स णं अंतरावासस्स जे से वासाणं चउत्थे मासे सत्तमे पक्खे कत्तिअबहुले, तस्स णं कत्तियबहुलस्स पन्नरसीपक्खेणं जा सा चरमा रयणी, तं रयणि च णं समणे भगवं महावीरे कालगए विइक्कंते समुज्जाए छिन्नजाइजरामरणबंधणे सिद्धे बुद्धे मुत्ते अंतगडे परिनिव्वुडे सव्वदुक्खप्पहीणे, चंदे नामं से दुच्चे संवच्छरे, पीइवद्धणे मासे, नंदिवद्धणे पक्खे, अग्गिवेसे नामं से दिवसे, उवसमिति पवुच्चइ, देवाणंदा नामं सा रयणी, निरतित्ति पवुच्चइ, अच्चे लवे मुहुत्ते पाणू थोवे सिद्धे नागे करणे सव्वदुक्खे, मुहुत्ते साइणा नक्खत्तेणं, जोगमुवागएणं कालगए विइक्कंते जाव सव्वदुक्खप्पहीणे ॥१२४॥ जं रयणिं च णं समणे भगवं महावीरे कालगए जाव सव्वदुक्खप्पहीणे सा णं रयणी बहूहिं देवेहिं देवीहि य ओवय माणे य उप्पयमाणेहि य उज्जोविया आविहुत्था ॥१२५॥ जं रयणिं च णं समणे भगवं महावीरे कालगए जाव सव्वदुक्खप्पहीणे, सा णं रयणी बहूहिं देवेहिं य देवीहि य ओवयमाणेहिं उप्पयमाणेहि य उप्पिंजलगमाणभूआ कहकहगभूआ आविहुत्था ॥१२६॥ जं रयणि च णं समणे भगवं महावीरे कालगए जाव सव्वदुक्खप्पहीणे तं रयणिं च णं जिट्टस्स गोअमस्स इंदभूइस्स अणगारस्स अंतेवासिस्स नायए पिज्जबंधणे वुच्छिन्ने, अणंते अणुत्तरे जाव केवलवरनाणदंसणे समुप्पन्ने ॥१२७॥ जं रयणि च णं समणे भगवं महावीरे कालगए जाव सव्वदुक्खप्पहीणे तं रयणिं च णं नव मल्लई नव लेच्छई कासीकोसलगा अट्टारसवि गणरायाणो अमावासाए पाराभोयं पोसहोववासं पट्टविसु, गए से भावुज्जोए, दव्वुज्जोअं करिस्सामो ॥१२८॥ जं रयणिं च णं समणे भगवं महावीरे जाव सव्वदुक्खप्पहीणे तं रयणिं च णं खुद्दाए भासरासी नाम महग्गहे दोवाससहस्सठिई समणस्स भगवओ महावीरस्स जम्मनक्खत्तं संकंते ॥१२९॥ जप्पभिइं च णं से खुद्दाए भासरासी महग्गहे दोवाससहस्सठिई समणस्स भगवओ महावीरस्स जम्मनक्खत्तं संकंते तप्पभिइं च णं समणाणं निग्गंथाणं निग्गंथीण य नो उदिए २ पूआसक्कारे पवत्तइ ॥१३०॥ जया णं से खुद्दाए जाव जम्मनक्खत्ताओ विइक्कंते भविस्सइ तथा णं समणाणं निग्गंथाणं निग्गंथीण य उदिए २ पूआसक्कारे भविस्सइ ॥१३१॥ जं रयणिं च णं समणे भगवं महावीरे कालगए जाव सव्वदुक्खप्पहीणे तं रयणि च णं कुंथू अणुद्धरी नामं समुप्पन्ना, जा ठिया अचलमाणा छउमत्थाणं निग्गंथाणं निग्गंथीण य नो चक्खुफासं हव्वमागच्छति, जा अठिया चलमाणा छउमत्थाणं निग्गंथाणं निग्गंथीण य चक्खुफासं हव्वमागच्छइ ॥१३२॥ जं पासित्ता बहूहिं निग्गंथेहि निग्गंथीहि य भत्ताइं, पच्चक्खायाइं से किमाहु भंते ! ?, अज्जप्पभिई संजमे दुराराहे भविस्सइ ॥१३३॥ तेणं कालेणं तेणं समएणं समणस्स भगवओ महावीरस्स इंदभूइपामुक्खाओ चउदस समणसाहस्सीओ उक्कोसिआ समणसंपया हुत्था ॥१३४॥ समणस्स भगवओ महावीरस्स अज्जचंदणापामुक्खाओ छत्तीसं अज्जिया साहस्सीओ उक्कोसिया अज्जियासंपया हुत्था ॥१३५॥ समणस्स भगवओ ० संखसयगपामुक्खाणं समणोवासगाणं एगा सयसाहस्सी अउणट्टिं च सहस्सा उक्कोसिया समणोवासगाणं संपया हुत्था ॥१३६॥

समणस्स भगवओ ० सुलसारेवईपामुक्खाणं समणोवासिआणं तिन्नि सयसाएस्सीओ अट्टारस सहस्सा उक्कोसिआ समणोवासियाणं संपया हुत्था ॥१३७॥  
समणस्स णं भगवओ ० तिन्नि सया चउद्वसपुव्वीणं अजिणाणं जिणसंकासाणं सब्बक्खरसन्निवाईणं जिणोविव अवितहं वागरमाणं उक्कोसिया चउद्वसपुव्वीणं  
संपया हुत्था ॥१३८॥ समणस्स ० तेरस सया ओहीनाणीणं अइसेसपत्ताणं उक्कोसिया ओहिनाणिसंपया हुत्था ॥१३९॥ समणस्स णं भगवओ ० सत्त सया केवल  
नाणीणं संभिण्णवरनाणदंसणधराणं उक्कोसिया केवलनाणिसंपया हुत्था ॥१४०॥ समणस्स णं भ ० सत्त सया वेउव्वीणं अदेवाणं देविट्ठिपत्ताणं उक्कोसिया  
वेउव्वियसंपया हुत्था ॥१४१॥ समणस्स णं भ ० पंच सया विउलमईणं अट्टाज्जेसु दीवेसु दोसु अ समुद्देसु सन्नीणं पंचिदियाणं पज्जत्ताणं मणोगए भावे  
जाणमाणं उक्कोसिआ विउलमईणं संपया हुत्था ॥१४२॥ समणस्स णं भ ० चत्तारि सया वाईणं सदेवमणुआसुराए परिसाए वाए अपराजियाणं उक्कोसिया  
वाइसंपया हुत्था ॥१४३॥ समणस्स णं भगवओ ० सत्त अंतेवासिसयाइं सिद्धाइं जाव सब्बदुक्खप्पहीणाइं, चउद्वस अज्जियासयाइं सिद्धाइं ॥१४४॥ समणस्स णं  
भग ० अट्ट सया अणुत्तरोववाइयाणं गइकल्लाणाणं ठिइकल्लाणाणं आगमेसिभद्दाणं उक्कोसिया अणुत्तरोववाइयाणं संपया हुत्था ॥१४५॥ समणस्स भ ० दुविहा  
अंतगडभूमी हुत्था तंजहा-जुगं-तगडभूमी य परियायंतगडभूमी य, जाव तच्चाओ पुरिसजुगाओ जुगंतगडभूमी, चउवासपरियाए अंतमकासी ॥१४६॥ तेणं कालेणं  
तेणं समएणं समणे भगवं महावीरे तीसं वासाइं अगारवासमज्जे वसित्ता, साइरेगाइं दुवालस वासाइं छउमत्थपरियागं पाउणित्ता, देसूणाइं तीसं वासाइं केवलिपरियागं  
पाउणित्ता बायालीसं वासाइं सामणपरियागं पाउणित्ता, बावत्तरि वासाइं सब्बाउयं पालइत्ता; खीणे वेयणिज्जाउयनामगुत्ते इमीसे ओसप्पिणीए दूसमसुसमाए  
समाए बहुविइक्कंताए तीहि वासेहिं अब्बनवमेहि य मासेहिं सेसेहिं पावाए मज्झिमाए हत्थिवालस्स रण्णो रज्जुयसभाए एगे अबीए छट्ठेणं भत्तेणं अपाणएणं साइणा  
नक्खत्तेणं जोगमुवागएणं पच्चूसकालसमयंसि संपलिअंकनिसण्णे पणपन्नं अज्झयणाइं कल्लाणफलविवागाइं पणपन्नं अज्झयणाइं पावफलविवागाइं छत्तीसं च  
अपुट्टवागणाइं वागरित्ता पहाणं नाम अज्झयणं विभावेमाणे २ कालगए विइक्कंते समुज्जाए छिन्नजाइजरामरणबंधणे सिद्धे बुद्धे मुत्ते अंतगडे परिनिव्वुडे  
सब्बदुक्खप्पहीणे ॥१४७॥ समणस्स भगवओ महावीरस्स जाव सब्बदुक्खप्पहीणस्स नव वाससयाइं विइक्कंताइं दसमस्स य वाससयस्स अयं असीइमे संवच्छरे  
काले गच्छइ, वाणंतरे पुण अयं तेणउए संवच्छरे काले गच्छइ इइ दीसइ ॥१४८॥ २४ ॥ इति श्री महावीरचरित्रम् ॥ तेणं कालेणं तेणं समएणं पासे अरहा  
पुरिसादाणीए पंचविसाहे हुत्था, तंजहा-विसाहाहिं चुए चइत्ता गब्भं वक्कंते १, विसाहाहिं जाए २, विसाहाहिं मुंडे भवित्ता अगाराओ अणगारिअं पव्वइए ३,  
विसाहाहिं अणंतं अणुतरे निव्वाघाए निरावरणे कसिणे पडिपुण्णे केवलवरनाणदंसणे समुप्पन्ने ४, विसाहाहिं परिनिव्वुए ५, ॥१४९॥ तेणं कालेणं तेणं समएणं पासे  
अरहा पुरिसादाणीए जे से गिम्हाणं पढमे मासे पढमे पक्खे चित्तबहुले, तस्स णं चित्तबहुलस्स चउत्थीपक्खे णं पाणयाओ कप्पाओ वीसं-सागरोवमट्ठिइयाओ  
अणंतरं चयं चइत्ता इहेव जंबुद्दीवे दीवे भारहे वासे वाणारसीए नयरीए आससेणस्स रण्णो वामाए देवीए पुव्वरत्तावरत्तकालसमयंसि विसाहाहिं नक्खत्तेणं जोगमुवागएणं  
आहारवक्कंतीए (ग्रं. ७००) भववक्कंतीए सरीरवक्कंतीए कुच्छिसि गब्भत्ताए वक्कंते ॥१५०॥ पासे णं अरहा पुरिसादाणीए तिन्नाणोवगए आविहुत्था, तंजहा-  
चइस्सामित्ति जाणइ, चयमाणे न जाणइ, चुएमित्ति-जाणइ, तेणं चेव अभिलावेणं सुविणदंसणविहाणेणं सब्बं जाव निअगं गिहं अणुपविट्ठा, जाव सुहंसुहेणं तं गब्भं  
परिवहइ ॥१५१॥ तेणं कालेणं तेणं समएणं पासे अरहा पुरिसादाणीए जे से हेमंताणं दुच्चे मासे तच्चे पक्खे पोसबहुले, तस्स णं पोसबहुलस्स दसमीपक्खेणं  
नवणं मासाणं बहुपडिपुण्णाणं अब्बट्टमाणं राइंदिआणं विइक्कंताणं पुव्वरत्तावरत्तकालसमयंसि विसाहाहिं नक्खत्तेणं जोगमुवागएणं आरोग्गा आरोग्गं दारयं पयाया  
॥१५२॥ जं रयणिं च णं पासे ० जाए सा रयणी बहूहिं देवेहिं देवीहि य जाव उप्पिंजलगभूया कहकहगभूया याविहुत्था ॥१५३॥ सेसं तहेव, नवरं जम्मणं पासाभिलावेणं  
णिअव्वं, जाव तं होउ णं कुमारे पासे नामेणं ॥१५४॥ पासे अरहा पुरिसादाणीए दक्खे दक्खपइन्ने पडिरुवे अल्लीणे भद्दए विणीए तीसं वासाइं अगारवासमज्जे

वसित्ता पुणरवि लोगंतिएहिं जीअकप्पेहिं देवेहिं ताहिं इट्ठाहिं जाव एवं वयासी ॥१५५॥-“जय जय नंदा !, जय जय भद्रा !, भद्रं ते” जाव जयजयसद्वं पउंजंति ॥१५६॥ पुव्विंपि णं पासस्स णं अरहओ पुरिसादाणीयस्स माणुस्सगाओ गिहत्थधम्माओ अणुत्तरे आभोइए तं चेव सव्वं जाव दाणं दाइयाणं परिभाइत्ता, जे से हेमंताणं दुच्चे मासे तच्चे पक्खे पोसबहुले, तस्स णं पोसबहुलस्स इक्कारसीदिवसे णं पुव्वण्हकालसमयंसि विसालाए सिबिआए सदेवमणुआसुराए परिसाए, तं चेव सव्वं नवरं वाणारसिं नगरिं मज्झंमज्झेणं निग्गच्छइ, निग्गच्छित्ता जेणेव आसमपए उज्जाणे जेणेव असोगवरपायवे तेणेव उवागच्छइ, उवागच्छित्ता असोगवरपायवस्स अहे सीयं ठावेइ, ठावित्ता सीयाओ पच्चोरुहित्ता सयमेव आभरणमल्लालंकारं ओमुअइ, सय ० ओमुइत्ता सयमेव पंचमुट्ठियं लोअं करेइ, करित्ता अट्टमेणं भत्तेणं अपाणएणं विसाहाहिं नक्खत्तेणं जोगमुवागएणं एणं देवदूसमादाय तीहिं पुरिससएहिं सद्धि मुंडे भवित्ता अगाराओ अणगारियं पव्वइए ॥१५७॥ पासे णं अरहा पुरिसादाणीए तेसीइं राइंदियाइं निच्चं वोसट्टकाए चियत्तदेहे जे केई उवसग्गा उप्पज्जंति, तंजहादिव्वा वा माणुस्सा वा तिरिक्खजोणिआ वा अणुलोमा वा पडिलोमा वा, ते उप्पन्ने सम्मं सहइ खमइ तितिक्खइ अहियासेइ ॥१५८॥ तए णं से पासे भगवं अणगारे जाए ईरियासमिए भासासमिए जाव अप्पाणं भावेमाणस्स तेसीइं राइंदियाइं विइकंताइं, चउरासीइमे राइंदिए अंतरा वट्टमाणे जे से गिम्हाणं पढमे मासे पढमे पक्खे चित्तबहुले, तस्स णं चित्तबहुलस्स चउत्थीपक्खे णं पुव्वण्हकालसमयंसि धायईपायवस्स अहे छट्ठेणं भत्तेणं अपाणएणं विसाहाहिं नक्खत्तेणं जोगमुवागएणं झाणंतरिआए वट्टमाणस्स अणंते अणुत्तरे निव्वाघाए निरावरणे जाव केवलवरनाणदंसणे समुप्पन्ने जाव जाणमाणे पासमाणे विहरइ ॥१५९॥ पासस्स णं अरहओ पुरिसादाणीयस्स अट्ट गणा अट्ट गणहरा हुत्था, तंजहासुभे य १ अज्जघोसे य २, वसिट्ठे ३ बंभयारि य ४ सोमे ५ सिरिहरे ६ चेव, वीरभदे ७ जसेऽविय ८ ॥१६०॥ पासस्स णं अरहओ पुरिसादाणीयस्स अज्जदिण्ण-पामुक्खाओ सोलस समणसाहस्सीओ उक्कोसिआ समणसंपया हुत्था ॥१६१॥ पासस्स णं अ० पुप्फचूलापामुक्खाओ अट्टतीसं अज्जियासाहस्सीओ उक्कोसिआ अज्जियासंपया हुत्था ॥१६२॥ पासस्स ० सुव्वयपामुक्खाणं समणोवासगाणं एगासयसाहस्सीओ चउसट्ठिं च सहस्सा उक्कोसिआ समणोवासगाणं संपया हुत्था ॥१६३॥ पासस्स ० सुनंदापामुक्खाणं समणोवासियाणं तिण्णि सयसाहस्सीओ सत्तावीसं च सहस्सा उक्कोसिआ समणोवासियाणं संपया हुत्था ॥१६४॥ पासस्स ० अद्धुट्टसया चउइसपुव्वीणं अजिणाणं जिणसंकासाणं सव्वक्खर जाव चउइसपुव्वीणं अजिणाणं जिणसंकासाणं सव्वक्खर जाव चउइसपुव्वीणं संपया हुत्था ॥१६५॥ पासस्स णं ० चउइस सया ओहिनाणीणं, दस सया केवलनाणीणं, इक्कारस सया वेउव्वियाणं, छस्सयारिउमईणं, दस समणसया सिद्धा, वीसं अज्जियासया सिद्धा, अद्धट्टमसया विउलमईणं, छ सया वाईणं, बारस सया अणुत्तरोववाइयाणं ॥१६६॥ पासस्स णं अरहओ पुरिसादाणीयस्स दुविहा अंतगडभूमी हुत्था, तंजहाजुगंतगडभूमी, परियायंतगडभूमी य, जाव चउत्थाओ पुरिसजुगाओ जुगंतगडभूमी तिवासपरिआए अंतमकासी ॥१६७॥ तेणं कालेणं तेणं समएणं पासे अरहा पुरिसादाणीए तीसं वासाइं अगारवासमज्झे वसित्ता तेसीइं राइंदिआइं छउमत्थपरिआयं पाउणित्ता देसूणाइंसत्तरि वासाइं केवलिपरिआयं पाउणित्ता पडिपुण्णाइं सत्तरि वासाइं सामण्णपरिआयं पाउणित्ता एकं वाससयं सव्वाउयं पालइत्ता खीणे वेयणिज्जाउयनामगुत्ते इमीसे ओसाप्पिणीए दूसमसुसमाए समाए बहुविइकंताए जे से वासाणं पढमे मासे दुच्चे पक्खे सावणसुद्धे, तस्स णं सावणसुद्धस्स अट्टमीपक्खे णं उप्पिं संमेअसेलसिहरंसि अप्पचउत्तीसइमे मासिएणं भत्तेणं अपाणएणं विसाहाहिं नक्खत्तेणं जोगमुवागएणं पुव्वण्हकालसमयंसि वग्घारियपाणी कालगए विइकंते जाव सव्वदुक्खप्पहीणे ॥१६८॥ पासस्स णं अरहओ जाव सव्वदुक्खप्पहीणस्स दुवालस वाससयाइं विइकंताइं, तेरसमस्स य अयं तीसइमे संवच्छरे काले गच्छइ ॥१६९॥ २३ ॥ इति श्रीपार्श्वचरित्रम् ॥

तेणं कालेणं तेणं समएणं अरहा अरिट्टनेमी पंचचित्ते हुत्था, तंजहा चित्ताहिं चुए चइत्ता गब्भं वक्कंते, तहेव उक्खेवो जाव चित्ताहिं परिनिव्वुए ॥१७०॥ तेणं कालेणं तेणं समएणं अरहा अरिट्टनेमी जे से वासाणं चउत्थे मासे सत्तमे पक्खे कत्तिअबहुले, तस्स णं कत्तियबहुलस्स बारसीपक्खेणं अप्पराणिआओ महाविम्पाणाओ

बत्तीससागरोवमठिइआओ अणंतरं चयं चइत्ता इहेव जंबुद्धीवे दीवे भारहे वासे सोरियपुरे नयरे समुद्विजयस्स रण्णो भारिआए सिवाए देवीए पुव्वरत्तावरत्तकालसमयंसि जाव चित्ताहिं गब्भत्ताए वक्कंते, सव्वं तहेव सुमिणदंसणदविणसंहरणाइहं इत्थ भाणियव्वं ॥१७१॥ तेणं कालेणं तेणं समएणं अरहा अरिद्विनेमी जे से वासाणं पढमे मासे दुच्चे पक्खे सावणसुद्धे, तस्स णं सावणसुद्धस्स पंचमीपक्खेणं नवण्हं मासाणं जाव चित्ताहिं नक्खतेणं जोगमुवागएणं जाव आरोग्गा आरोग्गं दारयं पयाया ॥ जम्मणं समुद्विजयाभिलावेणं नेयव्वं, जाव तं होउ णं कुमारे अरिद्विनेमी नामेणं ॥ अरहा अरिद्विनेमी दक्खे जाव तिण्णि वाससयाइं कुमारे अगारवासमज्झे वसित्ता णं पुणरवि लोगंतिएहिं जीअकप्पिएहिं देवेहिं तं चेव सव्वं भाणियव्वं, जाव दाणं दाइयाणं परिभाइत्ता ॥१७२॥ जे से वासाणं पढमे मासे दुच्चे पक्खे सावणसुद्धे तस्स णं सावणसुद्धस्स छट्ठीपक्खेणं पुव्वण्हकालसमयंसि उत्तरकुराए सीयाए सदेवमणुआसुराए परिसाए अणुगम्ममाणमग्गे जाव बारवईए नयरीए मज्झंमज्झेण निग्गच्छइ, निग्गच्छित्ता जेणेव रेवयए उज्जाणे तेणेव उवागच्छइ, उवागच्छित्ता असोगवरपायवस्स अहे सीहं ठावेइ, ठावित्ता सीयाओ पच्चोरुहइ, पच्चोरुहित्ता सयमेव आभरणमल्लालंकारं ओमुयइ, सयमेव पंचमुट्टियं लोयं करेइ, करित्ता छट्ठेणं भत्तेणं अपाणएणं चित्तानक्खत्तेणं जोगमुवागएणं एणं देवदूसमादाय एणेणं पुरिससहस्सेणं सद्धिं मुंडे भवित्ता अगाराओ अणगारियं पव्वइए ॥१७३॥ अरहा णं अरिद्विनेमी चउपत्रं राइंदियाइं निच्चं वोसट्टकाए चियत्तदेहे, तं चेव सव्वं जाव पणपन्नगस्स राइंदियस्स अंतरा वट्टमाणस्स जे से वासाणं तच्चे मासे पंचमे पक्खे आसोयबहुले, तस्स णं आसोयबहुलस्स पन्नरसीपक्खेणं दिवसस्स पच्छिमे भाए उज्जिंतसेलसिहरे वेडसपायवस्स अहे छट्ठेणं भत्तेणं अपाणएणं चित्तानक्खत्तेणं जोगमुवागएणं झाणंतरियाए वट्टमाणस्स अणंते अणुत्तरे जाव सव्वलोए सव्वजीवाणं सव्वभावे जाणमाणे पासमाणे विहरइ ॥१७४॥ अरहओ णं अरिद्विनेमिस्स अट्टारस गणा अट्टारस गणहरा हुत्था ॥१७५॥ अरहओ णं अरिद्विनेमिस्स वरदत्तपामुक्खाओ अट्टारस समणसाहस्सीओ उक्कोसिया समणसंपया हुत्था ॥१७६॥ अरहओ णं अरिद्विनेमिस्स अज्जजक्खिणीपामुक्खाओ उक्कोसिया अज्जियासंपया हुत्था ॥१७७॥ अरहओ णं अरिद्विनेमिस्स नंदपामुक्खाणं समणोवासगाणं एगा सयसाहस्सीओ अउणत्तरि च सहस्सा उक्कोसिया समणोवा सगाणं संपया हुत्था ॥१७८॥ अरहओ णं अरिद्विनेमिस्स महासुव्वयापामुक्खाणं समणोवासिगाणंतिण्णि सयसाहस्सीओ छत्तीसं च सहस्सा उक्कोसिया समणोवासिआणं संपया हुत्था ॥१७९॥ अरहओ णं अरिद्विनेमिस्स चत्तारि सया चउद्वसपुव्वीणं अजिणाणं जिणसंकासाणं सव्वक्खर-सन्निवाईणं जिणो विव अवितहं वागरमाणं उक्कोसिया चउद्वसपुव्वीणं संपया हुत्था ॥१८०॥ पन्नरस सया ओहिनाणीणं, पन्नरस सया केवलनाणीणं, पन्नरस सया वेउव्विआणं, दस सया विउलमईणं, अट्ट सया वाईणं, सोलस सया अणुत्तरोववाइआणं, पन्नरस समणसया सिद्धा, तीसं अज्जियासयाइं सिद्धाइं ॥१८१॥ अरहओ णं अरिद्विनेमिस्स दुविहा अंतगडभूमी हुत्था, तंजहा-जुगंतगडभूमी परियायंतगडभूमी य जाव अट्टमाओ पुरिसजुगाओ जुगंतगडभूमी दुवासपरिआए अंतमकासी ॥१८२॥ तेणं कालेणं तेणं समएणं अरहा अरिद्विनेमी तिण्णि वाससयाइं कुमारवासमज्झे वसित्ता चउपत्रं राइंदियाइं छउमत्थपरिआयं पाउणित्ता देसूणाइं सत्त वाससयाइं केवलिपरिआयं पाउणित्ता पडिपुण्णाइं सत्त वाससयाइं सामणपरिआयं पाउणित्ता एणं वाससहस्सं सव्वाउअं पालइत्ता खीणे वेयणिज्जाउयनामगुत्ते इमीसे ओसप्पिणीए दूसमसुसमाए समाए बहुविक्कंताए जे से गिम्हाणं चउत्थे मासे अट्टमे पक्खे आसाढसुद्धे तस्स णं आसाढसुद्धस्स अट्टमीपक्खे णं उप्पि उज्जिंतसेलसिहरंसि पंचहिं छत्तीसेहिं अणगारसएहिं सद्धि मासिएणं भत्तेणं अपाणएणं चित्तानक्खत्तेणं जोगमुवागएणं पुव्वरत्तावरत्तकालसमयंसि नेसज्जिए कालगए (ग्रं. ८००) जाव सव्वदुक्खप्पहीणे ॥१८३॥ अरहओ णं अरिद्विनेमिस्स कालगयस्स जाव सव्वदुक्खप्पहीणस्स चउरासीइं वाससहस्साइं विइक्कंताइं, पंचासीइमस्स वाससहस्सस्स नव वाससयाइं विइक्कंताइं, दसमस्स य वाससयस्स अयं असीइमे संवच्छरे काले गच्छइ ॥१८४॥ इति श्रीनेमिनाथचरित्रम् नमिस्स णं अरहओ कालगयस्स जाव सव्वदुक्खप्पहीणस्स पंच वाससयसहस्साइं चउरासीइं च वाससहस्साइं नव य वाससयाइं विइक्कंताइं, दसमस्स य वाससयस्स अयं असीइमे संवच्छरे काले

गच्छइ ॥१८५॥२१॥ मुणिसुव्वयस्स णं अरहओ कालगयस्स इक्कारस वाससयसहस्साइं चउरासीइं च वाससहस्साइं नव वाससयाइं विइक्कंताइं, दसमस्स य वाससयस्स अयं असीइमे संवच्छरे काले गच्छइ ॥१८६॥२०॥ मल्लिस्स णं अरहओ जाव सव्वदुक्खप्पहीणस्स पन्नट्ठि वाससयसहस्साइं चउरासीइं च वाससहस्साइं नव वाससयाइं विइक्कंताइं, दसमस्स य वाससयस्स अयं असीइमे संवच्छरे काले गच्छइ ॥१८७॥१९॥ अरस्स णं अरहओ जाव सव्वदुक्खप्पहीणस्स एगे वासकोडिसहस्से विइक्कंते, सेसं जहा मल्लिस्स, तं च एयं-पंचसट्ठिं लक्खा चउरासीइं सहस्सा विइक्कंता, तंमि समए महावीरो निव्वुओ, तओ पर नव वाससया विइक्कंता दसमस्स य वाससयस्स अयं असीइमे संवच्छरे काले गच्छइ । एवं अग्गओ जाव सेयंसो ताव दट्ठव्वं ॥१८८॥१८॥ कुंथुस्स णं अरहओ जाव सव्वदुक्खप्पहीणस्स एगे चउभागपलिओवमे विइक्कंते पंचसट्ठिं वाससयसहस्सा, सेसं जहा मल्लिस्स ॥१८९॥१७॥ संतिस्स णं अरहओ जाव सव्वदुक्खप्पहीणस्स एगे चउभागूणे पलिओवमे विइक्कंते पन्नट्ठि च, सेसं जहा मल्लिस्स ॥१९०॥१६॥ धम्मस्स णं अरहओ जाव सव्वदुक्खप्पहीणस्स तिण्णि सागरोवमाइं विइक्कंताइं पन्नट्ठिं च, सेसं जहा मल्लिस्स ॥१९१॥१५॥ अणंतस्स णं अरहओ जाव सव्वदुक्खप्पहीणस्स सत्त सागरोवमाइं विइक्कंताइं पन्नट्ठिं च, सेसं जहा मल्लिस्स ॥१९२॥१४॥ विमलस्स णं अरहओ जाव सव्वदुक्खप्पहीणस्स सोलस सागरोवमाइं विइक्कंताइं पन्नट्ठिं च, सेसं जहा मल्लिस्स ॥१९३॥१३॥ वासुपुज्जस्स णं अरहओ जाव सव्वदुक्खप्पहीणस्स छायालीसं सागरोवमाइं विइक्कंताइं पन्नट्ठिं च, सेसं जहा मल्लिस्स ॥१९४॥ १२॥ सिज्जंसस्स णं अरहओ जाव सव्वदुक्खप्पहीणस्स एगे सागरोवमसए विइक्कंते पन्नट्ठिं च, सेसं जहा मल्लिस्स ॥१९५॥११॥ सीअलस्स णं अरहओ जाव सव्वदुक्खप्पहीणस्स एगा सागरोवमकोडी तिवासअद्धनवमासाहिअबायालीसवाससहस्सेहिं ऊणिआ विइक्कंता, एयंमि समए वीरो निव्वुओ, तओऽवियं णं परं नव वाससयाइं विइक्कंताइं, दसमस्स य वाससयस्स अयं असीइमे संवच्छरे काले गच्छइ ॥१९६॥१०॥ सुविहिस्स णं अरहओ पुप्फदंतस्स जाव सव्वदुक्खप्पहीणस्स दस सागरोवमकोडीओ विइक्कंताओ, सेसं जहा सीअलस्स तं च इमं-तिवासअद्धनवमासाहि अबायालीसवाससहस्सेहिं ऊणिआ विइक्कंता इच्चाइ ॥१९७॥९॥ चंदप्पहस्स णं अरहओ जाव पहीणस्स एगं सागरोवमकोडिसयं विइक्कंतं, सेसं जहा सीअलस्स, तं च इमंतिवासअद्धनवमासाहियबायालीसवाससहस्सेहिं ऊणगमिच्चाइ ॥१९८॥८॥ सुपासस्स णं अरहओ जाव पहीणस्स एगे सागरोवमकोडिसहस्से विइक्कंते सेसं जहा सीअलस्स, तं च इमंतिवासअद्धनवमासाहिअबायालीसवाससहस्सेहिं ऊणिआ इच्चाइ ॥१९९॥७॥ पउमप्पहस्स णं अरहओ जाव पहीणस्स दस सागरोवमकोडिसहस्सा विइक्कंता, तिवासअद्धनवमासाहियबायालीसवाससहस्सेहिं इच्चाइयं, सेसं जहा सीअलस्स ॥२००॥६॥ सुमइस्स णं अरहओ जाव पहीणस्स एगे ? सागरोवमकोडिसयसहस्से विइक्कंते, सेसं जहा सीअलस्स, तिवासअद्धनवमासाहियबायालीसवाससहस्सेहिं इच्चाइयं ॥२०१॥५॥ अभिनंदनणस्स णं अरहओ जाव पहीणस्स दस सागरोवमकोडिसयसहस्सा - विइक्कंता, सेसं जहा सीअलस्स तिवासअद्धनवमासाहियबायालीसवाससहस्सेहिं इच्चाइयं ॥२०२॥४॥ संभवस्स णं अरहओ जाव पहीणस्स वीसं सागरोवमकोडिसयसहस्सा वीइक्कंता, सेसं जहा सीअलस्स, तिवासअद्ध नवमासाहियबायालीसवाससहस्सेहिं इच्चाइयं ॥२०३॥३॥ अजियस्स णं अरहओ जाव पहीणस्स पन्नासं सागरोवमकोडिसयसहस्सा विइक्कंता, सेसं जहा सीअलस्स, तं च इमंतिवासअद्धनवमासाहियबायालीसवाससहस्सेहिं इच्चाइयं ॥२०४॥२॥ इति अन्तराणि ॥

तेणं कालेणं तेणं समएणं उसभे णं अरहा कोसलिए चउत्तरासाढे अभीइपंचमे हुत्था, तंजहा-उत्तरासाढाहिं चुए चइत्ता गब्भं वक्कंते जाव अभीइणा परिनिव्वुए ॥२०५॥ तेणं कालेणं तेणं समएणं उसभे णं अरहा कोसलिए जे से गिम्हाणं चउत्थे मासे, सत्तमे पक्खे, आसाढबहुले, तस्स णं आसाढबहुलस्स चउत्थीपक्खे णं सव्वट्ठिसिद्धाओ महाविमाणाओ तिच्चीसं सागरोवमट्ठिइआओ अणंतरं चयं चइत्ता इहेव जंबुद्वीवे दीवे भारहे वासे इक्खागभूमीए नाभिस्स कुलगरस्स मरुदेवीए भारिआए पुव्वरत्तावरत्तकालसमयंसि आहारखक्कंतीए जाव गब्भत्ताए वक्कंते ॥२०६॥ उसभे णं अरहा कोसलिए तिन्नाणो वगए आविहुत्था, तंजहा-चइस्सामित्ति

जाणइ जाव सुमिणे पासइ, तंजहा-गयवसह ० गाहा । सव्वं तहेव, नवरं पढमं उसभं मुहेणं अइतं पासइ सेसाओ गयं । नाभिकुलगरस्स, साहइ, सुविणपाढगा नत्थि, नाभिकुलगरो सयमेव वागरेइ ॥२०७॥ तेणं कालेणं तेणं समएणं उसभे णं अरहा कोसलिए जे से गिम्हाणं पढमे मासे पढमे पक्खे चित्तबहुले तस्स णं चित्तबहुलस्स अट्टमीपक्खे णं नवण्हं मासाणं बहुपडिपुण्णाणं अब्बट्टमाणं राइंदियाणं जाव आसाढाहिं नक्खत्तेणं जोगमुवागएणं जाव आरोग्गा आरोग्गं दारयं पयाया ॥२०८॥ तं चेव सव्वं, जाव देवा देवीओ य वसुहारवासं वासिसु, सेसं तहेव चारगसोहण-माणुम्माण-वह्णणउस्सुक्कमाइय-ट्टिइवडिय-जूववज्जं सव्वं भाणिअव्वं ॥२०९॥ उसभे णं अरहा कोसलिए कासवगुत्तेणं, तस्स णं पंच नामधिज्जा एवमाहिज्जंति, तंजहा-उसभे इ वा, पढमराया इ वा, पढमभिक्खायरे इ वा, पढमजिणे इ वा, पढमतित्थयरे इ वा ॥२१०॥ उसभे णं अरहा कोसलिए दक्खे दक्खपइण्णे पडिरुवे अल्लीणे भट्टए विणीएवीसंपुव्वसयसहस्साइं कुमारवासमज्झे वसइ, वसित्ता तेवट्टिं पुव्वसयसहस्साइं रज्जवासमज्झे वसइ, तेवट्टि च पुव्वसयसहस्साइं रज्जवासमज्झे वसमाणे लेहाइआओ गणियप्पहाणाओ सउणरुयपज्जवसाणाओ बावत्तरिं कलाओ चउसट्टिं महिला गुणे सिप्पसयं च कम्माणं, तिन्निऽवि पयाहिआए उवदिसइ, उवदिसित्ता पुत्तसयं रज्जसए अभिसिंचइ, अभिसिंचित्ता पुणरवि लोअंतिएहिं जीअकप्पिएहिं देवेहिं ताहिं इट्ठाहि जाव वग्गूहिं, सेसं तं चेव सव्वं भाणिअव्वं, जाव दाणं दाइआणं परिभाइत्ता जे से गिम्हाणं पढमे मासे पढमे पक्खे चित्तबहुले, तस्स णं चित्तबहुलस्स अट्टमीपक्खे णं दिवसस्स पच्छिमे भागे सुदंसणाए सीयाए सदेवमणुआसुराए परिसाए समणुगम्ममाणमग्गे जाव विणीयं रायहाणिं मज्झंमज्झेणं णिग्गच्छइ, णिग्गच्छित्ता जेणेव सिद्धत्थवणे उज्जाणे जेणेव असोगवरपायवे तेणेव उवागच्छइ, उवागच्छित्ता असोगवरपायवस्स अहे जाव सयमेव चउमुट्टिअं लोअं करेइ, करित्ता छट्टेणं भत्तेणं अपाणएणं आसाढाहिं नक्खत्तेणं जोगमुवागएणं उग्गाणं भोगाणं राइण्णाणं खत्तियाणं च चउहि पुरिससहस्सेहिं सद्धिं एणं देवदूसमादाय मुंडे भवित्ता अगाराओ अणगारियं पव्वइए ॥२११॥ उसभे णं अरहा कोसलिए एणं वाससहस्सं निच्चं वोसट्टकाए चियत्तदेहे जे केइ उवसग्गा जाव अप्पाणं भावेमाणस्स इक्कं वाससहस्सं विइक्कंतं, तओ णं जे से हेमंताणं चउत्थे मासे सत्तमे पक्खे फग्गुणबहुले, तस्स णं फग्गुणबहुलस्स इक्कारसीपक्खे णं पुव्वण्हकालसमयंसि पुरिमतालस्स नयरस्स बहिआ सगडमुहंसि उज्जाणंसि नग्गोहवरपायवस्स अहे अट्टमेणं भत्तेणं अपाणएणं आसाढाहिं नक्खत्तेणं जोगमुवागएणं झाणंतरिआए वट्टमाणस्स अणंते जाव जाणमाणे पासमाणे विहरइ ॥२१२॥ उसभस्स णं अरहओ कोसलिअस्स चउरासीई गणा, चउरासीई गणहरा हुत्था ॥२१३॥ उसभस्स णं अरहओ कोसलिअस्स उसभसेणपामुक्खाणं चउरासीइओ समणसाहस्सीओ उक्कोसिया समणसंपया हुत्था ॥२१४॥ उसभस्स णं अरहओ कोसलिअस्स बंभीसुंदरीपामुक्खाणं अज्जियाणं तिण्णि सयसाहस्सीओ उक्कोसिया अज्जियासंपया हुत्था ॥२१५॥ उसभस्स णं अरहओ कोसलिअस्स सिज्जंसपामुक्खाणं समणोवासगाणं तिण्णि सयसाहस्सीओ पंच सहस्सा उक्कोसिया समणोवासगसंपया हुत्था ॥२१६॥ उसभस्स णं अरहओ कोसलिअस्स सुभद्दापामुक्खाणं समणोवासियाणं पंच सयसाहस्सीओ चउपण्णं च सहस्सा उक्कोसिया समणोवासियाणं संपया हुत्था ॥२१७॥ उसभस्स णं अरहओ कोसलिअस्स चत्तारि सहस्सा सत्त सया पण्णासा चउइसपुव्वीणं अजिणाणं जिणसंकासाणं जाव उक्कोसिया चउइसपुव्विसंपया हुत्था ॥२१८॥ उसभस्स णं अरहओ कोसलिअस्स नव सहस्सा ओहिनाणीणं ० उक्कोसिया समणसंपया हुत्था ॥२१९॥ उसभस्स णं अरहओ कोसलिअस्स वीस सहस्सा केवलनाणीणं ० उक्कोसियाकेवलनाणि संपया हुत्था ॥२२०॥ उसभस्स णं अरहओ कोसलिअस्स वीस सहस्सा छच्च सया वेउव्वियाणं ० उक्कोसिया समणसंपया हुत्था ॥२२१॥ उसभस्स णं अरहओ कोसलिअस्स बारस सहस्सा छच्च सया पण्णासा विउलमईणं अट्ठाइज्जेसु दीवसमुद्देसु सत्रीणं पंचिदियाणं पज्जत्तगाणं मणोगए भावे जाणमाणं पासमाणं उक्कोसिया विउलमइसंपया हुत्था ॥२२२॥ उसभस्स णं अरहओ कोसलिअस्स बारस सहस्सा छच्च सया पण्णासा वाईणं ० संपया हुत्था ॥२२३॥ उसभस्स णं अरहओ कोसलिअस्स वीसं अंतेवासिसहस्सा सिद्धा, चत्तालीसं अज्जियासाहस्सीओ सिद्धाओ ॥२२४॥ उसभस्स णं अरहओ कोसलिअस्स बावीस सहस्सा नव सया अणुत्तरोववाइयाणं गइकल्लाणाणं जाव भद्दाणं उक्कोसिया ० संपया हुत्था ॥२२५॥ उसभस्स णं अरहओ

कोसलिअस्स दुविहा अंतगडभूमी हुत्था, तंजहा-जुगंतगडभूमी य परियायंतगडभूमी य, जाव असंखिज्जाओ पुरिसजुगाओ जुगंतगडभूमी, अंतोमुहूत्तपरिआए अंतमकासी ॥२२६॥ तेणं कालेणं तेणं समएणं उसभेणं अरहा कोसलिए वीसं पुव्वसयसहस्साइं कुमारवासमज्जे वसित्ताणं तेवट्ठिं पुव्वसयसइस्साइं रज्जवासमज्जे वसित्ताणं तेसीइं पुव्वसयसहस्साइं अगारवासमज्जे वसित्ताणं एणं वाससहस्सं छउमत्थपरिआयं पाउणित्ता एणं पुव्वसयसहस्सं वाससहस्सूणं केवलिपरिआयं पाउणित्ता पडिपुणं पुव्वसयसहस्सं सामणपरियागं पाउणित्ता चउरासीइं पुव्वसयसहस्साइं सव्वाउयं पालइत्ता खीणे वेयणिज्जाउयनामगुत्ते इमीसे ओसप्पिणीए सुसमदूसमाए समाए बहुविइकंताए तीहिं वासेहिं अद्धनवमेहि य मासेहिं सेसेहिं जे से हेमंताणं तच्चे मासे पंचमे पक्खे माहबहुले, तस्स णं माहबहुलस्स (ग्रं०९००) तेरसीपक्खे णं उप्पिं अट्ठावयसेलसिहरंसि दसहिं अणगारसहस्सेहिं सद्धिं चोदसमेणं भत्तेणं अपाणएणं अभीइणा नक्खत्तेणं जोगमुवागएणं पुव्वणहकालसमयंसि संपलियं कनिसण्णे कालगए-विइकंते जाव सव्वदुक्खप्पहीणे ॥२२७॥ उसभस्स णं अरहओ कोसलियस्स कालगयस्स जाव सव्वदुक्खप्पहीणस्स तिण्णि वासा अद्धनवमा य मासा विइकंता, तओऽवि परं एगा सागरोवमकोडाकोडी तिवास-अद्धनवमासाहिय-बायालीसाए वाससहस्सेहिं ऊणिया विइकंता, एयंमि समए समणे भगवं महावीरे परिनिव्वुडे, तओऽवि परं नव वाससया विइकंता, दसमस्स य वाससयस्स अयं असीइमे संवच्छरे काले गच्छइ ॥२२८ इति श्रीऋषभचरित्रं, प्रथमं वाच्यं च ॥ तेणं कालेणं तेणं समएणं समणस्स भगवओ महावीरस्स नव गणा, इक्कारस गणहरा हुत्था ॥१॥ से केणट्ठेणं भंते ! एवं वुच्चइ-समणस्स भगवओ महावीरस्स नव गणा, इक्कारस गणहरा हुत्था ? ॥२॥ समणस्स भगवओ महावीरस्स जिट्ठे इंदभूर्इ अणगारे गोयमगुत्ते णं पंच समणसयाइं वाएइ, मज्झिमए अग्गिभूर्इ अणगारे गोयमगुत्ते णं पंच समणसयाइं वाएइ, कणीअसे अणगारे वाउभूर्इ गोयमगुत्ते णं पंच समण सयाइं वाएइ, थेरे अज्जवियत्ते भारद्वाए गुत्तेणं पंच समणसयाइं वाएइ, थेरे अज्जसुहम्मए अग्गिवेसायणे गुत्तेणं पंच समणसयाइं वाएइ, थेरे मंडियपुत्ते वासिट्ठे गुत्तेणं अद्धुट्ठाइं समणसयाइं वाएइ, थेरे मोरिअपुत्ते कासवे गुत्तेणं अद्धुट्ठाइं समणसयाइं वाएइ, थेरे अकंपिए गोयमे गुत्तेणं-थेरे अयलभाया हारिआयणे गुत्तेणं, पत्तेयं एते दुण्णिवि थेरा तिण्णि तिण्णि समणसयाइं वाएति, थेरे अज्जमेइज्जे-थेरे अज्जपभासे, एए दुण्णिवि थेरा कोडिन्नागुत्तेणं तिण्णि तिण्णि समणसयाइं वाएति । से तेणट्ठेणं अज्जो ! एवं वुच्चइ-समणस्स भगवओ महावीरस्स नव गणा, इक्कारस गणहरा हुत्था ॥३॥ सव्वेऽवि णं एते समणस्स भगवओ महावीरस्स एक्कारसवि गणहरा दुवालसंगिणो चउदसपुव्विणो समत्तगणि-पिडगधारगा रायगिहे नगरे मासिएणं भत्तेणं अपाणएणं कालगया जाव सव्वदुक्खप्पहीणा ॥ थेरे इंदभूर्इ थेरे अज्जसुहम्मए य सिद्धिगए महावीरे पच्छा दुण्णिवि थेरा परिनिव्वुया, जे इमे अज्जत्ताए समणा निगंथा विहरंति एए णं सव्वे अज्जसुहम्मस्स अणगारस्स आवच्चिज्जा, अवसेसा गणहरा निरवच्चा वुच्छिन्ना ॥४॥ समणे भगवं महावीरे कासवगुत्ते णं । समणस्स णं भगवओ महावीरस्स कासवगुत्तस्स अज्जसुहम्मए थेरे अंतेवासी अग्गिवेसायणगुत्ते १, थेरस्स णं अज्जसुहम्मस्स अग्गिवेसायणगुत्तस्स अज्जजंबूनामे थेरे अंतेवासी कासवगुत्तेणं २, थेरस्स णं अज्जजंबूणामस्स कासवगुत्तस्स अज्जप्पभवे थेरे अंतेवासी कच्चायणसगुत्ते ३, थेरस्स णं अज्जप्पभवस्स कच्चायणसगुत्तस्स अज्जसिज्जंभवे थेरे अंतेवासी मणगपिया वच्छसगुत्ते ४, थेरस्स णं अज्जसिज्जंभवस्स मणगपिउणो वच्छसगुत्तस्स अज्जजसभद्दे थेरे अंतेवासी तुंगियायणसगुत्ते ५ ॥५॥ संखित्तवायणाए अज्जजसभद्दाओ अग्गओ एवं थेरावली भणिया, तंजहा थेरस्स णं अज्जजसभद्दस्स तुंगियायणसगुत्तस्स अंतेवासी दुवे थेरा-थेरे अज्जसंभूअविजए माढरसगुत्ते, थेरे अज्जभद्दबाहू पाईणसगुत्ते ६, थेरस्स णं अज्जसंभूअविजयस्स माढरसगुत्तस्स अंतेवासी थेरे अज्जथूलभद्दे गोयमसगुत्ते ७, थेरस्स णं अज्जथूलभद्दस्स गोयमसगुत्तस्स अंतेवासी दुवे थेरा-थेरे अज्जमहागिरी एलावच्चसगुत्ते, थेरे अज्जसुहत्थी वासिट्ठसगुत्ते ८, थेरस्स णं अज्जसुहत्थिस्स वासिट्ठसगुत्तस्स अंतेवासी दुवे थेरा-सुट्ठियसुप्पडिबुद्धा कोडियकाकंदगा वग्घावच्चसगुत्ता ९, थेराणं सुट्ठियसुप्पडिबुद्धाणं कोडियकाकंदगाणं वग्घावच्चसगुत्ताणं अंतेवासी थेरे अज्जइंददिन्ने कोसियगुत्ते १०, थेरस्स णं अज्जइंददिन्ने

कोसियगुत्तस्स अंतेवासी थेरे अज्जदिन्ने गोयमसगुत्ते ११, थेरस्स णं अज्जदिन्नेस्स गोयमसगुत्तस्स अंतेवासी थेरे अज्जसीहगिरी जाइस्सरे कोसियगुत्ते १२, थेरस्स णं अज्जसीहगिरिस्स जाइस्सरस्स कोसियगुत्तस्स अंतेवासी थेरे अज्जबइरे गोयमसगुत्ते १३, थेरस्स णं अज्जवइरस्स गोयमसगुत्तस्स अंतेवासी थेरे अज्जवइरसेणे उक्कोसियगुत्ते १४, थेरस्स णं अज्जवइरसेणस्स उक्कोसिअगुत्तस्स अंतेवासी चत्तारि थेराथेरे अज्जनाइले १ थेरे अज्जपोमिले २ थेरे अज्जजयंते ३ थेरे अज्जतावसे ४, १५, थेराओ अज्जनाइलाओ अज्जनाइला साहा निग्गया, थेराओ अज्जपोमिलाओ अज्जपोमिला साहा निग्गया, थेराओ अज्जजयंताओ अज्जजयंती साहा निग्गया थेराओ अज्जतावसाओ अज्जतावसी साहा निग्गया, ४ इति ॥६॥ वित्थर वायणाए पुण अज्जजसभद्दाओ पुरओ थेरावली एवं पलोइज्जइ, तंजहा-थेरस्स णं अज्जजसभद्दस्स तुंगियायणसगुत्तस्स इमे दो थेरा अंतेवासी अहावच्चा अभिण्णाया हुत्था, तं जहा थेरे अज्जभद्दबाहू पाइणस्स गुत्ते, थेरे अज्जसंभूअविजए माढरसगुत्ते थेरस्सणं अज्जभद्दबाहुस्स पाईणसगुत्तस्स इमे चत्तारि थेरा अंतेवासी अहावच्चा अभिण्णाया हुत्था, तंजहा-थेरे गोदासे १ थेरे अग्गिदत्ते २ थेरे जण्णदत्ते ३ थेरे सोमदत्ते ४ कासवगुत्तेणं, थेरेहिंतो गोदासेहिंतो कावसगुत्तेहिंतो इत्थ णं गोदासगणे नामं गणे निग्गए, तस्स णं इमाओ चत्तारि साहाओ एवमाहिज्जंति, तंजहा-तामलित्तिया १, कोडीवरिसिया २, पुंडुवद्धणिया ३, दासीखब्बडिया ४, थेरस्स णं अज्जसंभूयविजयस्स माढरसगुत्तस्स इमे दुवालसथेरा अंतेवासी अहावच्चा अभिण्णाया हुत्था तंजहानंदणभद्दु १ वनदंणभद्दे २ तह तीसभद्द ३ जसभद्दे ४ । थेरे य सुमणभद्दे ५, मणिभद्दे ६, पुण्णभद्दे ७ य ॥१॥ थेरे अ थूलभद्दे ८, उज्जुमई ९ जंबूनामधिज्जे १० य । थेरे अ दीहभद्दे ११, थेरे तह पंडुभद्दे १२ य ॥२॥ थेरस्स णं अज्जसंभूअविजयस्स माढरसगुत्तस्स इमाओ सत्त अंतेवासिणीओ अहावच्चाओ अभिण्णयाओ हुत्था, तंजहा-जक्खा १ य जक्खदिण्णा २, भूया ३ तह चेव भूयदिण्णा य ४ । सेणा ५ वेणा ६ रेणा ७, भइणीओ थूलभद्दस्स ॥१॥ थेरस्स णं अज्जथूलभद्दस्स गोयमसगुत्तस्स इमे दो थेरा अंतेवासी अहावच्चा अभिण्णाया हुत्था, तंजहा-थेरे अज्जमहागिरी एलावच्चसगुत्ते १, थेरे अज्जसुहत्थी वासिद्धसगुत्ते २, थेरस्स णं अज्जमहागिरिस्स एलावच्चसगुत्तस्स इमे अद्दु थेरा अंतेवासी अहावच्चा अभिण्णाया हुत्था, तंजहा-थेरे उत्तरे १, थेरे बलिस्सहे २, थेरे धणह्हे ३ थेरे सिरिह्हे ४, थेरे कोडिन्ने ५, थेरे नागे ६, थेरे नागमित्ते ७, थेरे छलूए रोहगुत्ते कोसियगुत्तेणं ८, थेरेहिंतो णं छलूएहिंतो रोहगुत्तेहिंतो कोसियगुत्तेहिंतो तत्थ णं तेरासिया निग्गया । थेरेहिंतो णं उत्तरबलिस्सहेहिंतो तत्थ णं उत्तरबलिस्सहे नामं गणे निग्गए, तस्स णं इमाओ चत्तारि साहाओ एवमाहिज्जंति, तंजहा-कोसंबिया १, सोइत्तिया २, कोडंबाणी ३, चंदनागरी ४, थेरस्स णं अज्जसुहत्थिस्स वासिद्धसगुत्तस्स इमे दुवालस थेरा अंतेवासी अहावच्चा अभिण्णाया हुत्था, तंजहा-थेरे अ अज्जरोहण १, जसभद्दे २ मेहगणी ३ य कामिद्धी ४ । सुट्ठिय ५ सुप्पडिबुद्धे ६, रक्खिय ७ तह रोहगुत्ते ८ अ ॥१॥ इसिगुत्ते ९ सिरिगुत्ते १०, गणी अ बंधे ११ गणी य तह सोमे १२ । दस दो य गणहरा खलु, एए सीसा सुहत्थिस्स ॥२॥ थेरेहिंतो णं अज्जरोहणेहिंतो णं कासवगुत्तेहिंतो णं तत्थ णं उद्देहगणे नामं गणे निग्गए, तस्सिमाओ चत्तारि साहाओ निग्गयाओ, छच्च कुलाइं एवमाहिज्जंति । से किं तं साहाओ ? साहाओ एवमाहिज्जंति, तंजहा-उदुंबरिज्जिया १, मासपूरिआ २, मइपत्तिया ३, पुण्णपत्तिया ४, से तं साहाओ, से किं तं कुलाइं ?, कुलाइं एवमाहिज्जंति, तंजहा पढमं च नागभूयं, बिइयं पुण सोमभूइयं, होइ । अह उल्लगच्छ तइअं ३, चउत्थयं हत्थलिज्जं तु ॥१॥ पंचमगं नदिज्जं ५, छट्ठं पुण पारिहासयं ६ होइ । उद्देहगणस्सेए, छच्च कुला हुंति नायव्वा ॥२॥ थेरेहिंतो णं सिरिगुत्तेहिंतो हारियसगुत्तेहिंतो इत्थ णं चारणगणे नामं गणे निग्गए, तस्स णं इमाओ चत्तारि साहाओ, सत्त य कुलाइं एवमाहिज्जंति, से किं तं साहाओ ?, साहाओ एवमाहिज्जंति, तंजहा-हारियमालागारी १, संकासीआ २, गवेधुया ३, वज्जनागरी ४, से तं साहाओ, से किं तं कुलाइं ? , कुलाइं एवमाहिज्जंति, तंजहा-पढमित्थ वत्थलिज्जं १, बीयं पुण पीइधम्मिअं २ होइ । तइअं पुण हालिज्जं ३, चउत्थयं पूसमित्तिज्जं ? ॥१ पंचमगं मालिज्जं ५, छट्ठं पुण अज्जवेडयं ६, होइ । सत्तमयं कण्हसहं ७, सत्त कुला चारणगणस्स ॥२॥ थेरे हिंतो भद्दजसेहिंतो भारदायसगुत्तेहिंतो इत्थ णं उडुवाडियगणे नामं गणे निग्गए, तस्स णं इमाओ चत्तारि साहाओ तिण्णि कुलाइं एवमाहिज्जंति, से किं तं साहाओ ?, साहाओ एवमाहिज्जंति, तंजहा-बं पिज्जिया १ भद्दिज्जिया



२ काकंदिया ३ मेहलिज्जिया ४, से तं साहाओ, से किं तं कुलाइं ?, कुलाइं एवमाहिज्जंति, तंजहा भद्दजसियं १ तहभद्दगुत्तियं २ तइयं च होइ जसभद्दं ३ । एयाइं उडुवाडियगणस्स तिण्णेव य कुलाइं ॥१॥ थेरेहिंतो णं कामिद्धीहिंतो कोडालसगुत्तेहिंतो इत्थं णं वेसवाडियगणे नामं गणे निग्गए, तस्स णं इमाओ चत्तारि साहाओ चत्तारि कुलाइं एवमाहिज्जंति । से किं तं साहाओ ?, साहाओ एवमाहिज्जंति तंजहा-सावत्थिया १, रज्जपालिआ २, अंतरिज्जिया ३, खेमलिज्जिया ४, से तं साहाओ, से किं तं कुलाइं ?, कुलाइं एवमाहिज्जंति, तंजहा-गणियं १ मेहिय २ कामिद्धिअं ३ च तह होइ इंदपुरगं ४ च । एयाइं वसेन्नाडियगणस्स चत्तारि उ कुलाइं ॥१॥ थेरेहिंतो णं इसिगुत्तेहिंतो काकंदएहिंतो वासिद्धसगुत्तेहिंतो इत्थं णं माणवगणे नामं गणे निग्गए, तस्स णं इमाओ चत्तारी साहाओ तिण्णि य कुलाइं एवमाहिज्जंति, से किं तं साहाओ ?, साहाओ एवमाहिज्जंति तंजहा-कासवज्जिया ? गोयमज्जिया २ वासिद्धिया ३ सोरद्धिया ४ । से तं साहाओ, से किं तं कुलाइं ?, कुलाइं एवमाहिज्जंति तंजहा-इसिगुत्ति इत्थं पढमं १, बीयं इसिदत्तिअं मुणेयव्वं २ । तइयं च अभिजयंतं ३, तिण्णि कुला माणवगणस्स ॥१॥ थेरेहिंतो सुद्धिय-सुप्पडिबुद्धेहिंतो कोडियकाकंदएहिंतो वग्घावच्चसगुत्तेहिंतो इत्थं णं कोडियगणे नामं गणे निग्गए, तस्स णं इमाओ चत्तारि साहाओ, चत्तारि कुलाइं एवमाहिज्जंति । से किं तं साहाओ ?, साहाओ एवमाहिज्जंति, तंजहा-उच्चानागरी १ विज्जाहरी य २ वइरी य ३ मज्झिमिल्ला ४ य । कोडियगणस्स एया, हवंति चत्तारि साहाओ ॥१॥ से तं साहाओ, से किं तं कुलाइं ?, कुलाइं एवमाहिज्जंति, तंजहा-पढमित्थं बंभलिज्जं १, बिइयं नामेण वत्थलिज्जं तु २ । तइयं पुण वाणिज्जं ३, चउत्थयं पणहवाहणयं ४ ॥१॥ थेराणं सुद्धियसुप्पडिबुद्धाणं कोडियकाकंदयाणं वग्घावच्चसगुत्ताणं इमे पंच थेरा अंतेवासी अहावच्चा अभिण्णाया हुत्था, तंजहा-थेरे अज्जइंददिन्ने १ थेरे पियगंथे २ थेरे विज्जाहरगोवाले कासवगुत्ते णं ३ थेरे इसिदिन्ने ४ थेरे अरिहदत्ते ५ । थेरेहिंतो णं पियगंथेहिंतो एत्थं णं मज्झिमा साहा निग्गया, थेरेहिंतो णं विज्जाहरगोवालेहिंतो कासवगुत्तेहिंतो एत्थं णं विज्जाहरि साहा निग्गया । थेरस्स णं अज्जइंददिन्नस्स कासवगुत्तस्स अज्जदिन्ने थेरे अंतेवासी गोयमसगुत्ते । थेरस्स णं अज्जदिन्नस्स गोयमसगुत्तस्स इमे दो थेरा अंतेवासी अहावच्चा अभिण्णाया हुत्था, तंजहा-थेरे अज्जसंतिसेणिए माढरसगुत्ते १, थेरे अज्जसीहगिरी जाइस्सरे कोसियगुत्ते २ । थेरेहिंतो णं अज्जसंतिसेणिएहिंतो माढरसगुत्तेहिंतो एत्थं णं उच्चानागरी साहा निग्गया । थेरस्स णं अज्जसंतिसेणियस्स माढरसगुत्तस्स इमे चत्तारि थेरा अंतेवासी अहावच्चा अभिण्णाया हुत्था, तंजहा-(ग्रं. १०००) थेरे अज्जसेणिए १ थेरे अज्जतावसे २ थेरे अज्जकुबेरे ३ थेरे अज्जइसिपालिए ४ । थेरेहिंतो णं अज्जसेणिएहिंतो एत्थं णं अज्जसेणिया साहा निग्गया, थेरेहिंतो णं अज्जतावसेहिंतो एत्थं णं अज्जतावसी साहा निग्गया, थेरेहिंतो णं अज्जकुबेरेहिंतो एत्थं णं अज्जकुबेरा साहा निग्गया, थेरेहिंतो णं अज्जइसिपालिएहिंतो एत्थं णं अज्जइसिपालिया साहा निग्गया । थेरस्स णं अज्जसीहगिरिस्स जाइस्सरस्स कोसियगुत्तस्स इमे चत्तारि थेरा अंतेवासी अहावच्चा अभिण्णाया हुत्था, तंजहा-थेरे धणगिरी १ थेरे अज्जवइरे २ थेरे अज्जसमिए ३ थेरे अरिहदिन्ने ४ । थेरेहिंतो णं अज्जसमिएहिंतो गोयमसगुत्तेहिंतो इत्थं णं बंभदीविया साहा निग्गया, थेरेहिंतो णं अज्जवइरेहिंतो गोयमसगुत्तेहिंतो इत्थं णं अज्जवइरी साहा निग्गया । थेरस्स णं अज्जवइरस्स गोयमसगुत्तस्स इमे तिण्णि थेरे अंतेवासी अहावच्चा अभिण्णया हुत्था, तंजहा-थेरे अज्जवइरसेणे १ थेरे अज्जपउमे २ थेरे अज्जरहे ३ । थेरेहिंतो णं अज्जवइरसेणेहिंतो इत्थं णं अग्गनाइली साहा निग्घाया, थेरेहिंतो णं अज्जपउमेहिंतो इत्थं णं अज्जपउमा साहा निग्गया, थेरेहिंतो णं अज्जरहेहिंतो इत्थं णं अज्जजयंतीसाहा निग्गया । थेरस्स णं अज्जरहस्स वच्छसगुत्तस्स अज्जपूसगिरी थेरे अंतेवासी कोसियगुत्ते १६ । थेरस्स णं अज्जपूसगिरीस्स कोसियगुत्तस्स अज्जफग्गुमित्ते थेरे अंतेवासी गोयमसगुत्ते १७ । थेरस्स णं अज्जफग्गुमित्तस्स गोयमसगुत्तस्स अज्जधणगिरी थेरे अंतेवासी वासिद्धसगुत्ते १८ । थेरस्स णं अज्जधणगिरिस्स वासिद्धसगुत्तस्स अज्जसिवभूईं थेरे अंतेवासी कुच्छसगुत्ते १९ । थेरस्स णं अज्जसिवभूइस्स कुच्छसगुत्तस्स अज्जभद्दे थेरे अंतेवासी कासवगुत्ते २० । थेरस्स णं अज्जभद्दस्स कासवगुत्तस्स अज्जनक्खत्ते थेरे अंतेवासी कासवगुत्ते २१ । थेरस्स णं अज्जनक्खत्तस्स कासवगुत्तस्स अज्जरक्खे थेरे अंतेवासी



कासवगुत्ते २२ । थेरस्स णं अज्जरक्खस्स कासवगुत्तस्स अज्जनागे थेरे अंतेवासी गोअमसगुत्ते २३ । थेरस्स णं अज्जनागस्स गोअमसगुत्तस्स अज्जजेहिल्ले थेरे अंतेवासी वासिद्धसगुत्ते २४ । थेरस्स णं अज्जजेहिल्लस्स वासिद्धगुत्तस्स अज्जविण्हू थेरे अंतेवासी माढरसगुत्ते २५ । थेरस्स णं अज्जविण्हुस्स माढरसगुत्तस्स अज्जकालए थेरे अंतेवासी गोयमसगुत्ते २६ । थेरस्स णं अज्जकालयस्स गोयमसगुत्तस्स इमे दो थेरा अंतेवासी गोयमसगुत्ता - थेरे अज्जसंपलिए १, थेरे अज्जभद्दे २, २७ । एएसि णं दुणहवि थेराणं गोयमसगुत्ताणं अज्जवुद्धे थेरे अंतेवासी गोयमसगुत्ते २८ । थेरस्स णं अज्जवुद्धस्स गोयमसगुत्तस्स अज्जसंघपालिए थेरे अंतेवासी गोयमसगुत्ते २९ । थेरस्स णं अज्जसंघपालिअस्स गोयमसगुत्तस्स अज्जहत्थी थेरे अंतेवासी कासवगुत्ते ३० । थेरस्स णं अज्जहत्थिस्स कासवगुत्तस्स अज्जधम्मे थेरे अंतेवासी सुवयगुत्ते ३१ । थेरस्स णं अज्जधम्मस्स सुवयगुत्तस अज्जसिंहे थेरे अंतेवासी कासवगुत्ते ३२ । थेरस्स णं अज्जसिंहस्स कासवगुत्तस्स अज्जधम्मे थेरे अंतेवासी कासवगुत्ते ३३ । थेरस्स णं अज्जधम्मस्स कासवगुत्तस्स अज्जसंडिल्ले थेरे अंतेवासी ३४ । वंदामि फग्गुमित्तं च गोयमं १७ । धणगिरिं च वासिद्धं १८ । कुच्छं सिवभूइंपिय १९, कोसिय दुज्जंतकण्हे अ (?) ॥१॥ तं वंदिऊण सिरसा, भइं वंदामि कासवसगुत्तं २० । नक्खं कासवगुत्तं २१, रक्खंपिय कासवं वंदे २२ ॥२॥ वंदामि अज्जनागं २३ च गोयमं जेहिलं च वासिद्धं २४ । विण्हुं माढरगुत्त २५, कालगमवि गोयमं वंदे २६ ॥३॥ गोयमगुत्तकुमारं, संपलियं तहय भइयं वंदे २७ । थेरं च अज्जवुद्धं, गोयमगुत्तं नमंसामि २८ ॥४॥ तं वंदिऊण सिरसा, थिरसत्तचरित्तनाणसंपन्नं । थेरं च संघवालिय, गोयमगुत्तं पणिवयामि २९ ॥५॥ वंदामि अज्जहत्थिं च कासवं खंतिसागरं धीरं । गिम्हाण पढममासे, कालगयं चैव सुद्धस्स ३० ॥६॥ वंदामि अज्जधम्मं च सुव्वयं सीललद्धिसंपन्नं । जस निक्खमणे देवो, छत्तं वरमुत्तमं वहइ ३१ ॥७॥ हत्थं कासवगुत्तं, धम्मं सिवसाहरां पणिवयामि । सीहं कासवगुत्तं ३२, धम्मंपिय कासवं वंदे ३३ ॥८॥ तं वंदिऊण सिरसा, थिरसत्तचरित्तनाणसंपन्नं । थेरं च अज्जजंबुं, गोयमगुत्तं नमंसामि (३४) ॥९॥ मिउमद्वसंपन्नं, उवउत्तं नाणदंसणचरित्ते । थेरं च नंदियंपिय, कासवगुत्तं पणिवयामि (३५) ॥१०॥ तत्तो य थिरच्चरित्तं, उत्तमसम्मत्तसत्तसंजुत्तं । देसिगणिखमासमणं, माढरगुत्तं नमंसामि (३६) ॥११॥ तत्तो अणुओगधरं धीर मइसागरं महासत्तं । थिरगुत्तखमासमणं, वच्छसगुत्तं पणिवयामि (३७) ॥१२॥ तत्तो य नाणदंसणचरित्ततवसुद्धियं गुणमहंतं । थेरं कुमारधम्मं, वंदामि गणिं गुणोवेयं (२८) ॥१३॥ सुत्तत्थरयणभरिए, खमदममद्वगुणेहिं संपन्ने । देविद्धिखमासमणे, कासवगुत्ते पणिवयामि (३९) ॥१४॥ इति स्थविरावली संपूर्णा, द्वितीयं वाच्यं च समाप्तम् ॥

तेणं कालेणं तेणं समएणं समणे भगवं महावीरे वासाणं सवीसइराए मासे विइक्कंते वासावासं पज्जोसवेइ ॥१॥ से केणट्ठेणं भंते । एवं वुच्चइ समणे भगवं महावीरे वासाणं सवीसराह मासे विइक्कंते वासावासं पज्जोसवेइ ? जओ णं पाएणं अगारीणं अगाराइं कडियाइं उक्कंपियाइं छन्नाइं लिताइं गुत्ताइं घट्टाइं मट्टाइं संपधूमियाइं खाओदगाइं खायनिद्धमणाइं अप्पणो अट्टाए कडाइं परिभुत्ताइं परिणामियाइं भवंति, से तेणट्ठेणं एवं वुच्चइ- 'समणे भगवं महावीरे वासाणं सवीसइराए मासे विइक्कंते वासावासं पज्जोसवेइ' ॥२॥ जहा णं समणे भगवं महावीरे वासाणं सवीसइराए मासे विइक्कंते वासावासं पज्जोसवेइ तथा णं गणहरावि वासाणं सवीसइराए मासे विइक्कंते वासावासं पज्जोसविति ॥३॥ जहा णं गणहरा वासाणं सवीसइराए जाव पज्जोसविति तथा णं गणहरसीसावि वासाणं जाव पज्जोसविति ॥४॥ जहा णं गणहरसीसा वासाणं जाव पज्जोसविति तथा णं थेरावि वासावासं पज्जोसविति ॥५॥ जहा णं थेरा वासाणं जाव पज्जोसविति तथा णं जे इमे अज्जत्ताए समणा निग्गंथा विहरंति तेऽविअणं वासाणं जाव पज्जोसविति ॥६॥ जहा णं जे इमे अज्जत्ताए समणा निग्गंथा वासाणं सवीसइराए मासे विइक्कंते वासावासं पज्जोसविति तथा णं अम्हंपि आयरिया उवज्झाया वासाणं जाव पज्जोसविति ॥७॥ जहा णं अम्हंपि आयरिया उवज्झाया वासाणं जाव पज्जोसविति तथा णं अमहेऽवि वासाणं सवीसइराए मासे विइक्कंते वासावासं पज्जोसवेमो, अंतराऽवि य से कप्पइ नो से कप्पइ तं रयणि उवाइणावित्तए ॥८॥ वासावासं पज्जोसवियाणं कप्पइ निग्गंथाण

वा निग्गंथीण वा सव्वओ समंता सक्कोसं जोयणं उग्गहं ओगिण्हित्ता णं चिड्डिउं अहालंदमवि उग्गहे ॥९॥ वासावासं पज्जोसवियाणं कप्पइ निग्गंथाण वा निग्गंथीण वा सव्वओ समंता सक्कोसं जोयणं भिक्खायरियाए गंतुं पडिनियत्तए ॥१०॥ जत्थ नई निच्चोयगानिच्चसंदणा, नो से कप्पइ सव्वओ समंता सक्कोसं जोयणं भिक्खायरियाए गंतुं पिडिनियत्तए ॥११॥ एरावई कुणालाए, जत्थ चक्किया सिया एणं पायं जले किच्चा एणं पायं थले किच्चा, एवं चक्किया एवं णं कप्पइ सव्वओ समंता सक्कोसं जोयणं गंतुं पडिनियत्तए ॥१२॥ एवं च नो चक्किया, एवं से नो कप्पइ सव्वओ समंता सक्कोसं जोयणं गंतुं पडिनियत्तए ॥१३॥ वासावासं पज्जोसवियाणं अत्थेगइयाणं एवं वुत्तपुव्वं भवइ- 'दावे भंते !' एवं से कप्पइ दावित्तए, नो से कप्पइ पडिगाहित्तए ॥१४॥ वासावासं पज्जो सवियाणं अत्थे गइयाणं एवं वुत्तपुव्वं भवइ- 'पडिगाहेहि भंते !' एवं से कप्पइ पडिगाहित्तए, नो से कप्पइ दावित्तए ॥१५॥ वासावासं पज्जोसवियाणं ० 'दाव भंते ! पडिगाहे भंते ?' एवं से कप्पइ दावित्तएवि पडिगाहित्तएवि ॥१६॥ वासावासं पज्जोसवियाणं नो कप्पइ निग्गंथाण वा निग्गंथीण वा हट्ठाणं तुट्ठाणं आरोगाणं बलियसरीराणं इमाओ नव रसविगईओ अभिक्खणं २ आहारित्तिए, तजहाखीरं १ दहिं २ नवणीयं ३ सप्पिं ४ तिल्लं ५ गुडं ६ महुं ७ मज्जं ८ मंसं ९ ॥१७॥ वासावासं पज्जोसवियाणं अत्थेगइयाणं एवं वुत्तपुव्वं भवइ- अट्ठो भंते ! गिलाणस्स, से य वइज्जा-अट्ठो, से य पुच्छियव्वे-केवइएणं अट्ठो ? से वएज्जा-एवइएणं अट्ठो गिलाणस्स, जं से पमाणं वयइ से य पमाणओ धित्तव्वे, से य विन्नविज्जा, से य विन्नवेमाणे लभिज्जा, से य पमाणपत्ते होउ अलाहि, इय वत्तव्वं सिया, से किमाहु भंते ? एवइएणं अट्ठो गिलाणस्स, सिया णं एवं वयंतं परो वइज्जा- 'पडिगाहेह ? अज्जो ! पच्छा तुमं भोक्खसि वा पाहिसि वा' एवं से कप्पइ पडिगाहित्तए, नो से कप्पइ गिलाणनीसाए पडिगाहित्तए ॥१८॥ वासावासं पज्जोसवियाणं अत्थि णं थेराणं तहप्पगाराइं कुलाइं कडाइं पत्तिआइं थिज्जाइं वेसासियाइं संमयाइं बहुमथाइं अणुमयाइं भवंति, तत्थ सौ नो कप्पइ अदक्खु वइत्तए- 'अत्थि ते आउसो ! इमं वा २ ?' से किमाहु भंते ? सट्ठी गिही गिण्हइ वा, तेणियंपि कुज्जा ॥१९॥ वासावासं पज्जोसवियस्स निच्चभत्तियस्स भिक्खुस्स कप्पइ एणं गोअरकालं गाहावइकुलं भत्ताए वा पाणाए वा निक्खमित्तए वा पविसित्तए वा, नन्नत्थाऽऽयस्सिक्खव्यावच्चेण वा एवं उवज्झायवेयावच्चेण वा तवस्सिवेयावच्चेण वा गिलाणवेयावच्चेण वा खुइएण वा खुड्डियाए वा अवंजणजायएण वा ॥२०॥ वासावासं पज्जोसवियस्स चउत्थभत्तियस्स भिक्खुस्स अयं एवइए विसेसे - जं से पाओ निक्खम्म पुव्वामेव वियडगं भुच्चा पिच्चा पडिग्गहणं सल्लिहिय संपमज्जिय से य संथरिज्जा कप्पइ से तद्विसं तेणेव भत्तट्ठेणं पज्जोसवित्तए, से य नो संथरिज्जा एवं से कप्पइ दुच्चंपि गाहावइकुलं भत्ताए वा पाणाए वा निक्खमित्तए वा पविसित्तए वा ॥२१॥ वासावासं पज्जोसवियस्स छट्ठभत्तियस्स भिक्खुस्स कप्पंति दो गोअरकाला गाहावइकुलं भत्ताए वा पाणाए वा निक्खमित्तए वा पविसित्तए वा ॥२२॥ वासावासं पज्जोसवियस्स अट्ठमभत्तियस्स भिक्खुस्स कप्पंति तओ गोअरकाला गाहावइकुलं भत्ताए वा पाणाए वा निक्खमित्तए वा पविसित्तए वा ॥२३॥ वासावासं पज्जोसवियस्स विगिड्ढभत्तिअस्स भिक्खुस्स कप्पंति सव्वेऽवि गोअरकाला गाहावइकुलं भत्ताए वा पाणाए वा निक्खमित्तए वा पविसित्तए वा ॥२४॥ वासावासं पज्जोसवियस्स निच्चभत्तियस्स भिक्खुस्स कप्पंति सव्वाइं पाणगाइं पडिगाहित्तए । वासावासं पज्जोसवियस्स चउत्थभत्तिअस्स भिक्खुस्स कप्पंति तओ पाणगाइं पडिगाहित्तए, तंजहा-ओसेइमं संसेइमं चाउलोदगं । वासावासं पज्जोसवियस्स छट्ठभत्तियस्स भिक्खुस्स कप्पंति तओ पाणगाइं पडिगाहित्तए, तंजहा-तिलोदगं वा तुसोदगं वा जवोदगं वा । वासावासं पज्जोसवियस्स अट्ठमभत्तियस्स भिक्खुस्स कप्पंति तओ पाणगाइं पडिगाहित्तए, तंजहा-आयामे वा सोवीरे वा सुद्धवियडे वा । वासावासं पज्जोसवियस्स विगिड्ढभत्तियस्स भिक्खुस्स कप्पइ एगे उसिणवियडे पडिगाहित्तए, सेऽवियणं असित्थे, नोऽविय णं ससित्थे । वासावासं पज्जोसवियस्स भत्तपडियाइक्खियस्स भिक्खुस्स कप्पइ एगे उसिणवियडे पडिगाहित्तए, सेऽविय णं असित्थे, नो चेव णं ससित्थे, सेऽविय णं परिपूए, नो चेव णं अपरिपूरए, सेऽविय णं परिमिए, नो चेव णं अपरिमिए, सेऽविअ णं बहुसंपन्ने, नो चेव णं अबहुसंपन्ने ॥२५॥ वासावासं पज्जोसविअस्स संखादत्तियस्स भिक्खुस्स कप्पंति पंच दत्तीओ भोअणस्स पडिगाहित्तए पंच पाणगस्स, अहवा चत्तारि भोअणस्स पंच पाणगस्स, अहवा पंच भोअणस्स चत्तारि पाणगस्स, तत्थ णं एगा दत्ती लोणासायणमित्तमवि

पडिगाहिआ सिया कप्पइ से तद्विसं तेणेव भत्तट्टेणं पज्जोसवित्तए, नो से कप्पइ दुच्चंपि गाहावइकुलं भत्ताए वा पाणाए वा निक्खमित्तए वा पविसित्तए वा ॥२६॥ वासावासं पज्जोसवियाणं नो कप्पइ निग्गंथाण वा निग्गंथीणं वा जाव उवस्सयाओ सत्तघरंतरं संखडिं संनियट्टचारिस्स इत्तए, एगे एवमाहुं-नो कप्पइ जाव उवस्सयाओ परेण सत्तघरंतरं संखडिं संनियट्टचारिस्स इत्तए, एगे पुण एवमाहुंसु-नो कप्पइ जाव उवस्सयाओ परंपरेणं संखडिं संनियट्टचारिस्स इत्तए ॥२७॥ वासावासं पज्जोसवियस्स नो कप्पइ पाणिपडिग्गहियस्स भिक्खुस्स कणगफुसियमित्तमवि बुट्टिकायंसि निवयमाणंसि जाव गाहावइकुलं भत्ताए वा पाणाए वा निक्खमित्तए वा पविसित्तए वा ॥२८॥ वासावासं पज्जोसवियस्स पाणिपडिग्गहियस्स भिक्खुस्स नो कप्पइ अगिहंसि पिंडवायं पडिगाहित्ता पज्जोसवित्तए, पज्जोसवेमाणस्स सहसा बुट्टिकाए निवइज्जा देसं भुच्चा देसमादाय से पाणिणा पाणि परिपिहित्ता उरंसि वाणं निलिज्जज्जा, कक्खंसि वा णं समाहडिज्जा, अहाछन्नाणि वा लेणावि वा उवागच्छिज्जा, रुक्खमूलाणि वा उवागच्छिज्जा जहा से पाणिंसि दए वा दगरए वा दगफुसिआ वा नो परिआवज्जइ ॥२९॥ वासावासं पज्जोसवियस्स पाणिपडिग्गहियस्स भिक्खुस्स जं किंचि कणगफुसियमित्तंपि निवडति, नो से कप्पइ गाहावइकुलं भत्ताए वा पाणाए वा निक्खमित्तए वा पविसित्तए वा ॥३०॥ वासावासं पज्जोसवियस्स पडिग्गहधारिस्स भिक्खुस्स नो कप्पइ वग्घारियवुट्टिकायंसि गाहावइकुलं भत्ताए वा पाणाए वा निक्खमित्तए वा पविसित्तए वा, कप्पइइ अप्पवुट्टिकायंसि संतरुत्तरंसि गाहावइकुलं भत्ताए वा पाणाए वा निक्खमित्तए वा पविसित्तए वा ॥३१॥ (ग्रं. ११००) वासावासं पज्जोसविअस्स निग्गंथस्स निग्गंथीए वा गाहावइकुलं पिंडवायपडियाए अणुपविट्टस्स निगिज्झिय २ बुट्टिकाए निवइज्जा, कप्पइ से अहे आरामंसि वा अहे उवस्सयंसि वा अहे वियडिगिहंसि वा अहे रुक्खमूलंसि वा उवागच्छित्तए ॥३२॥ तत्थ से पुव्वागमणेणं पुव्वाउत्ते चाउलोदणे पच्छाउत्ते भिलिगंसूवे, कप्पइ से चाउलोदणे पडिगाहित्तए, नो से कप्पइ भिलिगंसूवे पडिगाहित्तए ॥३३॥ तत्थ से पुव्वागमणेणं पुव्वाउत्ते भिलिगंसूवे पच्छाउत्ते चाउलोदणे, कप्पइ से भिलिगंसूवे पडिगाहित्तए, नो से कप्पइ चाउलोदणे पडिगाहित्तए ॥३४॥ तत्थ से पुव्वागमणेणं दोऽवि पुव्वाउत्ताइं कप्पंति से दोऽवि पडिगाहित्तए, तत्थ से पुव्वागमणेणं दोऽवि; पच्छाउत्ताइं, एवं नो से कप्पंति दोऽवि पडिगाहित्तए, जे से तत्थ पुव्वागमणेणं पुव्वाउत्ते से कप्पइ पडिगाहित्तए, जे से तत्थ पुव्वागमणेणं पच्छाउत्ते नो से कप्पइ पडिगाहित्तए ॥३५॥ वासावासं पज्जोसवियस्स निग्गंथस्स निग्गंथीए वा गाहावइकुलं पिंडवायपडियाए अणुपविट्टस्स निगिज्झिय २ बुट्टिकाए निवइज्जा, कप्पइ से अहे आरामंसि वा अहे उवस्सयंसि वा अहे वियडिगिहंसि वा अहे रुक्खमूलंसि वा उवागच्छित्तए, नो से कप्पइ पुव्वगहिणं भत्तपाणेणं वेलं उवायणावित्तए, कप्पइ से पुव्वामेव वियडंगं भुच्चा (पिच्चा) पडिग्गहं संलिहिय २ संपमज्जिय २ एगायं भंडगं कट्टु सावसेसे सूरे जेणेव उवस्सए तेणेव उवागच्छित्तए, नो से कप्पइ तं रयणिं तत्थेव उवायणावित्तए ॥३६॥ वासावासं पज्जो सवियस्स निग्गंथस्स निग्गंथीए वा गाहावइकुलं पिंडवायपडियाए अणुपविट्टस्स निगिज्झिय २ बुट्टिकाए निवइज्जा, कप्पइ से अहे आरामंसि वा अहे उवस्सयंसि वा अहे वियडिगिहंसि वा अहे रुक्खमूलंसि वा उवागच्छित्तए ॥३७॥ तत्थ नो कप्पइ एगस्स निग्गंथस्स एगाए यं निग्गंथीए एगयओ चिट्ठित्तए १, तत्थ नो कप्पइ एगस्स निग्गंथस्स दुण्हं निग्गंथीणं एगयओ चिट्ठित्तए २, तत्थ नो कप्पइ दुण्हं निग्गंथाणं एगाए यं निग्गंथीए एगयओ चिट्ठित्तए ३, तत्थ नो कप्पइ दुण्हं निग्गंथाणं दुण्हं निग्गंथीणं यं एगयओ चिट्ठित्तए ४, अत्थि यं इत्थ केइ पंचमे खुड्डए वा खुड्डियाइ वा अन्नेसिं वा संलोए सपडिदुवारे एव ण्हं कप्पइ एगयओ चिट्ठित्तए ॥३८॥ वासावासं पज्जोसवियस्स निग्गंथस्स गाहावइकुलं पिंडवायपडियाए अणुपविट्टस्स निगिज्झिय २ बुट्टिकाए निवइज्जा, कप्पइ से अहे आरामंसि वा अहे उवस्सयंसि वा अहे वियडिगिहंसि वा अहे रुक्खमूलंसि वा उवागच्छित्तए, तत्थ नो कप्पइ एगस्स निग्गंथस्स एगाए यं अगारीए एगयओ चिट्ठित्तए, एवं चउभंगी, अत्थि णं इत्थ केइ पंचमए थेरे वा थेरियाइ वा अन्नेसिं वा संलोए सपडिदुवारे, एवं कप्पइ एगयओ चिट्ठित्तए । एवं चेव निग्गंथीए अगारस्स यं भाणियव्वं ॥३९॥ वासावासं पज्जोसवियाणं नो कप्पइ निग्गंथाण वा निग्गंथीण वा अपरिण्णएणं अपरिण्णयस्स अट्टाए असणं वा १ पाणं वा २ खाइमं

वा ३ साइमं वा ४ जाव पडिगाहित्तए ॥४०॥ से किमाहु भंते ? इच्छा परो अपरिण्णए भुंजिज्जा, इच्छा परो न भुंजिज्जा ॥४१॥ वासावासं पज्जोसवियाणं नो कप्पइ निग्गंथाण वा निग्गंथीण वा उदउल्लेण वा ससिणिद्धेण वा काएणं असणं वा १ पाणं वा २ खाइमं वा ३ साइमं वा ४ आहारित्तए ॥४२॥ से किमाहु भंते ? सत्त सिणेहाययणा पण्णत्ता, तंजहा-पाणी १ पाणिलेहा २ नहा ३ नहसिहा ४ भमुहा ५ अहरोद्धा ६ उत्तरोद्धा ७ । अह पुण एवं जाणिज्जा-विगओदगे मे काए छिन्नसिणेहे, एवं से कप्पइ असणं वा पाणं वा २ खाइमं वा ३ साइमं वा ४ आहारित्तए ॥४३॥ वासावासं पज्जोसवियाणं इह खलु निग्गंथाण वा निग्गंथीण वा इमाइं अट्ट सुहुमाइं जाइं छउमत्थेणं निग्गंथेण वा निग्गंथीए वा अभिक्खणं २ जाणियव्वाइं पासिअव्वाइं पडिलेहियव्वाइं भवन्ति, तंजहा-पाणसुहुमं १ पणगसुहुमं २ बीअसुहुमं ३ हरियसुहुमं ४ पुप्फसुहुमं ५ अंडसुहुमं ६ लेणसुहुमं ७ सिणेहसुहुमं ८ ॥४॥ से किं तं पाणसुहुमे ? पाणसुहुमे पंचविहे पन्नते, तंजहा-किण्हे १, नीले २, लोहिए ३, हालिदे ४, सुक्किल्ले ५ । अत्थि कुंथु अणुद्धरी नामं, जा ठिया अचलमाणा छउमत्थाणं निग्गंथाण वा निग्गंथीण वा नो चक्खुफासं हव्वमागच्छइ, जा अट्टिया चलमाणा छउमत्थाणं निग्गंथाण वा निग्गंथीण वा चक्खुफासं हव्वमागच्छइ, जा छउमत्थेणं निग्गंथेण वा निग्गंथीए वा अभिक्खणं २ जाणियव्वा पासियव्वा पडिलेहियव्वा हवइ, से तं पाणसुहुमे १ ॥ से किं तं पणगसुहुमे ? पणगसुहुमे पंचविहे पणत्ते, तंजहा-किण्हे, नीले, लोहिए, हालिदे, सुक्किल्ले । अत्थि पणगसुहुमे तहव्वसमाणवण्णे नामं पणत्ते, जे छउमत्थेणं निग्गंथेण वा निग्गंथीए वा जाणियव्वा पासियव्वा पडिलेहिअव्वे भवइ । से तं पणगसुहुमे २ ॥ से किं तं बीअसुहुमे ? बीअसुहुमे पंचविहे पणत्ते, तंजहा-किण्हे, नीले, लोहिए, हालिदे सुक्किल्ले । अत्थि बीअसुहुमे कण्णियासमाणवण्णए नामं पन्नते, जे छउमत्थेणं निग्गंथेण वा निग्गंथीए वा जाणीयव्वा पासियव्वा पडिलेहियव्वा भवइ । से तं बीअसुहुमे ३ ॥ से किं तं हरियसुहुमे ? हरियसुहुमे पंचविहे पणत्ते, तंजहा-किण्हे नीले लोहिए हालिदे सुक्किल्ले । अत्थि हरिअसुहुमे पुढवीसमाणवण्णए नामं पणत्ते, जे निग्गंथेण वा निग्गंथीए वा अभिक्खणं २ जाणियव्वा पासियव्वा पडिलेहियव्वा भवइ । से तं हरियसुहुमे ४ ॥ से किं तं पुप्फसुहुमे ? पुप्फसुहुमे पंचविहे पणत्ते, तंजहा-किण्हे नीले लोहिए हालिदे सुक्किल्ले । अत्थि पुप्फसुहुमे रुक्खसमाणवण्णे नामं पणत्ते, जे छउमत्थेणं निग्गंथेण वा निग्गंथीए वा जाणियव्वा पासियव्वा पडिलेहियव्वा भवइ । से तं पुप्फसुहुमे ५ ॥ से किं तं अंडसुहुमे ? अंडसुहुमे पंचविहे पणत्ते, तंजहा-उदंसंडे, उक्कलियंडे, पिपीलियंडे, हलियंडे, हल्लोहलियंडे, जे निग्गंथेण वा निग्गंथीए वा जाणियव्वा पासियव्वा पडिलेहियव्वा भवइ । से तं अंडसुहुमे ६ ॥ से किं तं लेणसुहुमे ? लेणसुहुमे पंचविहे पणत्ते, तंजहा-उत्तिंगलेणे भिंगुलेणे उज्जुए तालमूलए संबुक्कावट्टे नामं पंचमे जे छउमत्थेण निग्गंथेण वा निग्गंथीए वा जाणियव्वा पासियव्वा पडिलेहियव्वा भवइ । से तं लेणसुहुमे ७ ॥ से किं तं सिणेहसुहुमे ? सिणेहसुहुमे पंचविहे पणत्ते, तंजहा-उस्सा हिमए महिया करए हरतणुए । जे छउमत्थेणं निग्गंथेण वा निग्गंथीए वा अभिक्खणं २ जाणियव्वा पासियव्वा पडिलेहियव्वा भवइ । से तं सिणेहसुहुमे ८ ॥४५॥ वासावासं पज्जोसविए भिक्खु इच्छिज्जा गाहावइकुलं भत्ताए वा पाणाए वा निक्खमित्तए वा पविसित्तए वा, नो से कप्पइ अणापुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेअयं जं वा पुरओ काउं विहरइ, कप्पइ से आपुच्छित्तं आयरियं वा उवज्झायं वा थेरं पवित्तिं गणिं गणहरं गणावच्छेअयं जं वा पुरओ काउं विहरइ- 'इच्छामि णं भंते ! तुभ्भेहिं अब्भणुण्णाए समाणे गाहावइकुलं भत्ताए वा पाणाए वा निक्खमित्तए वा पविसित्तए वा,' ते य से वियरिज्जा एवं से काप्पइ गाहावइकुलं भत्ताए वा पाणाए निक्खमित्तए वा पविसित्तए वा, ते य से नो वियरिज्जा एवं से नो कप्पइ गाहावइकुलं भत्ताए वा पाणाए वा निक्खमित्तए वा पविसित्तए वा । से किमाहु भंते ? आयरिया पच्चवायं जाणन्ति ॥४६॥ एवं विहारभूमिं वा वियारभूमिं वा अन्नं वा जंकिचि पओअणं, एवंगामाणुगामं दूइज्जित्तए ॥४७॥ वासावासं पज्जोसविए भिक्खु इच्छिज्जा अण्णयरि विगइं आहारित्तए, नो से कप्पइ से अणापुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेअयं वा जं वा पुरओ कट्टु विहरइ कप्पइ से आपुच्छित्ता आयरियं वा उवज्झायं वा थेरं पवित्तिं गणिं गणहरं अणावच्छेअयं वा जं वा पुरओ काउं विहरइ आहारित्तए - 'इच्छामि णं भंते ! तुभ्भेहिं अब्भणुण्णाए समाणे अन्नयरिं विगइं आहारित्तए, तं एवइयं वा एवइखुत्तो वा, ते य से वियरिज्जा एवं से कप्पइ अण्णयरिं विगइं



## પુરિષાદાણીય પાર્શ્વનાથ ભગવાનના ઉપસર્ગો :

કમઠ નામનો તાપસ ચારે દિશામાં અગ્નિ પ્રગટાવી વચ્ચે પોતે ભરતડકામાં બેસી પંચાગ્નિતપ કરી રહ્યો છે. પ્રભુ પાર્શ્વનાથે જણાવ્યું કે, ‘અજ્ઞાને કરીને તમે કષ્ટ કરી રહ્યા છો.’ ત્યારે તાપસ રાજકુમાર પર ગુસ્સે થયો અને કહ્યું, ‘તમને રાજકાજ સિવાય ખીજું શું આવડે’ ? ત્યારે પાર્શ્વ રાજકુમારે એક બળતા લાકડાને સેવક પાસે ચીરાવ્યો તો તેમાંથી અર્ધદંઘ સાપ નીકળ્યો, જેને સેવકના મુખે નવકાર મંત્રનું સ્મરણ કરાવતા તે સમાધિથી મૃત્યુ પામીને ધરણેન્દ્ર દેવતા થાય છે.

તે કમઠ મરીને મેઘમાલી વ્યંતર થાય છે અને પાર્શ્વ પ્રભુને ધ્યાનસ્થ જોતાં પૂર્વના વૈરનું સ્મરણ કરીને ત્રણ અહોરાત્ર સુધી વરસાદ વરસાવે છે. તેનું પાણી બહાર ક્યાંય ન ફેલાતાં એકજ સ્થળે ભરાવા લાગે છે અને ધીરે ધીરે પાણી વધતા વધતા પાર્શ્વ પ્રભુના નાક સુધી આવે છે. અને શ્વાસ લેવામાં પણ તકલીફ થઈ ત્યારે ધરણેન્દ્ર દેવતાનું આસન કંપાયમાન થવાથી તે પ્રભુનો ઉપસર્ગ જાણી, કમળને વિકસાવી તેમના ઉપર ક્ષણદ્વારા છત્ર ધારણ કરે છે. તે સ્થળે અહિચ્છત્રા નામની નગરી બને છે.

## પુરિષાદાનીય પાર્શ્વનાથ ભગવાન કે ઉપસર્ગ :

કમઠ નામકા તાપસ ચારોં દિશાઓં મેં આગ જલાકર બીચમેં સુદ ધૂપ મેં બેઠકર પંચાગ્નિતપ કર રહા હેં । પ્રભુ પાર્શ્વનાથ ને ઉસે કહા, ‘આપ અજ્ઞાનગ્રસ્ત હોકર કષ્ટ ઉઠા રહે હેં ।’ તબ તાપસ ને રાજકુમાર કો ક્રોધિત હોકર બોલા, ‘રાજકાર્ય કે અલાવા આપકો ઔર કયા માલૂમ ?’ ઉસ વક્ત પાર્શ્વ રાજકુમાર ને એક જલતી લકડી સેવક કે દ્વારા કટવાઈ તો ઉસમેં સે એક આધા જલા હુઆ સાૉપ નિકલા, જિસે નવકાર મંત્ર સ્મરણ કરાતે હી ઉસકી સમાધિ મૃત્યુ હુઈ ઔર વહ ધરણેન્દ્ર દેવ બના ।

કમઠ મૃત્યુ કે ઉપરાન્ત મેઘમાલી વ્યંતર બનકર જન્મ પાતા હૈ ઔર જબ પાર્શ્વનાથ પ્રભુ કો ધ્યાનસ્થ દેખતા હૈ તો ઉસે પૂર્વભવકા વૈર યાદ આતા હૈ ઔર ત્રીન અહોરાત્ર તક વર્ષા કરતા હૈ । બરસાત કા પાની અન્યત્ર ન જાકર વહીં જમા હોતા હૈ ઔર ધીરે-ધીરે બઢતે-બઢતે પ્રભુ કે નાક તક પહુંચતા હૈ તબ પ્રભુકો સાંસ લેને મેં કઠિનાઈ હોતી હૈ । ઇસસે ધરણેન્દ્ર દેવતા કા આસન ઘોલાયમાન હો ઉઠતા હૈ । પ્રભુકા ઉપસર્ગ જાનકર કમલ કો વિકસિત કરતા હૈ ઔર ઉનપર અપની ફેન દ્વારા છત્ર ધારણ કરતા હૈ । ઉસી સ્થલ અહિચ્છત્રા નામક નગરી નિર્માણ હોતી હૈ ।

## Obstacles faced by Lord Pārśvanātha :

An ascetic named Kamāṭha practises the Five-fire penance sitting in sunshine with fires around in four directions. Lord Pārśvanātha rebukes him, ‘You are ignorantly practising paingiving penance’. To this Kamāṭha scolds the prince, ‘What else can you know but the royal affairs ?’ Lord Pārśvanātha orders a servant to tear off one burning wood-piece and from it a half-burnt serpent rushes out. The Lord asks the servant to chant the Navakāra Mantra mentally. The serpent dies and is born as a god named Dharaṇendra.

Kamāṭha, the ascetic dies and is reborn as Meghamāli, an evil spirit. When he sees Lord Pārśvanātha is engrossed in meditation, remembers his previous life and enmity and showers a heavy rain incessantly for three full days. The showered rain-water gets gathered at one place only and increasingly reaches the Lord’s nose. Lord Pārśvanātha feels difficulty in breathing. At this moment god Dharaṇendra’s seat gets shaken, he realises the obstacle to the Lord, unfolds a lotus and bears his hood as an umbrella. There the city called Ahicchatra comes to existence.





## શ્રી ઋષભદેવ અને મરિચિ

આ અવસર્પિણી કાળના પ્રથમ તીર્થંકર શ્રી ઋષભદેવ ભગવાનને ચક્રવર્તી ભરત પ્રશ્ન કરે છે, 'આ સમવસરણમાં તીર્થંકરનો બીજો કોઈ આત્મા છે ખરો?' પ્રભુ જવાબ આપે છે, 'આ સમવસરણમાં તો નથી, પણ તારો પુત્ર મરીચિ શ્રી મહાવીર નામે અંતિમ તીર્થંકર થશે.' એટલે ભરત મહારાજ ત્રિદંડી મરીચિ પાસે આવીને કહે છે, 'તમે અંતિમ તીર્થંકર થવાના છો, માટે તમને વંદન કરું છું.' ભરત મહારાજના ગયા પછી મરીચિ કુળનું અભિમાન કરીને નાચે છે અને તે સાથે નીચગોત્ર નામનું કર્મ બાંધી લે છે.

## શ્રી ઋષભદેવ और मरिचि

इस अवसर्पिणी के प्रथम तीर्थंकर श्री ऋषभदेव भगवान को चक्रवर्ती भरत पूछता है, 'इस समवसरण में तीर्थंकर की कोई दूसरी आत्मा है?' प्रभु उत्तर देते हैं, 'इस समवसरण में तो नहीं है, परंतु तेरा पुत्र मरीचि श्री महावीर नाम से अंतिम तीर्थंकर बनेगा'। इस पर महाराज भरत त्रिदंडी मरीचि के पास आकर कहते हैं, 'आप अंतिम तीर्थंकर होनेवाले हैं, अतः आपको वंदन करता हूँ'। महाराज भरत के जाने के उपरान्त मरीचि कुलाभिमान कर नाच उठते हैं और नीचगोत्र नामक कर्म के बन्ध में आते हैं।

## Lord Ṛṣabhadeva and Marīcī

Lord Ṛṣabhadeva, the first Tīrthankara of this descending era is asked by emperor Bharata, 'Is there any Tīrthaṅkara's soul in this assembly?' 'The Lord replies, 'Not in this assembly, but your son Marīcī will be born as the last Tīrthaṅkara named Lord Mahāvīra.' Emperor Bharata approaches Saṁnyāsī Marīcī and bows down to him saying, 'I bow down to you, as you are going to be the last Tīrthaṅkara.' On emperor Bharata's depart, Marīcī dances with the pride of his noble family and that results into the bondage called **Low Caste**.

ત્રિપૃષ્ઠ વાસુદેવના ભવમાં ભગવાન મહાવીરનો આત્મા સિંહને પોતાના હાથ વડે બંને જડબા પકડીને ચીરી નાખે છે. સિંહ તરફડી રહ્યો છે - મોત આવતું નથી, ત્યારે સારથિ બોધ આપે છે, 'તું સામાન્ય માનવીના હાથે મર્યો નથી, પણ ત્રિપૃષ્ઠ વાસુદેવના હાથે મર્યો છે.' સિંહને સાંત્વન મળે છે અને મરણ શરણ થાય છે, તે સારથિ જ પછીના ભવમાં ગૌતમ સ્વામી અને તે સિંહ પછીના ભવમાં હાલિક ખેડૂત તરીકે જન્મે છે. હાલિક ગૌતમસ્વામીના પ્રતિબોધથી દીક્ષા તો લે છે, પણ ભગવાન મહાવીરને જોતાં પૂર્વભવના વૈરનું સ્મરણ થતાં ત્યાંથી નાસી જાય છે.

ત્રિપૃષ્ઠ વાસુદેવ કે ભવ મેં ભગવાન મહાવીર કી આત્મા અપને હાથોં સે સિંહ કો જબડે સે ફાડ ઢાલતી હૈ। સિંહ પરેશાન હૈં - મૌત આતી નહીં, તબ સારથિ સમજાતા હૈં, 'તૂ સામાન્ય નર કે હાથોં સે નહીં મરા, કિન્તુ ત્રિપૃષ્ઠ વાસુદેવ કે હાથોં સે મરા હૈ।' સિંહ કો રાહત મિલતી હૈં ઓર વહ મરણ શરણ હોતા હૈં। વહી સારથિ અનંતર ભવ મેં ગૌતમ સ્વામી ઓર વહ સિંહ દૂસરે ભવ મેં હાલિક નામક કિસાન બનકર જન્મ લેતે હૈં। હાલિક ગૌતમ સ્વામી સે વીક્ષા તો ગ્રહણ કરતા હૈં, પર ભગવાન મહાવીર કો દેખ ઉસે પૂર્વવૈર કી યાદ આતી હૈં ઓર વહોં સે ભાગ જાતા હૈં।

Lord Mahāvīra in his birth of Triprṣṭha Vāsudeva tears off a lion from jaws by hands. The lion rolls impatiently, but the death is belated. The charioteer explains, 'O lion, you are not killed by the hands of an ordinary man, but by the hands of Triprṣṭha Vāsudeva.' The lion dies. The charioteer is born as Gautama Svāmī in his next birth and the lion as a farmer named Hālīka, who is preached by Gauthama Svāmī, but on seeing Lord Mahāvīra, he recollects his enmity and runs away from there.

आहारित्तए, ते य से नो विवरिज्जा एवं से नो कप्पइ अण्णयरिं विगइं आहारित्तए से किमाहु भंते ? आयरिया पच्चवायं जाणंति ॥४८॥ वासावासं पज्जोसविण्ण भिक्खू इच्छिज्जा अण्णयरिं तेइच्छियं आउट्टित्तए, नो से कप्पइ से अणापुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ, - कप्पइ से आपुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ, इच्छामि णं भंते ! तुब्भेहिं अब्भणुण्णाए समाणे अण्णयरिं तेइच्छियं आउट्टित्तए, ते य से नो विवरिज्जा एवं से नो कप्पइ अण्णयरिं तेइच्छियं आउट्टित्तए । से किमाहु भंते ? आयरिया पच्चवायं जाणंति ॥४९॥ वासावासं पज्जोसविण्ण भिक्खू इच्छिज्जा अण्णयरं ओरालं कल्लाणं सिबं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्तए, नो से कप्पइ अणापुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ, कप्पइ से आपुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ - 'इच्छामि णं भंते ! तुब्भेहिं अब्भणुण्णाए समाणे अण्णयरं ओरालं कल्लाणं सिबं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्तए,' तं एवइयं वा एवइखुत्तो वा, ते य से विवरिज्जा एवं से कप्पइ अण्णयरं ओरालं कल्लाणं सिबं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्तए, ते य से नो विवरिज्जा एवं से नो कप्पइ अण्णयरं ओरालं कल्लाणं सिबं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्तए, ते य से नो विवरिज्जा एवं से नो कप्पइ अण्णयरं ओरालं कल्लाणं सिबं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्तए । से किमाहु भंते ? आयरिया पच्चवायं जाणंति ॥५०॥ वासावासं पज्जोसविण्ण भिक्खू इच्छिज्जा अपच्छिममारणं तियसंलेहणाजूसणाजूसिए भत्तपाणपडियाइक्खिए पाओवगए कालं अणवकंखमाणे विहरित्तए वा निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए वा, उच्चारं वा पासवणं वा परिट्ठावित्तए, सज्झायं वा करित्तए, धम्मजागरियं वा जागरित्तए, नो से कप्पइ अणापुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ, कप्पइ से आपुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा पुरओ काउं विहरइ, - 'इच्छामि णं भंते । तुब्भेहिं अब्भणुण्णाए समाणे अपच्छिममारणंतियसंलेहणाजूसणाजूसिए भत्तपाणपडियाइक्खिए पाओवगए कालं अणवकंखमाणे विहरित्तए वा निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए वा, उच्चारं वा पासवणं वा परिट्ठावित्तए, सज्झायं वा करित्तए, धम्मजागरियं वा जागरित्तए,' तं एवइयं वा एवइखुत्तो वा, ते य से विवरिज्जा एवं से कप्पइ, ते य से नो विवरिज्जा नो से कप्पइ, से किमाहु भंते ! ?, आयरिया पच्चवायं जाणंति ॥५१॥ वासावासं पज्जोसविण्ण भिक्खू इच्छिज्जा वत्थं वा पडिग्गहं वा कंबलं वा पायपुंछणं वा अण्णयरिं वा उवहिं आयावित्तए वा पयावित्तए वा, नो से कप्पइ एणं वा अणेगं वा अपडिण्णवित्ता गाहावइकुलं भत्ताए वा पाणाए वा निक्खमित्तए वा पविसित्तए वा, असणं वा पाणं वा साइमं वा खासमं वा आहारित्तए, बहिया विहारभूमि वा वियारभूमिं वा सज्झायं वा करित्तए, काउस्सग्गं वा ठाणं वा ठाइत्तए । अत्थि य इत्थि केइ अभिसमण्णागए अहासणिहिए एगे वा अणेगे वा, कप्पइ से एवं वइत्तए - 'इमं ता अज्जो ! तुमं मुहुत्तगं जाणेहि जाव ताव अहं गाहावइकुलं भत्ताए वा पाणाए वा निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए, बहिया विहारभूमि वियारभूमिं सज्झायं वा करित्तए, काउस्सग्गं वा ठाणं वा ठाइत्तए,' से य से पडिसुणिज्जा एवं से कप्पइ गाहावइकुलं भत्ताए वा पाणाए वा निक्खमित्तए वा पविसित्तए वा, असणं पाणं खाइमं साइमं आहारित्तए वा, बहिया विहारभूमिं वियारभूमिं सज्झायं करित्तए वा । से य से नो पडिसुणिज्जा एवं से नो कप्पइ गाहावइकुलं भत्ताए वा पाणाए वा निक्खमित्तए वा, पविसित्तए वा, असणं पाणं खाइमं साइमं आहारित्तए वा, बहिया विहारभूमि वियारभूमिं सज्झायं करित्तए वा, काउस्सग्गं वा ठाणं वा ठाइत्तए ॥५२॥ वासावासं पज्जोसवियाणं नो कप्पइ निग्गंथाण वा निग्गंथीण वा अणभिग्गहियसिज्जासणियाणं हुत्तए, आयाणमेयं, अणभिग्गहियसिज्जासणियस्स अणूच्चाकूइयस्स अणट्ठाबंधियस्स अभि यासणियस्स अणातावियस्स असमियस्स अभिक्खणं २

अपडिलेहणासीलस्स अपमज्जणासीलस्स तहा तहा संजमे दुराराहए भवइ ॥५३॥ अणादाणमेयं, अभिग्गहिय सिज्जासगियस्स उच्चाकूइयस्स अट्ठाबंधियस्स मियासणियस्स आयाबियस्स समियस्स अभिक्खणं २ पडिलेहणासीलस्स पमज्जणासीलस्स तहा २ संजमे सुआराहए भवइ ॥५४॥ वासावासं पज्जोसवियाणं कप्पइ निग्गंथाण वा निग्गंथीण वा तओ उच्चारपासवणभूमीओ पडिलेहित्तए. न तहा हेमंतगिम्हासु जहा णं वासासु, से किमाहु भंते ! ?, वासासु णं उस्सणं पाणा य तणा य बीया य पणगा य हरियाणि य भवंति ॥५५॥ वासावासं पज्जोसवियाणं कप्पइ निग्गंथाण वा निग्गंथीण वा तओ मत्तगाइं गिण्हित्तए, तंजहाउच्चारमत्तए, पासवणमत्तए, खेलमत्तए ॥५६॥ वासावासं पज्जोसवियाणं नो कप्पइ निग्गंथाण वा निग्गंथीण वा परं पज्जोसवणाओ गोलोमप्पमाणमित्तेऽवि तेसे तं रयणिं उवायणावित्तए । अज्जेणं खुरमुंडेण वा लुक्कसिरएण वा होइयव्वं सिया । पक्खिया आरोवणा, मासिए खुरमुंडे, अद्धमासिए कत्तरिमुंडे. छम्मासिए लोए, संवच्छरिए वा थेरकप्पे ॥५७॥ वासावासं पज्जोसविआणं नो कप्पइ निग्गंथाण वा निग्गंथीण वा परं पज्जोसवणाओ अहिगरणं वइत्तए, जे णं निग्गंथो वा निग्गंथी वा परं पज्जोसवणाओ अहिगरणं वयइ से णं 'अकप्पेणं अज्जो ! वयसीति' वत्तवे सिया, जे णं निग्गंथो वा निग्गंथी वा परं पज्जोसवणाओ अहिगरणं वयइ से णं निज्जू हियव्वे सिया ॥५८॥ वासावासं पज्जोसवियाणं इह खलु निग्गंथाण वा निग्गंथीण वा अज्जेव कक्खडे कडुए वुग्गहे समुप्पज्जिज्जा सेहे रायणियं खामिज्जा, राइणिएऽवि सेहं खामिज्जा (ग्रं-१२००) खमियव्वं खमावियव्वं उवसमियव्वं उवसमावियव्वं सुमइसंपुच्छणाबहुलेणं होयव्वं । जो उवसमइ तस्स अत्थि आराहणा, जो न उवसमइ तस्स नत्थि आराहणा, तम्हा अप्पणा चेव उवसमियव्वं, से किमाहु भंते ?, उवसमसारं खु सामणं ॥५९॥ वासावासं पज्जोसवियाणं कप्पइ निग्गंथाण वा निग्गंथीण वा तओ उवस्सया गिण्हित्तए, तंजहा-वेउव्विया पडिलेहा साइज्जिया पमज्जणा ३ ॥६०॥ वासावासं पज्जोसवियाणं निग्गंथाण वा निग्गंथीण वा कप्पइ अण्णयरिं दिसिं वा अणुदिसिं वा अवगिज्झिय भत्तपाणं गवेसित्तए । से किमाहु भंते ! ?, उस्सणं समणा भगवंतो वासासु तवसंपउत्ता भवंति, तवस्सी दुब्बले किलंते मुच्छिज्ज वा पवडिज्ज वा, तमेव दिसं वा अणुदिसं वा समणा भगवंतो पडिजागरंति ॥६१॥ वासावासं पज्जोसवियाणं कप्पइ निग्गंथाण वा निग्गंथीण वा गिलाणहेउं जाव चत्तारि पंच जोयणाइं गंतुं पडिनियत्तए, अंतराऽवि से कप्पइ वत्थए, नो से कप्पइ तं रयणि तत्थेव उवायणावित्तए ॥६२॥ इच्चेइयं संवच्छरिअं थेरकप्पं अहासुत्तं अहाकप्पं अहामग्गं अहातच्चं सम्मं काएण फासित्ता पालित्ता सोभित्ता तीरित्ता किट्ठित्ता आराहित्ता आणाए अणुपालित्ता अत्थेगइआ समणा निग्गंथा तेणेव भवग्गहणेणं सिज्झंति बुज्झंति मुच्चंति परिनिव्वाइंति सव्वदुक्खाणमंतं करिति, अत्थेगइया दुच्चेणं भवग्गहणेणं सिज्झंति बुज्झंति मुच्चंति परिनिव्वाइंति सव्वदुक्खाणमंतं करिति, अत्थेगइया तच्चेणं भवग्गहणेणं सिज्झंति बुज्झंति मुच्चंति परिनिव्वाइंति सव्वदुक्खाणमंतं करिति, सत्तट्ठ भवग्गहणाइं पुण नाइक्कमंति ॥६३॥ तेणं कालेणं तेणं समएणं समणे भगवं महावीरे रायगिहे नगरे गुणसिलए चेइए बहूणं समणाणं बहूणं समणीणं बहूणं सावयाणं बहूणं सावियाणं बहूणं देवाणं बहूणं देवीणं मज्झगए चेव एवमाइक्खइ, एवं भासइ, एवं पणवेइ, एवं परुवेइ, पज्जोसवणाकप्पो नामं अज्झयणं सअट्ठं सहेउअं सकारणं ससूत्तं सअट्ठ सउभयं सवागरणं भुज्जो भुज्जो उवदंसेइत्ति बेमि ॥६४॥ (ग्रं ० १२१५) इति सामाचारी समाप्ता, तृतीयं वाच्यं च समाप्त ॥ इति श्रीदशाश्रुतस्कन्धे श्रीपर्युपणाकल्पाख्यं स्वामिश्रीभद्रबाहुविरचितं श्रीकल्पसूत्रं (बारसासूत्रं) समाप्तम् ॥